

**INATSIARTUT
OMBUDSMANDIATA
UKIUMOORTUMIK
NALUNAARUTAA
2006**

2. Soraarsitsinermut atatillugu suliami illua'tungiusup isumaanik tusarniaanerup naammannginnera aamma suliap amigartumik paasissutissartalersorneqarnera

A-mik suliunnaarallartitsinermut tamatumalu kingornatigut soraarsitsinermut atatillugu kommunip periaasianik eqqartuussis-suserisup X-ip peqatigiiffimmit pisinnaatitaasutut A sinnerlugu naammagittaalliuutaa Ombudsmandip tiguua.

Soraarsitsineq A-p ilaatigut nipangiussisussaataa anermik unioq-qutitsisimaneranik ilaatigullu suleqatigiinnermi ajornartorsiutini kiisalu A-p suliffiup avataani pissusilersorneranik sullitamullu tiinganiartutut oqaluttarsimaneranik tunngavilersorneqarsimavoq.

Ombudsmandi isumaqarpoq K Kommunip suliami illua'tungiusup isumaanik tusarniaanera isorisarialerujussuusooq, inatsisinillu eqqortitsisuunera apeqquserujussuarneqarsinnaasoq.

Ombudsmandi aammattaaq isumaqarpoq A-p atorfimminut atatillugu nalinginnaasumik nipangiussisussaataanini unioqutis-

simanngikkaa, taamaattumillu A nipangiussisussaataitanermik unioqutitsineq tunngavilersuutigalugu soraarsinneqarsinnaasimanngitsoq.

Ombudsmandi aammattaaq isumaqarpoq suleqatigiinnermi ajornartorsiutit A-mik pissuteqarnerpaanerat naammattumik uppernarsarneqarsimanngitsoq.

Kiisalu Ombudsmandi isumaqarpoq atorfeqartitaasup suliffiup avataani pissusilersornera sulisitsisup aallaavittut susassarinnigikkaa, tamatumunngali peqatigitillugu oqaatigalugu pisoqarsinnaasooq atorfeqartitaasup pissusilersornerata soraarsitsinermi tunngavigineqartunut ilaatinneqarfigisinnaasaanik. K Kommuni Ombudsmandip isumaqatiginerarpaa oqarmat A-p tiinganiartutut oqaluttarsimanera suliami soraarsitsinermut tunngasumi ilaatinneqarsinnaasooq, soraarsitsinermi tunngavilersuut taanna pillugu suliami illua'tungiusooq tunngavilersuut taanna pillugu isumaanik naammattumik tusarniaavigineqarsimappat. (J.nr. 11.10.21.01/040-05)

Eqqartuussissuserisup X-ip naammagittaalliutaanit 3. juni 2005-imeersumit makku erseput:

"Peqatigiiffimmu eqqartuussissuserisutut peqatigiiffik peqatigiiffimilu ilaasorta A sinnerlugit K Kommunimut atasumi suliffimmi ...-tut atorfanit A-p akissarsiaqartillugu soraarseqattaarneranut tamatumalu kingorna allakkatigut 28. juni 2004-meersukkut suliuunnaarsinneqattaarneranut atatillugu K Kommunip periaa-sia pillugu naammagittaalliut matumuuna saqqummiuppara.

Suliamut atatillugu qanoq pisoqarsimanera eqqarsaatigalugu ullulersorneri malilugit tulleriaarlugit allattukkat ilanngullugit nassiunneqartut kiisalu ilanngussat matumani oqaatigineqartut aamma ilanngullugit nassiunneqartut innersuussutigineqarput.

Naammagittaalliummi matumani pineqartut isornartorsiutit imaat eqqarsaatigalugit K Kommunimut allakkakka 13. december 2004-meersut ilanngullugit nassiusakka kommunip allagaasigut 14. februar 2005-meersukkat itigartillugit akineqartut taamatuttaaq ilanngullugit nassiunneqartut innersuussutigaaakka. Allassimasutut suliami K Kommunip aalajangiinerisa atorsinnaassusiisa – tassunga ilanngullugu soraarsitsivinnerup aalajangiiffigineqarnerata nalinginnaasumik isummerfigineqarinnisaat naammagittaalliuteqartumit ilaatigut kissaatigineqarpoq.

Suliap suliarineranut atugassatut paasissutissat amerlanerusut kissaatigineqarpata ikiunnissannut piareersimavunga.

K Kommuni allakkat uku ilanngussat ilanngullugit assilinerannik nassinneqarpoq." (Atorfeqarfimmi nutsigaavooq)

Ilanngussanit ilanngullugit nassiunneqartunit makku erseput:

Ullulersuineq malillugu allakkiaq 3. juni 2005-imi ullulerneqarsimasooq, eqqartuussissuserisup X-ip suliarisimasaa:

1. 1. april 2003: A K-p illoqarfiani suliffimmi atorfinitsinneqarpoq. Ilanngussaq: Atorfinitsitsinermi isumaqatigiissut, atorfiup allaaserineqarnera.
2. 19. april 2004: Allakkiaq A-p pisortartaaq pillugu il.il. allakkiaa nassaarineqarsimasoq pissutigalugu sulisunik immikkut ittumik ataatsimiititsineq. Ilanngussaq: A-p allakkiaa, sulisunik immikkut ittumik ataatsimiigiqqusissut, sulisut ataatsimiinnerat pillugu imaqarniliaq, maanga nassiussinermi allakkat ilanngulugit.
3. 21. april 2004: A ingerlaannavissumik atuutilersumik suliunnaarsinneqarpoq. Ilanngussaq: Suliunnaarsitsineq pillugu allakkat 21. april 2004-meersut.
4. 30. april 2004: Peqatigiiffik K Kommunimut saaffiginnippoq, suliunnaarsitsinerup ingerlaannavissumik atorunnaarsinneqarnissaa piumasaqatigalugu. Ilanngussaq: Peqatigiiffiup K Kommunimut allagai 30. april 2004-meersut.
5. 4. maj 2004: A ataatsimeeqatigalugu suliama illua'tungiusutut isumaanik tusarniaaneq. Ilanngussaq: Suliama illua'tungiusup isumaanik tusarniaanissamut ageqqusissut 28. april 2004-meersoq, ataatsimiinneq pillugu imaqarniliaq.
6. 24. maj 2004: Suliunnaarsitsinermik suliffimmi sulisut ataatsimiinnerannut atatillugu atorunnaarsitsineq. Ilanngussaq: Ingerlatsiviup pisortaata K Kommunimi kommunaldirektørimut allagai, ataatsimiinneq pillugu assaannarmik allattukkarnik (imaqarniliamik) ilaqartinneqartut.
7. 1. juni 2004: A-p tunaartarisassanik aalajangersaavissatut pilersaarutaasumik sulisut ataatsimeeqqinnerannut atatillugu suliunnaarseqqinneqarnera. Ilanngussaq: Ataatsimiinneq pillugu imaqarniliaq, Kommunaldirektørip aamma ingerlatsiviup pisortaata A-mik suliunnaarsitsillutik allagaat 4. juni 2004-meersut.
8. 9. juni 2004: Peqatigiiffik suliunnaarsitseqqinneq pillugu qisuariarpoq. Ilanngussaq: Peqatigiiffiup K Kommunimut allagai 9. juni 2004-meersut.
9. 17. juni 2004: A-p "suliama illua'tungiusutut isumaanik inaarutaasumik tusarniaavigineqarnera." Ilanngussaq: Ulloq taanna ataatsimiinneq siulleq pillugu imaqarniliaq, Peqatigiiffiup kommunaldirektørimut e-mailikkut 24. juni 2004-mi nassiussaa kiisalu taassuma akissutaa 29. juni 2004-meersoq.
10. 28. juni 2004: A-p soraarsinneqarnera, 2004-mi septemberip naanerani. Ilanngussaq: Soraarsitsineq pillugu allakkat 28. juni 2004-meersut.

Soraarsitsisoqarnissaanik aalajangererup kingornatigut suliama illua'tungeriit allagaat pingaarnerit:

- * Peqatigiiffik aamma A sinnerlugit Eqqartuussissuserisoq X K Kommunimut allagaat 13. december 2004-meersut
- * K Kommunip allagai 14. februar 2005-imeersut." (Atorfeqarfimmi nutsigaavoq)

Ilanngussat sinneri taakku ullulerneqarsimaneri malillugit tulluittuni isuarneqarput:

A-p atorfinitsinneqarnera pillugu allakkiaq, K Kommunimit suliarineqarsimasoq:

"K Kommunip 1. april 2003-mi atuutilersumik ...-tut suliffimmi inissillutit atorfinitsippaatit.

Atorfinitsitsinermi Kalaallit Nunaanni Naalakkersuisut aamma Danmarkimi Ingeniørforbundip, Ansatte Arkitekters Rådip, Ilinniarnertuunngorniartinnit ilinniarnertuunngorniartinnit

titsisut peqatigiiffiata, Dansk Magisterforeningip aamma peqatigiiffiup taassuma ingeniørinut, arkitektinut, Kalaallit Nunaanni Ilinniarnertuunngorniarfinni magisterinut, magisterinut aamma Kalaallit Nunaanni tarnip pissusiinik ilisimasalinnut isumaqatigiissutaat 15. maj 2001-imeersaq atuuppoq.

Isumaqatigiissummi qulaani taaneqartumi § 4, imm. 3 tunngavigalugu akissaateqarfimmi ukiumut ataatsimut atuuttumi 5-17-imi aamma 20-mi inissinneqassaatit.

Sulisimanerpit sivisussusia 1. februar 1991-imit aallarnertumik naatsorsorneqas-saaq, akissaateqarfimmut 17-imut naapertuuttumik, 1. februar 2004-mi akissaateqarfimmut 20-mut qaffariartussamik.

Atorfik isumaqatigiissummi § 7, imm. 5 tunngavigalugu aqutsinermut tapeqartin-neqarpoq. Taamatuttaaq isumaqatigiissummi § 7, imm. 6 tunngavigalugu suliar-toq-quneqaratarsinnaanermut tapeqartitsisoqarpoq, tapillu taakku qanoq sivisutigisumik sulisimaneq naapertorlugu amerlassusiligaapput.

Akissarsiat kingumoortumik qaammammumtunniunneqartartussat 15. maj 2001 aallarnerfigalugu imaalerput:

Akissarsiat	kr.	26.372,42
Suliar-toq-quneqaratarsinnaanermut tapit	kr.	2.790,48
Tapit	kr.	1.330,00
Soraarnerussutisianut nammineq akiliutit	kr.	-1.318,00
Atp	kr.	-32,40
Katillugit	kr.	29.141,88

Akissarsiat kontomut Danmarkimi imaluunniit Kalaallit Nunaanni pilersitassan-nut ikineqartassapput. Konto pilersinneqareerpat taassuma normua paasisstissanik akileraartarninnut tunngasunik ilaqartillugu K Kommunimut nalunaarutigeqqune-qarpoq.

Isumaqatigiissummi § 14, imm. 3 tunngavigalugu soraarnerussutisiaqartitsiner-mik aaqqissuussineq pilersinneqassaaq.

Sulisitsisup soraarnerussutisianut akileeqaataassutai akissarsiat "aamma aqutsiner-mut tapit kiisalu suliar-toq-quneqaratarsinnaanermut tapit" qulaani taaneqartut 10 %-eraat. Soraarnerussutisianut nammineq akileeqaataassutit akissarsiat "aamma aqutsi-nermut tapit kiisalu suliar-toq-quneqaratarsinnaanermut tapit" qulaani taaneqartut 5 %-eraat. Soraarnerussutisianut akileeqaataassutit akissarsianit ilanngaatigineqartas-sapput, soraarnerussutisiaqartitsinermillu aaqqissuussinermut qaammammoortumik akilerneqartassallutik.

Atorfinititsinermut matumunnga atatillugu inissiamik innersuunneqarsinnaati-taavutit. Ilaqutariit annertussusiat qinnuteqaammi taaneqartoq tunngavigalugu inis-siamik inniminniisoqassaaq.

Inissiaq innersuunneqartoq pillugu kingusinnerusukkut erseqqinnerusumik tusa-gaqarumaarputit. Inissiaq innersuunneqartoq malittarisassat sukkulluunniit atuuttut malillugit akilersorneqassaaq. Inissiap piaartumik qimanneqarnissaa atorfeqarnerup unitsinneqarneranut atatillugu pisussaaffigaat.

Attartukkap paarinerlunneqarnera pissutigalugu inissiamit anisitaaguit inissiamik allamik atugassinneqarsinnaanngilatit.

Ineqarnermut akiliutit, kiassarnermut akileeqaataassutit siumoortumillu akiliutinut naafferartumik akilersuisoqarpat akilersuutit taakku siumoortumik akilerneqartas-sapput, akissarsianillu unerartinneqassallutik.

Pissutsit atorfeqarninnut atatillugu ilisimalikkatit nipangiussimasussaavatit, ta-manna pissutsit taamaannerat pissutigalugu piumasaqaataappat, imaluunniit quller-

sarisavit tamanna naalakkiutigippassuk. Nipangiussisussaataitaneq atorfinnit tu-
nuarnikkut atorunnaarneq ajorpoq.

Qinnuigineqarputit allakkat ukua assilineranni ilanngullugu nassiunneqartumi at-
siornikkut uppernarsaqullugu piumasaqaatit qulaani taaneqartut paasigetit. Allak-
kat assilinerat atsiorneqarsimasoq K Kommunimi ingerlatsivimmuot piaarnerpaamik
nassiuteqquneqarpoq." (Atorfeqarfimmi nutsigaavoq)

Atorfiup allaaserineqarnera april 2003-meersoq:

"K Kommunimi atorfeqartitaasut tamarmik K Kommunip siunertai pingaarnar-
paatut malissavaat. Eqaatsuullunilu naleqqussarnissamut piareersimasariaqarpoq,
ingerlatani suliassanilu nutaani kommunimi innuttaasunut iluaqutaasumik peqataa-
sinnaalersinnaajumalluni. Tamakkua saniatigut suliassat ataani taaneqartut ilaapput.

INGERLATSIVIK:	Ingerlatsivik
Immikkoortortaarfik:	Suliffimmi
Atorfiup taaguutaa:	Pisortap tullia, ...-tut
Atorfeqartitaasoq:	A
Akissarsianik aalajangersaaneq:	Isumaqatigiissut

I: Atorfiup aaqjissuusaanermut tunngasortaa

Atorfeqartitaasoq aaqjissuusaanikkut sulinerminilu ingerlatsiviup pisortaata
ataani inissisimavoq.

II: Atorfimmi suliassat, akisussaaffeqarfik pisinnaatitaanerlu

- Suliffiup ineriartorteqqinneqarnerani peqataaneq.
- Suliffiup pisortaa peqatigalugu ulluinnarni aqutsinermit akisussaqaataaneq
- Periaatsinik ineriartortitsineq, kommunip sulisuinik susasaqartunik (meeqqat/
inuusuttut/ilaqutariit aamma innarluutillit, angerlarsimaffimmi ikiortit suli-
sularinnittut il.il. eqqarsaatigalugit tapersersortitut ikiortinik) immersuineq, ilit-
sersuineq ilinniartitsinerlu, taamaalillutik taakku siunissaq ungasinnerusoq isiga-
lugu sullitat ataasiakkaat eqqarsaatigalugit pitsaannerusumik nammineernerusu-
millu sulisinnaaleqqullugit.
- Ineriartortitsinermit suliassani susasaqarfisani peqataaneq, aamma oqartussat
assigiinngitsut suleqatigiiffianni kiisalu avataani suleqatinik susasaqartunik su-
leqateqarnermi oqartussat assigiinngitsut suleqatigiinnerannik nukittorsaanermi/
ineriartortitsinermi peqataaneq.
- kommunimi pingaarnerusutigit siunissarlu ungasinnerusoq isigalugu suliniutit
anguniagarlu eqqarsaatigalugit killiliissutit erseqqinnerusumik nassuiarneqarsi-
masut aallaavigalugit pisariaqartitat immikkorluinnaq ittut tunngavigalugit sulli-
tanik ataasiakkaanik sullissineq.
- sulisunik ineriartortitsineq, ingerlatat il.il. pillugit oqartussat avataaneersut (peq-
qinnissaqarfik, atuarfik, pinnerluuteqarsimasunik isumaginnittoqarfik, qimar-
nguik il.il.) eqqarsaatigalugit siunnersuinermit suliaqarneq.

Aammattaaq sulisoq pisariaqartitsinerit immikkuullarilluinnartut eqqarsaatigalu-
git suliassanik naammassineqarnermikkut unittussanik suliaqarsinnaavoq, ilaatigut
meeqqat ataasiakkaat immikkut, soorlu immikkut ittumik atuartitsineq aqutugalugu
perorsaanikkut pisariaqartitsinerat pillugu naliliinermut atatillugu." (Atorfeqar-
fimmi nutsigaavoq)

Suliffeqarfiup pisortaata sulisut 19. april 2004-mi immikkut ittumik ataatsimiinnissaannut aggeqqusissutaa. Tassanga makku erserput:

"Sulisut immikkut ittumik ataatsimiinnissaannut matumuuna aggeqquneqarpusi, allakkanik A-p allassimasaanik pissarsisimanera pissutigalugu, taakkulu nikassarpaseqisunik ilaatigullu eqqunngitsunik assullu kukkusunik imaqarput, sulisoqatiigiinni saqqummiutinngitsoorsinnaanngisannik, illumi maani tatigeqatigiinneq suleqatigiinnerlu eqqarsaatigalugit.

Allakkat eqqaaneqartut assilinerat ilanngullugu nassiunneqarpoq.

Oqaluuserisassat:

1. Suleqatigiinneq - pisortap sulisullu akornanni tatigeqatigiinneq
2. Maanngaannit qanoq ingerlariaqqittoqassava, qanoq pisoqassava aamma qanoq pisoqarsinnaava?
3. Oqaatigisariaqartut allat." (Atorfeqarfimmi nutsigaavoq)

Allakkat ullulernerqarsimannigitsut, sulisut immikkut ittumik ataatsimiinnerannut pissutaasut:

"Nutaamik pisortartaalerluta suliffimmi nalunnigilarput, kisianni sivisuumik tusatsiagaannartigit paasivarput pineqartoq tassaasoq perorsaasoq-meersoq.

Pisortannortussamit attaveqarfigineqannginnerput inuup taassuma sulisorilerumaakkaminik paasinissinnaassuseqarnera eqqarsaatigalugu ernumalersitsisariaqarpoq.

... .. ingiaqatigalugu tikimmat malunnarpoq imminut tunngasut ammaffiginerulugit suliffik pillugu anguniakkani ammaffiginnginnerugai. Imminornernut marlunnut atatillugu aliasunnini oqaluttuaraa. ...-poq oqaloqatigiuminartumik.

Suniarnersoq erseqqissumik akissutisiffiginngilarput? Sooq maannarpa?

... sulilerluni suliartoqqaarmat suleqatiga ... ullaakkorsiutisiniarsimavoq. ... issi-alluni oqalutsillugu tupaallaatigisannik tusariataarpara ...-p kalaallisut ilitersorpallukkaa. ...-ili imatut oqarsoraara nalunnikkini sullitanut sianernej naleqqutinngitsuusoq. Pingaartumik maluginiagassaavoq ...-p aqunneqarnini paasiuminaatsunngorlugillu attavigineqartarnini akuersaaraa. Inooqatigiinnikkut tarnip pissusiinit isigalugu oqartoqarsinnaagunarpoq ...-p/...-p akornanni pissuseq oqaatigineqarajut-tartutut matumani "killormut qullersareqatigiinnertut" nassuiarneqarsinnaasoq. ...-p "aqunneqarluni" aqutsinissani akuersimavaa.

Tamatuma kingornatigit ...-p nassuiaappaanga "nammineq kingusinnerusukkut oqaloqatigiumallunga". Tamanna ullut 14-it qaangiunneranni suli pisimannigilaq.

Pisortaasup sulisuminik ataasiakkaarlugit oqaloqatiginnikkumanera uanga paasiluarsinnaasorujussuara, kisianni tupaallaatigalugu malugaara-lu oqaloqatigilerai. Tupaallaatigeqaluguli paasivara perorsaasut taakku marluk peqatigalugit suliffeqarfimmi maani tamatsinnut tunngasunik aalajangiisimasut.

Ullup ilaa kingusinnerusukkut ... oqarpoq pitsaavallaarani. Nuannaarneriarluni tulliuullugu "anersaapiluk" eqqaavaa. Malugaara piaarluni qaangiinnaqattaaraanga.

...-p oqaloqatigiumallunga neriorsuunni eqqortinniarneraa utaqqimaarpara. Taamaattorli piffissap ingerlanerani saaffigaanga oqarlunilu isumaqarluni ... uanga taarserlunga pisortamat tulluuppat pitsaanerusoq.

Tamatuma eqqarsaatiginnissaa pisariaqartillugu oqaatigaara.

Tamatuma nalaani suliffimmi pissaanerup inissisimanerata qanoq iluseqarnera titartarpara, taassumalu ...-mut takutinnessaa siunertaraara, taassumalu oqaloqatiginissaanut periarfissarsiuminaatsillugu. Titartakkami tunngaviusoq tassaavoq siusin-

nerusukkut pisortaastrup maani aqutsisimanagera ... aqputiginerullugu ingerlasimasoq: ... - ... - ... pissaanermik ingerlatsisupput, uangalu immikkoortilluinnarneqarlunnga, mattus- saaqillungalu.

Oqaluttuassartaminq: ... suliffimmi pisortatut tunuarumangilluinnaraluarpoq.

Aqutsinermi ajornartorsiuterpassui piffissami sivirusi ...-p uangalu marluuluta uumigisimavagut.

Pisortatta allamik suliffissarsiornissani nalunaarutigereeraalu ... mumilluinnarpoq. Tupaallaatigalugu paasivara pisortatut soraartussaq misigissutsitigut qanimorluinnaq pissuseqarfigaa.

...-p inussiarnisaarfiguannarsimavaanga, taamaakkaluartoq pingaartumik isumaginninnermik ingerlatsivimmi assut ingunneqartartutut misigisimavunga. Pikkorlussutsinnik oqaatigineqartut upperilluinnarsimagunarmatigut tupaallaatigaara.

... meeqqanut ...-mit atorfinitsitaavoq. Taassumalu tunuarnerata kingornatigut ... pisortaaqallartutut atorfinitsinneqarpoq, qularnangitsumik ...-p ...-mut sunniuteqarnera aqputigalugu, K-p Illoqarfia killormut qullersareqatigiittunik ulikkaarpoq.

...-p suliami eqikkaanerit tamaasa kalaallisut allattarpai, naammassisimangisamilu meeqqerivimmi perorsaasumut ...-mut tunniunneqarnissaat isumagisarlugu. ..."(Atorfeqarfimmi nutsigaavoq)

Sulisut immikkut ittumik 19. april 2004-mi ataatsimiinnerat pillugu imaqarniliaq 20. april 2004-meersoq:

"Najuuttut: ..., ..., ..., A aamma ...

...-p sulisut immikkut ittumik ataatsimiinnissaannut aggeqqusisimasup aallarniiluni ataatsimiigaaqqusissut kiisalu A-p allagarisimasai atuagassanngorlugit agguappai.

Tamatuma kingornatigut A-mik qanimut suleqateqarnissamut tatigeqatigiinnissamullu ilumut tunngavissaqarneranik ernummateqarnermut tunngavilersuutikka sulisunut ilisimatitsissutigineqarput, tassami uanga paasinninnera unaamat A-p suliffimmi sulisut suleqatitullu tatigineqarsinnaanera innarlerneqarsimasoq.

Aammattaaq allakkat imaat kamaatigeqaakka, taakkumi illumi matumani suleqatigiinnermik aqutsinermillu nukillaarsaasinnaammata, tamaattoqartariaqanngilarlu.

Allakkat pingaartumillu allakkat kamasaarutitut sulisunillu avisaartortitsiniutitut suliaanngikkunik suliffiup qarasaasiaanut kikkut tamarmik iserfigisinnaasaannut soq toqqorneqarsimaneramik apeqput A peqatigalugu oqaluuserineqarpoq.

- Allakkat kimut saaffiginnissutaappat?
- Sumut atorneqartussaappat?
- ... peqatigalugu pulaarnera eqqarsaatigalugu apeqputit akineqanngitsut suut apeqputigineqarsimappat? Suliffimmi aallartinnermi sulisunik ilassinnikkiartorluni illumillu takusaalluni pulaarnermit allaasumik paasineqarsinnaasumik oqartoqarsimava?
- Imminorneq aqputigalugu annaasaqarnera pillugu ammasuunera uannut soq atorneqassava? nakkutilliisuma nikanarsarniarneqarnerat, tamakku soq ilanngunneqarpat?
- Uanga qanoq isumaqartunga sunillu anguniagaqartunga A-p aperisimavaanga? Taama erseqqarlutsigamik?
- Ilaatigut isummakka malillugit sulilluta aallartissimanginnatta, sulisullu suliffiup anguniagai eqqarsaatigalugit siunissaq ungasinnerusoq isigalugu pilersarutigisakka sulisunut paasitneqarsimanginnamik? Ulloq manna ullut qulingi-

luassaat suliffigaara, ullut QULINGILUAT ingerlanerinnaanni suut anguneqar-sinnaasutut naatsorsuutigineqarsinnaagamik?

- Paasissaanngitsuliorluni attaveqatigiinneq sunaana? Kalaallisut oqalunneq?
- .../... qanoq ilillutik killormut quillersareqatigiissinnaappat? ... tassaannginner-luni sullitanik ilisimasaqarlunilu nalunngisalik?
- Tassani aqunneqarluni aqutsineq qanoq paasineqassava?
- ...-p oqaloqatigiumavaanga, tamatumali kingornatigut ullut 14-it qaangiunneran-ni suli taamaalorsimanani. - Manna tikillugu ullut tamaasa oqaloqatigiinneq ajo-ratta? Piffissamik annertunerpaamik A-mut atuisarnera tamarmik uppernarsar-sinnaavaat, tamanna tamanut erseqqarinninnami? Pisariaqartitsilluinnaraanni pilersaarutaasutullu ataatsimiinissaq utaqqisinnaanngikkaanni tamanna nam-mineq ujartorneqarsinnaannginnami?
- "Perorsaasunik marlunnik" oqaloqateqarneq kukkunerugami? Qanoq ililluni ta-manna kukkuneruva?
- Pitsaanngikkaluarlunga nuallungalu sulinera ilumoorpoq, tamatumani suna ajo-rami?
- Anersaapiluk, anersaapiluk kinaagami? Tamanna kimut ajornartorsiutaava?
- A-p uannit piaaraluni qaangiataarneqarluni misigisimanera, qanga pisimava?
- Sooq utaqqimaassavaanga, aperineq inerteqquataagami, ilisimatinneqarsimavusi sukkulluunniit saaffigisinnaagissinga, maaniami amerlanerunngilagut, suullu ta-marmik taama eqartigiuaannassagamik?
- Nalunaaquttap akunneri suliffigisimasakka tamaasa pillugit nassuiaateqassaga-ma? Malunnanninnami ullut qulingiluaannaat ingerlaneranni aaqqissuussile-reersugut? Sulisut sulinermi peqataatinneqannginnamik?
- Kia pisortap tulliatut atorfinitsinneqarnissaa suli qulaajarneqanngilagut, aaqqitas-sanullu ilaalluni, A pisortap tulliujumalluni sunik tunngavilersuuteqarpa?
- ... pissaanermik ilusiliisuvoq, A-lu mattussaaqilluni. Aap, kialiuona A mattuk-kaa? Uagut imaluunniit nammineq?

Apeqqutit arlallit A-p eqqarsaatigisimanngilai, taamaattumillu sukumiisumik akisinnaanani, tassami allagaq taanna imminuinnaq allassimagamiuk, pakatsisima-nermini.

Allakkat suliffiup qarasaasiaanniinnerannut pissutaavoq A-p angerlarsimaffim-mini qarasaasiaata atorneqarsinnaannginnera. Suliffiup qarasaasiaata atorneqarnera pillugu mallittarisassat A-p ujartorpai, imaaginnannigila suliffiup qarasaasiaa kikkun-nilluunniit atorneqarsinnaasoq taamaattutullu isigineqassasoq, taamaattumillu ma-littarisassaliorneq pisariaqanngitsaq?

Paasissaanngitsuliorluni attaveqatigiinneq A-p oqarnera malillugu tassa kalaalli-sut oqalunneq.

Pisortamik pisortallu tullianik atorfinitsitsinissaq eqqarsaatigalugu ... kukkusi-magunarpoq, tamannalu uanga isummerfigiuminaatsippara, taamanimi uanga suli atorfinissimanninnama. Sulisut ataasiakkaarlutik pisortamit oqaloqatigineqarnis-saat A-p maqaasisimavaa.

Nerrivik kaajallallugu:

...: A-p allagaanik taasaq ilisaraa, taamatullu allaaserineqaaqqittutut misigisimal-luni.

... soraassappat nammineq aamma soraarniarpoq, ... tamakkununnga nukissa-qanngilluinnarpoq, qaammatini marlunni kisimeeqatiginerani nukippassuit A-mut assortuunnernullu uuminartunut atorsimavai. Taamatut ingerlaannartoqarsinnaan-ngilaq.

...: Allagaq atuaramiuk annilaarsimavoq, eqqarsarlunilu uanga qaqugu tulluutis-saanga? A toqqissisimanarinarnaarpaa.

...: Allakkat suliffiup qarasaasiaanut kikkunnit tamanit atuarneqarsinnaallutik sooq inissinneqarsimanersut A nassuiaateqassasoq kissaatigaa. Kamassaarutaassanngippat sooq taava peerneqarsimannigila angerlarsimaffimmiluunniit allanneqarsimannigila imaluunniit diskettequt toqqorneqarsimannigila?

Aamma isumaqarpoq ... piffissap sivikitsuinnaap ingerlanerani angusaqarsimaqisoq. Apeqqutimi akineqarnissaat utaqqisinnaasarpaa, angutitut inersimasuugami ataatsimiinnerullu tullianut utaqqisinnaalluni.

...-p oqaasii A-p tupaallaatigalugillu ajuusaarutigai.

Ataatsimiinnermili manna erseqqissivoq:

...-p A qanimut suleqatigerusunngilaa, tatigeqatigiinneq innarlerneqavissimavoq, suummi tamarmik qanoq allannortiterneqartassappat? A qinnuigineqarpoq allatukkani suliareqqullugit, imaqaarniliaq ...-p pisortaasunut ingerlateqqikkusummagu.

A nuutsinneqanngippat ... nuunniarpoq, tatigeqatigiinneq pilerseqqinneqarsinnaanngilaq, tassami allakkat imarisaat A-llu nassuiaataa naammaginannimmata. Tamanna ajuallannartutut piviusunillu sangutitsinertut misigisimaneqarpoq.

Allakkat ataatsimut isigalugit illumi maani tamanut nikassaasuupput, eqqunngilulinnarlutik kamassaarutaagalutillu, suleqatigiinnerlu tamanna pissutigalugu ingerlanneqarsinnaanngilaq. Tamanna suliffiup matuma mikisuuneranut taamalu eqqoruminartuuneranut ataneqartillugu isigineqassaaq.

Tamatuma taamatut pisariaqarneranik apeqqut suli akineqarsinnaanngilaq. Paa-sissaanngitsuliorlunili attaveqatigiinneq A-p oqarnera malillugu tassaavoq kalaallisut oqalunneq.

Sulisut ataatsimiinnerisa kingornatigut ...-p sianerfigaanga, oqarlunilu inooqaminut A sianersimasooq, sulisut ataatsimiinnerat pillugu.

Toqqissisimannigineq tamatuma annerulersippaa, allanummi kikkunnut sianersimassava, suullu kikkunnut oqaluttuarisimassavai?

Qanoq oqaluserineqarpugut, kikkunnullu??" (Atorfeqarfimmi nutsigaavoq)

Sulisut immikkut ittumik ataatsimiinnerat pillugu imaqaarniliaq K Kommunimi isumagininnermi siunnersortit pisortaannut aamma ingerlatsivimmut 20. april 2004-mi nassiunneqarpoq. Allakkanit ilaatigut makku erserput:

"Taama sakkortutigisut kamassaarutaatigisullu saqqummiunneqarnerat ajuusaarutigalugu inerititaqartumik suleqatigiinneq sunaluunniit illersorneqarsinnaanngilaq ingerlaqqissinnaananilu, taamaattumillu pisortaasut qinnuigaagut akuliuteqqullugit." (Atorfeqarfimmi nutsigaavoq)

K Kommunip A-mut allagai 21. april 2004-mi ullulerneqarsimasut. Taakkunanga makku erserput:

"Ataatigut atsiortup matumuuna uppersarpaa K Kommunimi ...-tut atorfinnit ingerlaannartumik atuutilersumik suliunnaarsinneqaravit.

Tunngavilersuutigineqarpoq tunaartarisassat pillugit arlaleriartumik oqaloqatigineqartareerlutit qullersarisannut, suleqatinnut kiisalu sullitannut pissusilersuutinni pitsanngoriaatinik takutitsisimanninnerit.

Suliami illua'tungiusutut isummannik tusarniaavigineqarnissannut ullut 14-it iluanni aggeqquneqarumaarputit.

Peqatigiiffinnut ilaasortaaffigisannut eqqartuussissuserisumulluunniit attaveqarfiginninnissannut tikilluaqqusaavutit." (Atorfeqarfimmi nutsigaavoq)

K Kommunip A-mut allagai 28. april 2004-meersut. Taakkunannga makku erserput:

"K Kommunimi ingerlatsivimmit allakkat ...-imik normoqartut 21. april 2004-meersut tunngavigalugit suliami illua'tungiusutut isummannik tusarniaavigineqar-nissannut matumuuna aggeqquneqarputit.

Suliami illua'tungiusup isumaanik tusarniaaneq kommunaldirektørip allaffiani marlungornermi 4. maj 2004-mi nal. 10.00 pissaaq.

Peqatigiiffinnut ilaasortaaffigisannut eqqartuussissuserisumulluunniit attaveqarfiginninnissannut tikilluaqqusaavutit.

Kommunimit makku peqataassapput:

Kommunaldirektør ...

Ingerlatsiviup pisortaa ...

Isumaginninnermi siunnersortit pisortaat ..." (Atorfeqarfimmi nutsigaavoq)

Peqatigiiffiup K Kommunimut allagai 30. april 2004-meersut. Taakku-nannga makku erserput:

"Ilaasortarput qulaani taaneqartoq peqatigiiffimmut saaffiginissimavoq, tassami K Kommunimi ...-tut atorfimminut sulionnaarsinneqarsimagami. A-p oqaatigaa su-liunnaarsitsinermut tunuliaqutaasoq tassaasoq suleqataata "...-p qarasaasiami A-p toqorsivianut isersimanera, allakkallu nammineq allattugarisai nassaarisimallugit, taakkulu pisortaanut ...-mut ingerlateqqissimallugit. Allakkani pineqartut paasissu-tissiisutiginenartut tassaasimapput suliffimmi pissutsit.

A oqarpoq kommunip qarasaasiaataanik atuineq pillugu tunaartarisassanik K Kommuni peqanngitsoq. Peqatigiiffiup paasinninnera unnaavoq nammineq allagaa-sa taassuma toqorsivianiinnerat kommunip A-mut avoqqaarliutigisinnaanngikkaa. Aammattaq peqatigiiffik isumaqarpoq suleqatip tatiginangitsumik pissusilersor-nera tunngavigalugu kommunip sulionnaarsitsinermik iliuuseqarnera akuerineqar-sinnaanngilluinnartoq.

A-p sulionnaarsinneqarnerata ingerlaannavissumik atorunnaarsinneqarnissaa Pe-qatigiiffiup tamanna tunngavigalugu sakkortunerpaamik inassuteqaatigissavaa. Su-liunnaarsitsinerup piaarnerpaamik atorunnaarsinneqarneranut uppernarsaammik nassinneqarnissani peqatigiiffiup qinnutigissavaa." (Atorfeqarfimmi nutsigaavoq)

Suliffimmi sulisut 24. maj 2004-mi ataatsimiinnerat pillugu imaqarniliaq assammik allataq:

"Kommunaldirektøri suliffimmi suleqatigiinneq pillugu suliaq ingerlasoq pillu-gu aallarniivoq.

... - pisortaq - tunaartarisassat - sulianik/sullitanik tigusisarneq.

Avammut allakkat tamarmik (kommunip ilisarnaataanik ilisarnaatillit) pisortap tulliaata aappaanit - ...-mit - atsiorneqartassapput.

Qaraasiat tamarmik tassaapput suliffimmi sulinnermi sakkussat.

Sullitanik sullissineq/attaveqarfiginninneq 8-16-ip iluani pisassaaq. Ataatsimee-qatigiittartut ataatsimiinneri piareersagaasut kisimik piffissap taassuma avataatigut ingerlanneqarsinnaapput.

Sullitat pillugit allattukkat atorfeqartitaasunit tamanit takuneqarsinnaassapput.

Suliaq matuminnga aallartitsisoq pillugu:

A qinnuigineqarpoq oqaluttuaqqullugu.

- A avataaniittutut misigisimavoq. Pisortap allanngornerata kingornatigut pisortamut attaveqarniarneq ajornartorsiutigaa.
- A-p isumaginissaata saniatigut ... allarpassuarnik suliassaqarpoq. A-p oqaatigisai ...-p piviusuunngitsutut isigai.
- A pissutsit assigiinngitsumik isigineqarput - Illuaqqat - massakkut kalaallisut. ... kalaallisut qallunaatullu. Pisortat pisortaapput, kulturi apeqqutaatinnagu. A isumaqarpoq avaqunneqartarluni, tamanna illersorneqarsinnaanngitsutut isigaa. ... A assersuusiornak, A paasinnippoq.
K Kommuni ...-mik atorfinitsisuuvoq, pisortaq suli pisortaavoq, tassaallunilu aalajangiisartoq.
... A-p suut tamaasa naammaginngilai.
... - Tamakku oqaluuserereerpagut. Tupinnarpoq maani uteqqiigatta.
A aperineqarpoq manna uteqqiinerusooq eqqaasimasinnaaneraa. A naaggaarpoq.
...: Anaanap - paniup akornanni pissutsit A-p taavai. ..., pissutsit qanoq innissaat siusinnerusukkut oqaatigineqareerpoq.
A: Sullitaq - sulinermi pissutsit atuuttut pissutigalugit sulineq tamakkiisuunngilaq.
Dir.: Sullitat suliffiup avataatigut suliarineqarneq ajorput.
A: Sullitat qallunaatut paasilluarsinnaanngillat.
...: Innuttaasooq innuttaavoq, sullitaanngilaq, A ingunneqartutut misigisimavoq.
A: Isumaginninnermut immikkoortortaqaarfimmi ajornartorsiuteqarpoq. Mailinik uumissuerpaluttunik nassinneqartarpoq.
...: Assersuutigalugu ingutsisarnerit pillugit akissuteqartoqarnissaa amigaatigaa.
A: Inuit suliarni pinerluttulerinnermut tunngasumi peqataasut eqqaavai.
...:
A: Inuk pissutsinik atukkaminut pisuusooq A-minngooq taasisimasooq.
...: A-p aqqa taaneqartillugu tusarsimanngisaannarpaa.
A: Nunaqaarfimmi ajornartorsiortoqarnerani ikiorsiinnermut upalungaarsimaneq taavaa.
...: Pisimasooq nalunaarusiarni oqalutsip suliarisimasaani eqqaaneqartoq taavaa. Tassani oqaatigineqarpoq A illakuluttartoq, sullitanut taakkununga ajuallannartumik.
...: Ataqaatigiinneqarnera takusinnaanngilaa, A-p assigiinngitsut taammagit.
A: Oqalutsip ajornartorsiortoqarnerani ikiuinnermut atatillugu inissisimaneq pil-lugu inguppaanga.
...: Tamanna nalunaarusiarniippoq, ingutsinerunngilarlu.
A: Oqarpoq oqalutsip pineqartup oqaluttuussimagaani.
...: Tamanna ingutsinerunngilaq.
...: Nikeriartoqannginnera pakatsissutigaa - Qanoq iliorluta ingerlariaqqissaagut. Illoqarfimmi naapitaqaraangavit suliut oqaluuserisarnagit.
A: Taamatut pisoqassanngilaq, naak oqarneq sorraakkaluartoq.
...: Siunissami qanoq ingerlaqqissaagut?
A: Oqarpoq suleqatit oqarsimasut A ingerlaqqissappat tamarmik soraarniarlutik.
...:
Komm. dir.: Isumaqatigiinnginneq tamatumalu kingornatigut ingerlaqqittariaqarneq pillugu assersuusiortoq.
A: ...-p akueriumanngilaanga.
...: Qanoq ilillunga.

A: ...-p isummertarnera ...-p kingornussimavaa.

...: A, qanga qaangiataaginnarpakkit.

A: Siunertaq tunaartarisassallu pillugit taasaqarpoq.

Kom. dir.: A-p ajullatitsineri/...-p qaangiataarsimannngilaatit. Misigissutsit - paatsuinerit

- qanoq iliorlusi ingerlaqqissavisi? Ullaakkut aallartinneq - Tamat oqartussaaqa-taanerat sumiuna amigaataasoq.

- Kom. dir.: Suliffimmi mikisumi oqaloqatigiinnnginnissaq ajornakusoortuuvoq. - Suut oqaluuserineqassasut aalajangerneqarsinnaajuannaarpoq.

- A: ...-p ulluni qulingiluani suleqatigisimavaanga.

- Kom. dir.: Paasisinnaanngilaa A ullut taama ikitsigisut qaangiunneranni isum-mersinnaammatt. ...-p saqqummernera.

- ...: A imminut suliarinersoq apeqqutigaa.

- A: Gruppi - imminut suliarineq.

- ...: Tamanna pisortat suliffeqarfiutaanni pissusiuppat qanoq ingerlariaqqitto-qassava. Tunaartarisassat oqaluuserineqassapput/taaneqassapput.

- A: Tunaartarisassarsuaqarsimannngilaq.

- ...: Oqaluuserigatsigu eqqaamaviuk? Suliat assigiinnngitsut eqqarsaatigalugit qanoq iliorluta suleriaaseqalissasugut.

Tunaartarisassat ...-p suliareqqissavai. A sapaatip akunnera taanna sullitanik ti-gusissanngilaq. Direktørip piumasaraa qanoq ingerlariaqqissanersugut sapaatip akunnerani tassani takutissagipput. 1. juni 2004-mi ataatsimiittoqaaqqissaaq. Qas-sinuussanersoq kingusinnerusukkut nalunaarutigineqassaaq.

Meeqqanik - Ilaqutariinnik Sullissivik pillugu tunaartarisassat tunniunneqassap-put.

Ilinniagaqarsimanermut pikkorissarsimanermullu uppersaataat assilineri A-p tunniutissavai." (Atorfeqarfimmi nutsigaavoq)

...-mi sulisut 24. maj 2004-mi ataatsimiinnerat pillugu allakkiaq K Kom-munimi ingerlatsiviup pisortaata ...-p K Kommunimi kommunaldirektøri-mut suliarisimasaa. Tassannga makku erserput:

"Ataatsimiinneq "...-mi nal. 9.00 ingerlanneqarpoq sulisut saniatigut makku pe-qataaffigisaannik:

Kommunaldirektør ...

Ingerlatsiviup pisortaa ...

Ingerlatsiviup pisortaa

Sulisut ataatsimiinnerat suliamut "suliffik"-mi suleqatigiinneq pillugu ingerlasu-mut atatillugu pivoq.

Kommunaldirektørip aallarniilluni A-p suliunnaarsinneqarnerata unitsinneqarne-ra A-llu ullumikkumiit sulileqqissinnaanera nassuiarpaa. A sapaatip akunnerani tas-sani sullitanik tigusaqassanngitsooq aamma aalajangerneqarpoq.

Suleqatigiinneq pitsaanerulersinniarlugu pisortap tunaartarisassat suliarissavai, taakkulu ataatsimiinnermi tulleermi 2. juni 2004-mi pisussami saqqummiunneqas-sapput.

Ataatsimiinneq pillugu imaqarniliaq assammik allataq ilanngullugu nassiunne-qarpoq." (Atorfeqarfimmi nutsigaavoq)

Ingerlatsiviup pisortaata ...-p K Kommunimi kommunaldirektørimut suliffimmi sulisut ataatsimiinnerat pillugu allakkiaa 2. juni 2004-meersoq. Tassannga makku erserput:

"Ataatsimiinneq "..."-mi nal. 13.00 ingerlanneqarpoq. "suliffik"-mi sulisut sania-tigut makku peqataapput:

Kommunaldirektør ..., ingerlatsiviup pisortaa ... aamma isumaginninnermi i-ngerlatsiviup pisortaa ...

Sulisut ataatsimiinnerat 24.05.04-mi isumaqatigiissutigineqartutut ingerlanneqar-poq.

Kommunaldirektøri aallarniilluni oqarpoq ataatsimiinnermi kingullermi aalaja-ngerneqartoq tunaartarisassat pisortap suliarissagai. Taakkulu saqqummiunneqar-put, pisortarluni nassuiaalluni oqarpoq sulisut suliarinninnermut atatillugu tusarniaa-vigineqarsimasut.

A immikkuaaluttut pillugit apeqquteqarpoq, taakkulu nassuiarneqarput, taamaa-lilluni taakku pillugit paatsoortoqaqqunagu.

Taamaakkaluortoq ataatsimiinneq nangippoq A-p pissutsit ataatsimiinnermut at-tuumassuteqanngitsut pillugit apeqquteqarneratigut, ilaatigut Nunaqarfimmi ajor-nartorsiortunik ikiuineq pillugu nalunaarusiaq pillugu. Aqutseriaatsimi oqaatsitigut ajornartorsiutit kulturikkullu assiinnngissutit pillugit ajornartorsiutit il.il. uteqattaar-neqarput.

Direktøri erseqqissaalluni oqarpoq ataatsimiinnermi pineqartoq tassaasoq suleqa-tigiinnermi ajornartorsiutit aaqqinniarlugit sulisut qanoq iliuseqalersaarnersut. Pi-sortaq aaqqiissutissatut siunnersuummik saqqummiussivoq, tamannali A-p nalornis-utigaa, malikkumanerlugillu erseqqivissumik uppersarsinnaanagu. Misiliumal-lunili.

Suliassat allat isumagiitigalugit A-p paarinissaa pisortap nukissaqarfingngilaa. Tamanna tunngavilersorlugu oqarpoq A misigisimasooq kalaallisut oqaluttoqarpal-laartoq, kalaallisullu oqaatigineqartut tamaasa nutsernissaannut pisortaq nukissa-qanngitsoq.

Nassuiaalluni oqarpoq innuttaasunit A-p pissusilersornera assersuutigalugu con-tainerinik eqqaavissiornera il.il. torersumik pissusilersornertut isigineqarsinnaa-nera akissallugu nalornissutigisani pillugu saaffiginnittoqarsimasooq. Pisortap aam-ma oqaluttuaraa innuttaasup saaffigisimagaani, A-p pissusilersornera pillugu, tassa ilaqquttamik ilaannik ilisereerlutik angerlartillugu A-p nuannaarluni suaarsimagaa soraarsitaanngitsuinnarluni. Direktørip tungaanit erseqqissarneqarpoq nipangiussi-sussaatitaaneq pisussaaffiusooq atorunnaarneq ajortoq. Direktøri erseqqissaalluni oqarpoq A soraarsinneqarnissaanik siorasaarneqarsimanngisaannartoq. "Suliffik"-mi oqalutsi oqaluttuaroq sullitanik oqaloqateqarnermut atatillugu A-mut oqaluttaa-tilluni nalornilersarluni, A atoqatigiinnermut tunngasunik oqartaleraangat, soorlu unnuami ataatsimi atoqateqarneq qanoq akeqarnersoq.

Ataatsimiinneq unitsinneqarpoq, direktørimi isumaqarmat nikeriarsinnaanngitsu-gut, tassami aalajangerneqartut A-p iluamik isummerfigisinnaanngimmagit." (Ato-reqarfimmi nutsigaavoq)

K Kommunip A-mut allagai 4. juni 2004-meersut, A-lu allakkatigut taakkunatigut suliunnaarsinneqarpoq. Takuneqarsinnaavoq allakkat taakku aatsisartoq aqqutigalugu nassiuunneqarsimasut, A-lli allakkani taakkunani allassimasaanit erserluni taakku 8. juni 2004-mi ualikkut aatsaat tiguneqar-simasut. Allakkanit taakkunanga makku erserput:

"Matumuuna uppersarsarneqassaaq suliffimmi atorfinnit ingerlaannartumik 1. juni 2004-mit atuutilersumik suliunnaarsinneqartutit.

Tamatumunnga atatillugu suliami illua'tungiusutut isummannik tusarniaavigineqarnissaannut sisamannorpat 10. junimi nal. 9.00 kommunaldirektørip allaffianut aggeqquneqarputit.

Suliunnaarsitsinermut kiisalu suliami illua'tungiusup isumaanik tusarniaanissamut inaarutaasumik aggeqqusinermut makku tunngavilersuutigineqarput:

1. Sulisut ataatsimiinnerini 24. maj 2004-mi kiisalu 1. juni 2004-mi suliffimmi sulisut suleqatigiinnermi ajornartorsiutaannik oqaluuserinniffiusuni ajornartorsiutit sulisut peqatigiillutik aaqitassaas pillugit sukkulluunniit peqataajumasimanginnerit,
2. Tunaartarisassanik qullersarisannit aalajangersarneqartunik ataatsimiinnerni kiisalu ulluinnarni malinninnissat sukkulluunniit arlaleriartumillu kissaatigisimanginnakku,
3. Suliffippit suliat suliarineqarnerannut atatillugu piumasaaqateqarsinnaatitaanera arlaleriarlutit - tunngavilersuutitaqanngitsumik - akueriumanginnakku,
4. Nipangiussisusaatitaaneq erseqqissarneqarsimasooq illit pillutit siusinnerusukkut oqaloqatigiinnerni ilinnut maleqquneqartoq suliffiup avataani ikinnerpaamik ataasiarlutit unioqutissimagakku,
5. Suliffiup uppernassuseqarnera suliffimmi suliffiullu avataani pissusilersornikkut annikillisarimagakku, ilaatigut oqaloqatigiinnernik kalaallisut ingerlanneqartunik tamanik ilinnut ajoqusiiniutit isiginninnikkut kiisalu illoqarfimmi eqqaavisiortarnerup nalinginnaasumik pissusilersornertut isigineqarnissaanik isummerfiginninnikkut,
6. Inuiaqatigiinnik assut pitsaanngitsumik isiginninninnikkut kiisalu kalaallit suleqativit sulisinnaassusiannik nikaginninnikkut suleqatigiinnermi ajornartorsiutit annertoorujussuarnik pilersitsisimagavit,
7. Arlaleriarluni ingerlariaqqittoqartaraluartoq siusinnerusukkut suleqatigisimasannik pitsaanngitsumik saqqummiussisaravit kiisalu pisimasut pisumut massakku aaqqinniarneqartumut attuumassuteqanngitsunik ilanngussisaravit.

Suliami illua'tungiusup isumaanik inaarutaasumik tusarniaanermi kommunaldirektør ..., ingerlatsiviup pisortaa ... kiisalu isumaginninnermik ingerlatsiviup pisortaa ... peqataassapput. Qinnuigineqarputit sinniisissannik ilinnut illersuisuusinnaasumik peqateqarlutit takkuteqqullutit. Taamatuttaaq qinnuigineqarputit allakkat ukua tiguneqarnerat allakkatigut atsiornikkut uppernarsaqqullugu." (Atorfeqarfimmi nutsigaavoq)

Peqatigiiffiup K Kommunimut allagai 9. juni 2004-meersut. Taakkunannga makku erserput:

"Allakkatit 4. juni 2004-meersut Peqatigiiffiup 8. juni 2004-mi tigusimasai inner-suussutigalugit peqatigiiffik imaattunik oqaaseqaateqassaaq:

Naammagittaalliutit/pasilliutit arlallit arlaannaalluunniit uppernarsaasersorneqarsimangitsut allakkanit erserput. Tamakua saniatigut aamma erserpoq A illoqarfimmi eqqaavisiortarsimasooq, kiisalu inuiaqatigiinnut kalaallinullu suleqatiminut pitsaanngitsumik isummersortarsimasooq.

Peqatigiiffiup ilungersunartumik pasilliutit taakku arlallit paasissutissat pigineqartut tunngavigalugit imaaliillaannaq akuerisinnaangilai.

Suliap pissusia aamma Peqatigiiffiup 10. juni 2004-mi najuussinnaanginnera pissutigalugu peqatigiiffiup qinnutigissavaa pasilliutinut uppernarsaatit ataatsimiittoqannginnerani nassiuteqqullugit taamaalilluni A peqatigiiffillu ataatsimiittoqan-

nginnerami taakku pillugit isummernissaminnut periarfissaqarsinnaaqullugit." (Atorfeqarfimmi nutsigaavoq)

Ingerlatsiviup pisortaata K Kommunimi kommunaldirektørimut A-p suliame illua'tungiusumik inaarutaasumik tusarniaavigineqarnissaa pillugu allakkiaa (A-p suliunnaarsinneqarnerani ataatsimiigiaqqusisoqarpoq K Kommunip allagaasigut 4. juni 2004-meersutigut, ataatsimiinnissarli napparsimasoqarnera pissutigalugu kinguartinneqarsimalluni). Tassannga makku erseput:

"Ataatsimiinneq kommunaldirektørip allaffiani sisamangornermi 17.06.04-minal. 09.00 ingerlanneqarpoq. A-p saniatigut makku peqataapput:

Kommunaldirektør ...

Ingerlatsiviup pisortaa ...

Isumaginninnermik ingerlatsiviup pisortaa ...

Illersuisoq ...

Ataatsimiinnerup taassuma sakkortusisamik nipangiusimaneqarnissaanik erseqqissaateqarluni kommunaldirektøri aallarniivoq. ...-lu nangippoq: Sulisut 1. juni 2004-mi ataatsimiinnerat unitsinneqarpoq, ingerlariaqqissinnaanginnerput tunngavilersuutigalugu, tassami A aalajangerneqartunut isummersinnaasimangimmat. A tamatuma kingornatigut ingerlaannartumik atuutilersumik suliunnaarsinneqarpoq, tak. allakkat 4. juni 2004-meersut. A-p suliunnaarsinneqarnera Peqatigiiffiup akerlilerpaa.

... nassuiaalluni oqarpoq ataatsimiinneq soraarsitsinnermik naggaserneqarsinnaasoq, ataatsimiinnerup qanoq inernilerneqarnera apeqquaatillugu. Direktøri oqarpoq A-p nipangiussisussaataani ikinnerpaamik ataasiarluni unioqutissimagaa. A-lumi nassuerpoq soraarsitaanginnini saniliminut oqaatigisimallugu.

A qinnuigineqarpoq allakkat imarisaat pillugit oqaaseqaateqaqullugu.

Tamatuma kingornatigut A 24.05.04-mi aamma 01.06.04-mi ataatsimiinnerit nasuiarlugit aallartippoq. Piffissami tassani "suliffik"-mi sulisunut ilaasutut piniarsimagaluarluni. A oqarpoq tunaartarisassat ilitsersuutillu "suliffik"-mili aallartikkami amigaatigisimallugit.

A nassuiaalluni oqarpoq isumaqarluni tunaartarisassat pisortamit suliarineqarsimasut nammineq suliniuteqarnermi kingornatigut. Nangilluni suliffiup pisortaata tunaartarisassaliaani oqaasertalersuinerit apeqqusersorpai. A-li isumaqarpoq taamaaliornani. A isumaqarpoq suliffimmi aamma inuiaqatigiinni kulturikkut ileqqunik atuuttuusunik iluamik ilitsersuunneqarsimangisaannarluni.

A-p direktørimut allakkat 4. junimeersut pillugit oqaaseqarnermini inuit najuutinngitsut ilanngussuuppai, A oqarpoq ... pitsaasumik suleqatigisimagini.

Tunaartarisassat A-p taaqqippai. Assersuutitullu oqaatigaa ... pisortatut naleqqutinnitsoq, taassumalu perorsaasumik isumaginninnermilu siunnersortimik oqaloqateqarnerata kingornatigut GU-mi arlalinnik imminorniartoqarsimasoq. ... Nunaqarfimmi ikiuineq assersuutitut taaneqarpoq, A-li isumaqarpoq taamani oqaluttasooq nammineq aamma ajornartorsiorsimasoq, piffissami tamatuma nalaani soraartussaani pissutigalugu. A isumaqarpoq meeqqerivimmi perorsaasup ajornartorsiornermut taama annertutigisumut atatillugu ...-mut taarsiullugu atorneqarnera pisariaqanngitsumik ulorianartorsiorititsisuusimasoq.

... nassuiaavoq ataatsimiinnermi piffissaq 1. april 2004-mit massakkumut ingerlasimasoq aallaavigineqartoq. Piffissami tassani suleqatigiinnermi ajornartorsiutit eqqarsaatigalugit siuariartoqarsimangilaq. Tamanna A-p isumaqatiginngilaa, isu-

maqarlunilu nammineq ilusilersorluagaasumik iliuseqarsimalluni. Aamma isumaqarpoq tunaartarisassat malilluinnarsimallugit.

Suliaq imminut tunngasoq A-p politiinut saaffiginnissutigisimavaa. Isumaqarpoq ... sulianik namminerminut tunngasunik misissuisimasoq, isumaqarami ... qarasaasiami A-p toqqorsiviani misissuisimasoq. ... nassuiaalluni oqarpoq namminerisamik toqqorsiviit kommunip qarasaasiaani atorpeqanngitsut.

... A inuttut pissusilersornera pillugu aperaa, innuttaasunimmi naammagittaalliutigineqarsimammat. A-p kulturikkut assigiinnngissutit nassuiarniarsarai. Inuiaqatigiinnut pitsaanngitsumik isiginninnginnini aamma aalajangiusimavaa. Ilassutitut oqarpoq kingumut qiviarluni nassuiaanneqarneq iluaralugu. A isumaqarpoq kalaallisut oqaloqatigiittarnerit ilaannaat imminut ajoqusiisuusut. Nangilluni oqarpoq taamatut peqquneqarnermi kingornatigut eqqaavissiorunnaarsimalluni.

Allakkat naggataatungaanni sullitamik oqaloqateqarnermi oqalutsip oqarnera malillugu A-p atoqatigiinnermi qanoq akeqartitsinermik aperisimanera pillugu. A nassuiaalluni oqarpoq niviarsiaraq kinguaassiuutitigut atonerlunneqarsimasuusoq. A isumaqarpoq taamatut oqarnermi quiasarneq niviarsiaqqap paasisimagaa, illarsimasorlu.

A isumaqarpoq direktøri ataatsimiinnermilu kommunimit peqataasut niviarsiaqqap katsorsarneqarnerata ingerlasimaneranik naliliisinnaanngitsut. A isumaqarpoq ...-lik tassaasussaasoq katsorsaanerup ingerlasimaneranik naliliisussa.

Ataatsimiinneq nal. 11.00-ip missaani unitsinneqarpoq, kommunaldirektørillu alaffiani nal. 14.30 naapeqqissaagut." (Atorfeqarfimmi nutsigaavoq)

Peqatigiiffiup kommunaldirektørimut e-mailikkut 24. juni 2004-mi nas-siussaa:

"17. juni 04-mi ataatsimiinneq pillugu imaqarniliaq faxikkut nassiunneqartoq ti-guara. Imaqarniliamit erserpoq ataatsimiinneq unitsinneqarsimasoq, ualikkullu na-ngeqqinneqartussaasoq. Ataatsimiinnerup immikkoortua kingulleq pillugu imaqar-niliamik tigusaaqanngilanga, taamaattumillu taanna ingerlaannartumik nassiuteqqul-lugu qinnutigissallugu.

Allakkanni mailikkut 22. juni 2004-mi nassiussanni allappunga A-p nammineq soraarniuteqarumanerluni imaluunniit soraarsinneqarumanerluni aalajangernissami-nut piffissalernerneqarnerata sivikitsuusinnaanerani ...-mit (illersuisumit) ilisimatin-neqarsimasunga. Imaqarniliamilli tamanna ersinngilaq, taamaattumillu taamatut oqar-neq peqatigiiffiup paatsuunganartippaa. Tamanna tunngavigalugu piaarnerpaa-mik attaveqarfigeqqullunga qinnuigissavakkit, taamaaliornikkut suliaq naammagi-nartumik paasissutissartalersorneqarsinnaaqqullugu, piaarnerpaamillu inaarlugu su-liarineqarsinnaaqqullugu.

Piaarnerpaamik attaveqarfigineqanngikkuma KANUKOKA-p suliamut akiliutin-neqarnissaa siunertaralugu attaveqarfigineqarnissaa peqatigiiffiup isumaliutersuuti-giniarpaa." (Atorfeqarfimmi nutsigaavoq)

K Kommunip A-mut allagai 28. juni 2004-meersut, A-mik soraarsitsis-sutaasut. Taakkunannga makku erserput:

"Suliami illua'tungiusup isumaanik 17. juni 2004-mi inaarutaasumik tusarniaaneq kiisalu ilinnut eqqarsarfissatut piffissaliunneqartup naanera tunngavigalugit matu-muuna nalunaarutigineqassaaq K Kommunimit soraarsitaasutit.

Soraarsitsineq 1. juli 2004-mit naatsorsuullugu qaammatini pingasuni akissarsiaqartinneqarlutit pivoq. Akissarsiavit kingulliit 2004-mi septemberip naanerani ilinnut tunniunneqarnissaat tamatuma nassataraa. Suliffimmut takkuteqqinnginnissat soraarsitsinerup nassataraa, taamaattumillu qinnuigineqassaait atortussanik il.il angerlarsimaffinniititaqaruit taakku tunniuteqqullugit. Taamatuttaaq inigisannit anisitaavutit, taannalu kingusinnerpaamik 31. juli 2004 nallertinnagu qimanneqarsimassaaq, tamannalu K Kommunimi ineqarnermut immikkoortortaqqarfimmut nalunaarutigineqarpoq. Tamatumunnga atatillugu qinnuigissavatsigit pisattanik assartuisartut pisattavit nuunneqarnissaat siunertaralugu attaveqarfigeqqullugit, kiisalu K-p illoqarfianit aallarsinnaanerit siunertaralugu angalatitsivik attaveqarfigeqqullugu. Taakkunani marluni qinnuigissavatsigit pisattanik assartuisartut sorliit attaveqarfigisimaneritit kiisalu angalanissannik inniminniisimaguit inniminniinermi normu ator-neqartussaq nalunaarutigeqqullugit, tassani aningaasartuutit K Kommunip akilertus-saammagit.

Soraarsitsinermi suliamut tunngasutigut tunngavilersuutit imaapput:

- nipangiussisusaatitaaneq erseqqissarneqarsimasoq illit pillutit siusinnerusukkut oqaloqatigiinnerni ilinnut maleqquneqartoq suliffiup avataani ikinnerpaamik ataasiarlutit unioquttissimagakku,
- suliffiup uppersassuseqarnera suliffimmi suliffiullu avataani pissusilersornikkut annikillarsimagakku, ilaatigut oqaloqatigiinnernik kalaallisut ingerlanneqartu-nik tamanik ilinnut ajoqusiiniutitut isiginninnikkut kiisalu illoqarfimmi eqqaavis-siortarnerup nalinginnaasumik pissusilersornertut isigineqarnissaanik isummer-figinninnikkut,
- inuiaqatigiinnik assut pitsaanngitsumik isiginninninnikkut kiisalu kalaallit sule-qativit sulisinnaassusiannik nikaginninnikkut suleqatigiinnermi ajornartorsiuti-nik annertoorujussuarnik pilersitsisimagavit, matumani manna ilanngullugu eq-qarsaatigalugu, tassalu allaat isumaqaravit suleqativit suliatigut pikkorlunnerisa imminorialuarneq nassatarisimagaat,
- arlaleriarluni ingerlariaqqittoqartaraluartoq siusinnerusukkut suleqatigisimasan-nik pitsaanngitsumik saqqummiussisaravit kiisalu pisimasunik pisumut massak-kut aaqqinniarneqartumut attuumassuteqanngitsunik ilanngussisaravit,
- pisuni ikinnerpaamik ataatsimi sullitamik oqaloqateqartillutit atoqatigiinnermi qanoq akeqartitsineq pillugu taatsiagaqarsimagavit, tamannalu torinngitsumik kanngunartumilluunniit iliornertut illit sukkulluunniit isigisimannnginnakku, naak sullitaq meeraq pineqartoq kinguaassiuutitigut atornerlugaasimanermik tunulia-qutaqaraluartoq.

Qinnuigissavatsigit allakkat uku tiguneqarnerat atsiornikkut uppersarsaqqullu-gu." (Atorfeqarfimmi nutsigaavoq)

Peqatigiiffiup e-mailikkut nassiusaanut 24. juni 2004-meersumut kom-munaldirektørip akissutaa 29. juni 2004-meersoq. Tassannga makku erser-put:

"Suliami A-mut tunngasumi aalajangiineq matumuuna nassiuunneqarpoq. Allak-kat A-mut tunniunneqarput." (Atorfeqarfimmi nutsigaavoq)

Eqqartuussissuserisup X-ip K Kommunimut allagaai 13. december 2004-mi ullulerneqarsimasut. Taakkunanga makku erserput:

"Saaffiginnissutinnut 14. aamma 22. juli 2004-meersunut isumaqatigiissummi pineqartumut § 42-p nassatarisaanik isumaqatigiinniarnissamik qinnutigisap saqqummiunneqartup eqqortuussusianik uppersaaffigisannut oqaarasuaatikkut akissutinnut illit oqarasuaatikkut akissuteqarninnut uiggiullugu ... A sinnerlugu Peqatigiiffimmu eqqartuussissuserisutut immikkoortup 1-ip ataani isumaqatigiissutigineqartutut soraarsitsisimanerup atuussinnaassuseqarnera pillugu oqaaseqaatinik arlalinnik matumuuna saqqummiussissaanga. Imm. 2-mi pineqartup illua'tungeriit akornanni aaqqitassat qulaajarneqarsimangitsut aalajangersimasut, imm. 3-milu suliami isumaqatigiissuteqarnikkut aaqqiissuteqarnissamut periarfissaq pineqarpoq.

1. Soraarsitsisimanerup atuussinnaassuseqarnera

Allakkanni 14. juli 2004-meersuni¹² oqaatigineqareersutut soraarsitsineq uanga paasinninnera malillugu iluseqartitsinikkut tigussaasutigullu imaattunik amigaateqarpoq pisortat pillugit inatsiseqartitsinermi atorfinitsitsiviusartumi tassani inatsisigit inissisimaneq eqqarsaatigalugu atuussinnaassuseqanngitsutut isigisariaqarluni.

Amigaatit taakku tulliuuttuni erseqqinnerusumik nassuiarniarpakka, iluseqartitsinikkulli kukkussutigineqarsimasut siulliullugit sammissallugit, tamatumalu kingornatigit soraarsitsinermi tigussaasutigut amigaatit sammissavakka.

Suliani pisortani sulisunut tunngasuni piumasaqaat immikkut ittoq imaattoq atuuppoq, tassalu suliami illua'tungiusoq aalajangiisoqartinnagu isumaanik annertusisamik tusarniaavigineqassasoq. Atorfinitsitsinermi oqartussaasup qanoq aalajangiilersaarneneranik, ilaatigullu oqartussaasup tamatumani inatsiseqartitsinikkut pissusiviusunilu pissutsinik sunik pingaartitsilluni isiginniniarsimaneranik sulisup pineqartup ilisimatinnegarnissaa tamatuma nassataraa. Sulisoq aalajangiisoqannginnerani paasisutissat suliami illua'tungiusup isumaanik tusarniaanermi oqaatigineqartut tunngavigalugit suliaq pillugu oqaaseqaatiminik saqqummiussinissaminut periarfissaqartinneqassaaq.

Periaatsimi A eqqarsaatigalugu tamatumunnga atatillugu atorneqarsimasumi ajornartorsiutaasoq unaavoq tusarniaaneq pillugu paasisutissani suliami pigineqartuni tusarniaanermut tunngavisorpiap oqaatigineqarsimannginnera - tassa imaappoq soraarsitsissamaartoqarnersoq imaluunniit mianersoqqusisoqaannarniarnersoq allamilluunniit iliuuseqartoqarniarnersoq - taamatuttaarlu inatsiseqartitsinermi mallitarisassat suut matumani atorneqassamaarnersut, imaluunniit pissusiviusut suut suliami tunngaviutinneqarnersut oqaatigineqarsimanatik. Taamatut periaaseqarnerup nassatarisaanik sorpiaap suliarineqarnera suliarinninnerullu A-mut sunik nassataqarsinnaanera suliap ingerlanerani tamarmi erseqqarluttorujussuusimavoq. Taamaattumik tusarniaaneq tusarniaaniviusimangilaq, tamannalu amigaataavoq anner-tooq, soraarsitsinerup atuussinnaassuseqannginneranik nassataqartoq.

Soraarsitsineq sioqqullugu kommunip periaasiata qanoq sunniuteqarneranut asersuutitut suliunnaarsitseqattaarnerni pisimasuni tunuliaqutaasup erseqqarlussusia taaneqarsinnaavoq, suliunnaarsitsinerillu inatsisinik eqqortitsisuunerisa nalornissutigineqarnerat tamatuma nassataraa.

Suliami illua'tungiusup isumaanik tusarniaanermi amigaatinut taaneqartunut ilaavoq kommunip Peqatigiiffimmu soraarsitsineq sioqqullugu ingerlaavartumik ilisimatitsisimannginnera, matumanilu ataatsimiinnerit il.il. ingerlanneqarsimasut pillugit imaqarnilianik nassiusisimannginnera, naak Peqatigiiffik arlaleriarluni paasisutisseqqusisarsimagaluartoq. Aamma suliamik suliarinninneq imatut ingerlanneqarpoq suliap ingerlanerani tamarmi A-p soqutigisaanik Peqatigiiffik pissusissatut

12. Allakkat taakku Eqqartuussissuserisumit X-imit ilanngullugit nassiuunneqanngilat.

isumaginninnissaanut periarfissaqartinnagu, ilaatigut piffissakitsitsisarneq pissutigalugu. Pissutsit taakku amigaatit annertuut aamma isigisariaqarput, suliami illua'tungeriit isumaqatigiissutikkut pisussaaffii isiginiarlugit, aamma sulisumut pineqartumut pingaaruteqarluinnartumik aalajangiineq sioqqullugu peqatigiiffiup sulisumit ilaasortaaffigineqartup sulisumik pineqartumik illersuinissamut iluamik periarfissaqartinneqarnerata inatsiseqartitsinikkut innarlitsaalineqarnissamut qularnaveequtaanera isiginiarlugu.

Tunngaviit soraarsitsineq pillugu allakkani tunngaviutinneqartut tulliuullugit allaserissavakka:

1. "nipangiussisussaataaneq erseqqissarneqarsimasoq illit pillutit siusinnerusukut oqaloqatigiinnerni ilinnut maleqquneqartoq suliffiup avataani ikinnerpaamik ataasiarlutit unioqputissimagakku,"
Tamanna pillugu oqaaseqaatit: Atorfeqartitaasoq pissutsit imminut tunngasut pillugit nipangiussisussaataaangilaq, taamaaliornissaminullu sulisitsisuminit naalakkarneqarsinnaanani. Taamaalilluni nammineq pilluni oqaaseqaateqarneq nipangiussisussaataaanomik unioqputitsinermut takussutissaangilaq, taamaattu-millu tamanna soraarsitsinermut tunngavilersuutigineqarsinnaanani.
2. "suliffiup uppernassuseqarnera suliffimmi suliffiullu avataani pissusilersornikkut annikillisarsimagakku, ilaatigut oqaloqatigiinnernik kalaallisut ingerlanneqartunik tamanik ilinnut ajoqusiiniutitut isiginninnikkut kiisalu illoqarfimmi eqqaavissiortarnerup nalinginnaasumik pissusilersornertut isigineqarnissaanik isumerfiginninnikkut,"
Tamanna pillugu oqaaseqaatit: Suliffimmi suliffiullu avataani pissutsit tunngavilersuummi innersuussutigineqarput. Kingullertut taaneqartoq eqqarsaatigalugu atorfeqartitaasup sulinngiffimmini suliffiup avataani sulerinera sulisitsisup sassarinngilaa, taamaattumillu tunngavilersuutip ilaa taanna soraarsitsineq eqqarsaatigalugu tamatumunnga attuumassuteqarani. Pissutsit suliffimmut tunngasut eqqarsaatigalugit oqaatigineqarpoq A-p "suliffiup uppernassuseqarnera ... annikillisarsimagakku, ilaatigut oqaloqatigiinnernik kalaallisut ingerlanneqartunik tamanik ilinnut ajoqusiiniutitut isiginninnikkut". Tamanna pillugu oqaatigineqassaaq suliffiup 'uppernassuseqarnera' sulisut ataasiakkaat imminut eqqarsaatigalutik atorfeqartitaasut allat oqaloqatiginnerat pillugu qanoq isumaqarsinnaaneranit qanoq ililluni annikillisinneqarsinnaanersoq paasinngikkiga. Tunngavilersuut taanna taamaalilluni immini isumaqanngitsutut saqqummerami soraarsitsinermut tunngavittut atorneqarsinnaangilaq. A-p paasininnermik taamatut oqaatiginnissimaneragaanera aamma ilumuunnginnerarneqarpoq.
3. "inuaqatigiinnik assut pitsaanngitsumik isiginninninnikkut kiisalu kalaallit suleqativit sulisinnaassusiannik nikaginninnikkut suleqatigiinnermi ajornartorsiutini annertoorujussuarnik pilersitsisimagavit, matumani manna ilanngullugu eqqarsaatigalugu, tassalu toqqaannartumik isumaqaravit suleqativit suliatigut pikorlunnerisa imminoriaraluarneq nassatarisimagaat,"
Tamanna pillugu oqaaseqaatit: Tunngavilersuut taanna A-p ilaatigut inuaqatigiinnik kalaallinik ataatsimut isiginninnera pillugu pasilliutinik/taamaattuuneraanernik uppernarsaasersugaanngitsunik imaqarpoq. Sulisitsisoq sulisup aalajangersimasup inuaqatigiinnik ataatsimut isiginninnera pillugu eqqartuussisutut imminut inissinnissaminut pisussaangilaq, taamatuttaarlu sulisoq suliamut tunngasumik pissuteqarluni isumaqaruni suliffimmi periaaseq aalajangersimasoq naleqquttuunngitsaq suleqatigiinnermi ajornartorsiutini pilersitsisutut pasiller-

neqanngikkaluarluni akornuserneqarani tamatuminnga saqqummiussisinnaasariaqarluni. Tunngavilersuut taanna tamanna tunngavigalugu soraarsitsinermut attassisinnaasumik tunngavittut tunuartinneqartariaqarpoq.

4. "arlaleriarluni ingerlariaqqittoqartaraluartoq siusinnerusukkut suleqatigisimasanik pitsaanngitsumik saqqummiussisaravit kiisalu pisimasunik pisumut massakut aqqinniarneqartumut attuumassuteqanngitsunik ilanngussisaravit,"
Tamanna pillugu oqaaseqaatit: Taamaattuuneraanerit arlallit soraarsitsineq pillugu inatsiseqartitsinermut ataneqartillugit imaaliillaannaq paasisassaannngitsut tunngavilersuummi saqqummiunneqarput. Tunngavilersuut tamatuma kingornatigut soraarsitsinermut tunngavilersuutitut attassisinnaannginninni eqqarsaatigalugu suliamut attuumassuteqanngitsutut isigineqartariaqalerpoq.
5. "pisuni ikinnerpaamik ataatsimi sullitamik oqaloqateqartillutit atoqatigiinnermi qanoq akeqartitsineq pillugu taatsiagaqarsimagavit, tamannalu torinngitsumik kanngunartumilluunniit iliornerut illit sukkulluunniit isigisimannginnakku, naak sullitaq meeraq pineqartoq kinguaassiuutitigut atornerlugaasimanermik tunuliaqutaqaraluartoq,"
Tamanna pillugu oqaaseqaatit: A tamanna pillugu nassuiaateqarsimavoq, tassanilu oqaatigisimallugu quiasarneq sullitamit pineqartumit aamma taamatut paasineqartoq pineqartoq. Pissusilersornerup takutinneqartup akuerineqarsinnaannginnera sulisisup tungaanit aalajangiusimaneqartariaqaraluartoq pissutsinut naapertuuttumik tunngaveqarneq malillugu tamatuma kingunerisaanik soraarsitsisoqarsinnaasussaannngilaq. Taamaattumik tunngavilersuut taanna aamma soraarsitsinermut tunngavilersuutitut attassisinnaanngilaq.

Taamaalilluni eqikkaalluni oqaatigineqarsinnaavoq pissutsit soraarsitsinermut tunuliaqutarineqartutut taaneqartut immikkoorlutik ataatsimoorlutilluunniit atorfeqartitsinerup unitsinneqarneranut inatsisinik unioqquitsinngitsumik tunngaviutinneqarsinnaanngitsut. Taamaattumik soraarsitsineq aamma tigussaasutigut ima amigaa-teqartigaaq atuussinnaassuseqanngitsutut tunuartinneqartariaqarluni.

Soraarsitsineq pillugu allakkanut atatillugu aamma oqaatigineqassaaq sulisup soraarsitsinermut atatillugu inigisaanit ingerlaannartumik atuutilersumik anisinneqarnera inatsisinik unioqquitsinerusoq, tassami sulisunut inissiamik ineqarsinnaatitaaneq soraarsitsinermi piffissaliunneqartup naanera tungaanut pigineqartarmat, sulinnaarsitsisoqarsimanera apeqquataatinnagu.

Atuussinnaassuseqannginnerup inatsiseqartitsinikkut sunniutaa aallaavittut tas-saavoq aajalangiineq pineqartoq atorunnaarsinneqassasoq. Suliani soraarsitsinermut tunngasumi tamatuma tunngaviusumik una nassatarisarpaa, tassalu atorfeqartitaasoq soraarsinneqartutut isigineqarsinnaanngitsoq, akissarsianili il.il. piginnassagai, pi-sortani sulisisup pineqartumik inatsisinik unioqquitsisuunngitsumik soraarsitsinissaata tungaanut.

Atuussinnaassuseqannginneq pissutigalugu ajornartorsiummut atatillugu suliami pineqartumi qanoq isummertoqarnissaa isumaqatigiisummi § 42 tunngavigalugu isumaqatigiinniarumaarnissami qulaajarneqartariaqarpoq. Illua'tungeriit isumaqatigiinngippata apeqquut taanna aalajangersagaq taaneqartoq tunngavigalugu ataatsimiititaliamut suliarisassanngortittariaqarpoq, taarsiisuteqarnerup aalajangiivigineqarnissaanut periarfissaqartumik.

2. Illua'tungeriit akornanni aqqitassat qulaajarneqarsimanngitsut allat

Soraarsitsinerup atuussinnaassuseqannginneranik ajornartorsiutip saniatigut piu-masaqaatit allat marluk A-p suliamut atatillugu piumasaqaatigai, tulleriinneri malil-lugit ukuusut:

a. pisortap tulliatut sulisimanermi aningaasarsiat, aamma

b. Nuummi 18.10-28.10.2003-mi pikkorissarnermut atatillugu ullormusiat kiisalu akunnittarfimmi najugaqarnermut akiliutigineqarsimasut.

a pillugu: Pisortap tulliatut sulisimanermi aningaasarsiaqartariaqarnermut taper-siissutitut makku malugeqquneqarput:

- atorfirmik A-p qinnuteqaatigisaanik pisimasaanillu inuttassarsiuussilluni allagarsiinermi oqaatineqarpoq pisortap tulliatut atorfik pineqartoq
- ingerlatsivimmi pisortaq ... A-mik oqarasuaatikkut oqaloqatiginninnermini oqarsimasoq taanna pisortamut tulliusaasoq
- atorfiup allaaserineqarneranit ingerlatsivimmi pisortap ...-p A-mut tunniussaani erseqqivissumik allasimasoq pisortap tulliatut atorfik tassunga atasunik sulias-sartalik pineqartoq (atorfiup allaaserineqarnerata assilineri ilanngullugu nassiun-neqarpoq)
- ...-p pisortatut aaqquissuussimagaa A immisut, kisianni sulisut allat pisinnaati-taaffiginngisaannik, pisiniarnermi pisiniutissanik atsiuisinnaassasoq
- A pisortap sulinngiffeqarnerata nalaani ...-p aqunneqarnera akisussaaffigisima-gaa
- kommunip piffissami soraarsitsinerup tungaanut ingerlasumi A nalunaarfigisi-magaa pisortap tulliatut sulinini taamaattittariaqaraa, tulliuullugu taamatut suline-ranik arsaarsimagaa.

b pillugu: Nuummi 18.10.2003-mi pikkorissartitsinermi peqataanermut atatillugu ullormusiaqarnissamik taarsiivigineqarnissamillu piumasaqaammut tapersiutitut oqaatigineqarsinnaavoq A pikkorissartitsinermi ... peqataasimasoq, pisortaminit ...-mit erseqqivissumik akuerineqareerluni. Akuerigamiuk Hotel Hans Egedemi naju-gaqassasoq siunnersuutigisimavaa. A-p uterluni angalanermini billetissani kommu-nip akiligaa Arctic Umiaq Line A/S-imut aasinnaagaa tulliuullugu aaqquissuussima-vaa, taamaaliorisimavorlu. Billeti taanna pisariaqarpat uppersaasatitut saqqummi-unnegarsinnaavoq. Nuummi akunnittarfimmiinnermut aningaasartuutit A-p nammi-neq akilersimavai, katillugit 6.870 kr.-t. Akiliinnermut uppersaasatip assilineri ilan-ngullugu nassiunneqarpoq. Angerlamut tikinnermini taakku taarserneqarnissaat qin-nutigimmagu itigartinneqarsimavoq, pikkorissarnerup pisortat ataatsimiinneranni akuerineqarsimanninnera innersuussutigalugu. ...-li A eqqarsaatigalugu pikkoris-saanermut peqataanissamut akuersissuteqartussatut sulisitsisoq sinnerlugu qularutis-saannngitsumik piginnaataasutut inissisimasimammat tunngavilersuut taamaattoq attassisinnaanngilaq.

3. Suliami isumaqatigiissuteqarnikkut aaqqiinissamut periarfissaq.

Atuussinnaassuseqannginneq pissutigalugu ajornartorsiummut atatillugu suliami pineqartumi qanoq isummertoqarnissaa isumaqatigiissummi § 42 tunngavigalugu qulaani taaneqartutut isumaqatigiinniarumaarnissami qulaajarneqartariaqarpoq, il-lua'tungeriillu isumaqatigiinngippata ataatsimiititaliamut suliarisassanngortittaria-qarluni, taarsiissuteqarnerup aalajangiivigineqarnissaanut periarfissaqartumik.

Oqarasuaatikkut ilinnut isumaqatigiissutigineqarsimasutut isumaqatigiissummi § 42 tunngavigalugu isumaqatigiinniarneq K Kommunip aamma Peqatigiiffiup oqara-suaatikkut ataatsimiinnerattut ingerlanneqarsinnaavoq, uanga oqarasuaatikkut aam-ma peqataaffigisinnaasannik. Piffissap ilaatigut Københavnimiissagaluaruit isuma-qatigiinniarneq Peqatigiiffimmi ingerlanneqarsinnaavoq.

Peqatigiiffilli nammineq eqqarsaatigaluni suliaq eqqartuussivikkoortuunngitsumik isumaqatigiinniutitaqanngitsumik inaarlugu suliariumasinnaavaa, K Kommunip A-mut tamakkiisumik inaarutaasumillu 101.590,65 kr.-t qaammata pingasuni akissarsianut sulisitsisup soraarnerussutisianut akileeqataassutaanik ilaqartillugit naapertuuttut akilerpagit - imaalisoqarsinnaallunilu aningaasatigut taakkunatigut pisortap tulliatut aningaasarsiat kiisalu pikkorissarnermut atatillugu ullormusiat akunnittarfimmilu ineqarnermut akiliutit ilaatinneqassasut. Taamaattoqassappat aningaasat ilaat ullormusianut akunnittarfimmilu ineqarnermut akiliutinut taarsiissutaasut akileraaruserneqassanngillat. Taamatut aaqqiissuteqartoqarnissaa K Kommunip kisaatigippagu Peqatigiiffiup A tamatumunnga akuersitinniassavaa. Taamatut pisoqassaneraniq qulaajaanermi atugassatut qinnuigissavakkut suliap taamatut inaarneqarnissaa kommunip soqutigineraa nalunaarutigeqqullugu.

Isumaqatigiilluni aaqqiissutissatut siunnersuutigineqartoq K Kommunip akuersinnaanngippagu qinnuigaakkut isumaqatigiissummi § 42 tunngavigalugu isumaqatigiinniarnerup K Kommuni eqqarsaatigalugu qaqugu ingerlanneqarsinnaaneranut periarfissaqarnersoq nalunaarutigeqqullugu.” (Atorfeqarfimmi nutsigaavoq)

K Kommunip Eqqartuussissuserisumut X-imut allagai 14. februar 2005-imi ullulernerqarsimasut. Allakkanit taakkunanga makku erseput:

"A-p isumaqatigiissutaani atuuttumi § 42 tunngavigalugu isumaqatigiinniarumalusi 13. decemberimi saaffiginnissutersi innersuussutigalugu akissut K Kommunip matumuuna nassiuppaa.

Allakkani nassiuunneqartuni immikkoortut 1. aamma 2. eqqarsaatigalugit makku oqaatigineqassapput:

Immikkoortup 1-ip ataani saqqummiunneqartut ataasiakkaat eqqarsaatigalugit oqaaseqaatit saqqummiunneqartut K Kommunip isumaqatiginngilai. Tigussaasutigut aamma iluseqartitsinikkut piomasaaqatit eqqortinneqarsimanerat K Kommunip aalajangiusimavaa.

Suliami illua'tungiusup isumaanik tusarniaaneq eqqarsaatigalugu taanna suliami illua'tungiusup isumaanik inaarutaasumik tusarniaanertut ingerlanneqarsimavoq, tassanilu erseqqissumik nalunaarutigineqarsimalluni suliami illua'tungiusup isumaanik inaarutaasumik tusarniaaneq soraarsitsinermik nassataqarsinnaasoq. Aammataaq oqaatigineqassaaq pineqartoq tamanna pissutigalugu arlaleriartumik kaammattorneqarsimasooq peqatigiiffik ilaasortaaffini attaveqarfigeqqullugu, kiisalu suliami illua'tungiusup isumaanik tusarniaanernut aamma suliami illua'tungiusup isumaanik inaarutaasumik tusarniaanermut atatillugu kaammattorneqartarsimalluni illersuisumik ilaqaqqullugu.

Imm. 2 eqqarsaatigalugu oqaatigineqassaaq A pisortap tulliatut atorfinitsinneqarsimannitsoq (tak. atorfinitsitsinermi isumaqatigiissut), ...-lu tunniussimasai Innuttaasunik ingerlatsiviup allannortiterneqarsinnaanera aaqqiissuteqqinneqarsinnaaneralu pillugit ataatsimut tunngasut pillugit oqaloqatigiinnermi ilaasimasut. Tamatumunnga peqatigitillugu oqaatigineqassaaq atorfinitsitsinissaq siunertaralugu oqaloqatiginninnerit kiisalu atorfinitsitsinermi piomasaaqatit misissorneqarneri kommunaldirektørimut ingerlanneqarsimasut.

Ullormusiat tunniunneqarnissaat akilersimasamilu utertinneqarnissaat A-p piomasaaqatigisimavaa. Oqaatigineqassaaq angalasoq immersugassamik nammineq immersuisussaammat, tamatumalu kingornatigut ullormusiat kiisalu akilerallarneqarsimasut akilerneqassallutik. Immersugassaq taanna A-p immersorsimannngilaa. Allakkassi tiguneqarnerisa kingornatigut uppernarsarneqarpoq immersugassaq taanna K Kommunip tigusimannngikkaa, taamaattumillu aningaasat tunniunneqarsiman-

ngitsut. Ilanngussatut tiguneqartut tunngavigalugit ullormusiat kiisalu utertillugit akilerneqartussat tunniunneqarsimapput.

K Kommuniip A-p pigisaasa assartorneqarnerat tamaat akilerlugu kiisalu qaammatini pingasuni akissarsiaqartillugu soraarsissimavaa, taamaattumillu suliaq inaarlugu suliarineqarsimasutut K Kommuniip isigaa." (Atorfeqarfimmi nutsigaavoq)

Eqqartuussissuserisoq X tamatuma kingornatigut allakkatigut 3. juni 2005-imeersutigut naammagittaalliorpoq.

K Kommunimut 15. juni 2005-imi imatut allappunga:

"A peqatigiiffimmut ilaasortaasoq aamma Peqatigiiffik sinnerlugit eqqartuussissuserisup X-ip naammagittaalliutuaa, assilinera ilanngullugu nassiunneqartoq, 3. juni 2005-imi tiguara.

Naammagittaalliut imatut paasivara K Kommuniip soraarsitsinermi periaasia eqqartuussissuserisup naammagittaalliutiginiaraa.

Eqqartuussissuserisup saaffiginnissutaa misissuinerimik aallartitsinissamut pissutigissallugu naammannersoq naliliiffigissallugu sulit tunngavissaqanngilanga. Taamaattumik K Kommuni qinnuigaara mappi allagaatinik A-mut tunngasunik imalik atukkiuteqqullugu.

Suliaq suliarilerniarlugu aalajangeruma K Kommuni tamatuminnaga ilisimatinneqarumaarpoq.

Eqqartuussissuserisoq X allakkatigut allatigut tamatuminnaga ilisimatinneqarpoq."

Eqqartuussissuserisumut X-imut ulloq taanna imatut allappunga:

"Allakkatit 3. juni 2005-imeersut uterfigaakka.

Naammagittaalliut imatut paasivara K Kommuniip A-mik soraarsitsinermi periaasia naammagittaalliutiginiarit.

K Kommuni ullumikkut qinnuigineqarpoq mappi allagaatinik A-mut tunngasunik imalik atukkiuteqqullugu.

Mappi allagaatinik imalik K Kommunimit tigoriarukku erseqqinnerusumik tusarfigumaarparma."

Suliffimmi atorfeqartitaasut pillugit tunaartarisassat 24. maj 2004-mi ululerneqarsimasut:

"...

1. Suliffik pisortat suliffeqarfiutigaat K Kommunimit ingerlanneqartoq, taannalu malittarisassat anguniakkallu atuuttut tunngavigalugit taamaattut ingerlanneqassalluni.
2. Suliffiup pisortaata sullitat taamasa pillugit sulinermut tunaartarisassat erseqqinnerusut aalajangersassavai, matumani allakkanik suliasanillu agguasaarneq ilanngullugu eqqarsaatigalugu.
3. Suliffimmi sulisut tamarmik Suliffiup ineriartortinneqarnerani peqataassapput.
4. Innersuussinerit tamarmik K Kommunimi isumaginninnermik ingerlatsivik aq-qtigalugu pisassapput.

5. Atorfeqartitaasut tamarmik sulinerup nalaani sulisutut eqqortumik pissusilersortassapput, sunngiffimminilu torersumik pissusilersortassallutik, ilaatigut imatut paasillugu sullitagut ikinnngutiliutissanngikkigut.
6. Oqaloqatiginninnerit tamarmik Suliffiup ulluinnami 8-16.00 akornanni ammanerata nalaani pisassapput, Suliffiullu avataani oqaloqatiginninnerit aatsaat pi-sortaq siumut isumaqatigiissuteqarfialugu ingerlanneqarsinnaallutik.
7. Sullitat tamarmik suliffiup aamma sulinnngiffiup nalaani ataqqqineqassapput.
8. Suliffimmi atorfeqartitaasut sullitat pissutsillu sulinerup nalaani ilisimalikkat pillugit nipangiussisimasussaataapput, tamannalu atorfeqartitaanerup atorunnaarnerata kingornatigut aamma atuuppoq.
9. Oqaloqatiginninneri tamani sullitat pillugit allattuisoqartassaaq, tamarmillu torersumik ilisimatinneqartassallutik.
10. Allakkat tamarmik sulisunit marlunnit atsiorneqartassapput, allakkerisarfillu aqqutigalugu frimærkilerlugit nassiunneqartassallutik, aatsisartukkoortillugit nassiunneqanngikkunik.
11. Sulisut tamarmik suliap pitsaasumik inerititaqarfiusumillu ingerlattuarneqarnissaanum makkunatigut akisussaallutillu pisussaaffeqarput:
 - Sulinermi atukkat/suliffimmi avatangiisit
 - Suleqatigiinneq
 - Sulisut akornanni/sulisut sullitallu akornanni tatigeqatigiinnermik pilersitsineq
 - Attaveqatigiinnerup pitsanngoriartuinnartinnissaa." (Atorfeqarfimmi nutsigaa-voq

K Kommuni mappiutaa allagaatinik A-mut tunngasunik imalik 12. juli 2005-imi tiguara. Allagaatit mappimi allagaatinik imalimmi ilaasut Eqqartuussissuserisup X-ip naammagittaalliutitut allagaanum uiggiullugit issuarneqarsimanngitsut tulliuuttuni issuarpakka.

...-p K Kommunimut allagai 15. januar 2004-meersut. Allakkanit taak-kunanna makku erserput:

"A-p allangaanum akissutit:

Ullaarmanna suliartorlunga iserama A-p allangarisimasani tunniummagut eqqortortaqqanngippallaaqqimmata assigiinngittunik paasissutissanik ilisimatittisariaqarlunga misigisimavunga, siunissami toqqissilluta sulinissarput eqqaarsaatigalugu.

Paasisinnaangilluinnarpara sooq ...-lu panik anaarlutullusoq akornatinni atasuteqarsimanerluta takkartormagut, tassami ... uanga ataasiarlungalunniit anaanatut misigisuseqarfiginikuunnginnakku atassuteqarfiginikuunagulu taamaallaalli suleqatitut isummersoqatigisinnaasatut tapersersortigisinnaasattut suleqatigilluarsinnaasattullu isigigakku. Kiisalu uanga anaanaarutilersutut misigisimanikuunngisaannarpunga ... suliunnaalernerata nalaani taamaallaalli ugguarnikooqaanga suleqat pikkorissorsuaq paasinnissinnaasoq immersuisinnaasorlu annaalerattigu.

Meeqqat juullerपालाङ्गinneranum pissutaavoq, decemberimi pikkorissarnerit, inimillu attartungassaaleqineq, (tamakku tamaasa A-p ilisimavai)

Juullimut pilluaqqussutit piareernikuupput nassiuteraannaallutik ...-mut tunniup-pakka nammineq inuttassaannum ingerlateqqissammatikkut.

Juullip kingorna nakkangasutut isigisimavunga aperisimasinnaangaluarpoq nakkangassuteqarnersunga nammineq eqqaarsaatimigut qanoq innersunga inernilersuinani.

... ningiutut aqutsinera arlaatigut uparuangassaqartarnikuuvoq, kisiannili uanga nammineerlunga inuttaanut iluaangisakka apuuttarnikuuakka aaqqiiniarnissaq anguniarlugu.

1. september 2002 suliffimmi sulileramali ataasiarlungaluunniit oqarnikuuna-ngalu eqqarsaatiginikuunngilara soraarniuteqarnissara.

Ilisimangilara ... soraannginnermini Taxartartumik oqalutsimik piukkussaqaarsi-manersoq, kiisalu angummik sianertoqarmat oqaaseqanngisaannarnikuuvunga oqalutsimik arnamik perusunnerulluta.

Taamaattumik angummik 45-t missaannik ukiulimmik neriorsungaqaarsimaner-luta naluara oqarnikuunngisaannarnikuungama atorsinnaanngittoq.

Oqalutsimik pissarsiornermi A-p nammineerluni eqqartueqatigaanga kikkut piukkunnarsinnaanersut ataasiarluniluunniit eqqaasaqanngilaq angummik perusun-nani kiisalu ujaasinitinni ajorisaqaruni isummani annissimassariaqaraluarpa naa-langaaniartutut inissinnaarnanga tassami pisortaqaarfiit suliffiutaata ataani suliffeqar-fittut atorfinitsitsiniarnermi aqutissat atorlugit ingerlammat, allaat A peqatigalugu oqalutsimik ujaaseqatigulugu.

Atorfinikkamali ataasiarlungaluunniit suleqatinnut naalangaaniartutut inissisima-nikuunerlunga eqqaamasaqanngilanga, tassami uanga qanganilli ileqqoringakku sa-pinnngisamik suleqatigiit ataatsimut ataqqeqatigiillutik suleqatigiinnissaat, sooruna-mi ilaanni pisariaqartarsinnaavoq suleqammut naqqiinnissaq, uangali naqqiissa-nguma pisortaqaarfiit suliffeqarfiutaata piumasagaatai tunngavigalugit taamaaliorsin-naavunga, immaanngittoq uanga namminissarsiorlunga naalangaaniartunga.

Arlaannik apeqqutissaqarussi piareersimavunga saaffigineqarnissannut."

...-p, ..., K Kommunimut allagai 16. januar 2004-meersut. Taakkunanga makku erserput:

"Suliffimmi suleqatigiinnerup tungaatigut ajornartorsiutinik ilisimatitsissut:

A 1. april 2003 atorfinimmat isumalluarfigisimaqaara unittoortunik sulialluun-niit ingerlateqqinnissaannut atornissaanut, kisiannili ulloq manna tikillugu pissarsia-qarfiginnittutut misigisimavunga, arlalippassuartigut eqqartuinikka "illapalaarner-mik" akineqartarmata.

Atorfininnerata kingorna pisortaqaarfiup suliffiutaata ataani suliffeqarfittut piuma-sagaataasunik ingerlatitseqqittoqaraangat tamatigut naqqiisoq naalangaaniartutut inissittarpaa, soorlu makkunanga piumasagaartoqartaraluarpoq:

- Allakkat tamatigut marlunnik atsiorneqartassasut
- Allakkat kommunikkut (pr.bud-itut) imaluunniit allakkerivikkut ingerlatinneqar-tassasut
- Suliffissarsiuussisarfik aqutigalugu sulisussarsiorqartassasoq

A-mut oqaluttaasarninni malunnartarpoq oqalogatigiinnerup ingerlanerani "illa-palaarneq" atungaatsiartaraa taamaalilluni oqalogatigisani nalornisilersarlugit, arla-leriarlunga oqaluttaallunga oqalogatigiinneq tigusariaqartarpara oqalogatigisai unit-toortarmata, allaallu ataasiarlunga oqaluttaagama nalaappara oqalogatigiinneq suli naammassinngittoq A-p ini oqalogatigiiffik qimallugu aniinnartoq.

Akuerisinnaanngilara sullitagut A-p "Sianiittutut/ pikkorissutut" immikkoortiter-tarneri, tassami sullitagut iseraangata qanoq isikkoqarneri tunngavigalugit, oqalo-qatingereerangamigit qulaani taasattut inississortarmagit. Sullitagut qanoq isikkoqa-raluarpataluunniit qanorlu "sianiitigaluarpata pikkorittigaluarpataluunniit" assi-giimmik isigalugillu pissusilersorfigusussaagattigit, tapersorsorlugillu.

Suliffimmi sulinermi ileqqusut A-mut paasittaraluarlugit malinnngisaannarpai soorlu oqaloqatigisartakkagut qanoq ingerlanersut suleqatinut ingerlaqqittarneri A-p atunngilai taamaalilluta oqaloqatigisartagai sooq uninnerstut nalusarpagut, piffissami kingullermi oqaloqatigisartagai arlallit nalunaaruteqaratik takkunneq ajorput nalunarpooq sooq taamaattoqarnersoq.

Suliffimmi oqaloqatiginnittarneq neqeroorutaammat takkutinnngittut telefonikut/angerlarsimaffianut ornillugit ujtartorneq ajorlugit arlaleriarluta A ilisimatitaraluarlugu malinnngisaannarpaa, tassami arlaleriarlunga tusaasarakku oqaloqatissaraluanit takkutinnngikkaangata paasiniaaffigisarai sooq takkutinnnginnerstut, kiisalu allaat oqaloqatigisartakkani telefoneqanngimmat angerlarsimaffianut allakkat tunniukkiartorsimavai piffissamik aggerfissaanik tuniniarlugu, allakkat tunnikkamigit sivirusmik tikaluaqqusaanani isersimasimavoq allaat ingaffimmi atuakkerluni issiarujoorsimaluni, kiisalu pineqartoq aperisimallugu panini qaqungu innartissaneraa. Arnap pineqartup eqqaavaa toqqissisimajunnaarsimangaluarluni aali nammineq angerlarsimaffimminiilluni.

Takkartorneqartut aaqqiiniarfiginialrugit arlaleriarluta pisortaasunut saaffiginnitarsimavugut, oqaloqatigineqartarsimallutalumi, kisianni maannakkumut pittanngoriaatinik A-p tungaaniit misigisaqarnangalu takusaqanngilanga, taamaattumik Suliffiup tusaamasaalluarnera kipitinneqavissanngippat arlaatigut iliortoqarnissaa kissaatigaara.

Paasissutissanik annerusunik perusussangaluaruit piareersimavunga."

A-p suliami illua'tungiusutut isumaanik 4. maj 2004-mi tusarniaavigineqarnera pillugu K Kommunimi kommunaldirektørip allakkiia. Tassannga makku erserput:

"Suliami illua'tungiusup isumaanik tusarniaaneq, 4. maj 2004-mi nal. 10.00 kommunaldiretørip allaffiani.

Najuuttut:

A illersuisualu ...

Isumaginninnermik ingerlatsiviup pisortaa ..., Ingerlatsiviup pisortaa ..., kommunaldirektør ...

Peqataasut tamarmik sakkortusisamik nipangiussisusaataitanerat aallaqqaasiutitut erseqqissarneqarpoq. Tamatumunnga peqatigitillugu isumaqatigiissutigineqarpoq ataatsimiinneq pillugu imaqarniliaq kommunaldirektørip Peqatigiiffimmut A sinnerlugu nassiutissagaa. Taamatuttaaq erseqqissarneqarpoq manna suliami illua'tungiusup isumaanik tusarniaaerusoq inaarutaanngitsoq.

Suliami allagaatit illersuisup atuarsimannngimmagit taakkulu Peqatigiiffimmit tiguneqarsimanerat nalornissutigineqarmat tusarniaaneq unitsinneqarpoq, suliami allagaatit A-mit ...-illu atuarneqarnissaat periarfissinniarlugu.

Suliami illua'tungiusup isumaanik tusarniaaneq nanginneqarpoq, A-lli nalunaarutigaa suliami illua'tungiusup isumaanik tusarniaaneq ingerlanneqarsinnaasoq, Peqatigiiffiulli illersuisullu piumasaqaatigalugu suliunnaarsitsineq atorunnaarsinneqasasooq.

Kommunaldirektørip A qinnuigaa suliami illua'tungiusutut oqaaseqaateqaqqullugu.

A pisortap nutaap sulilerneratigut sulisunut allanut sanilliulluni avataanut inissinneqartutut misigisimavoq. A kisimiiillugu oqaloqatiginiarlugu pisortap nutaap neriorsuutigisimagaluarppaa, taamaaliorsimananili. Tamanna A-p pakatsissutigisimavaa, tassami misigisimagami pisortap nutaap suliffik eqqarsaatigalugu qanoq ilior-

niarnera ilisimasaqarfiginagu. A-p paasisimavaa aalajangiisoqartarsimasoq, nammineq peqataatinneqarfiginngisaminik.

Assersuusiortoqarnissaa kommunaldirektørip qinnutigaa.

Assersuut A-p eqqaamasinnaasara tassa pisortaq sulisut allat peqatigalugit tallimangornikkut aalajangersimasumik ataatsimiittoqartarnissaanik aalajangiisimasoq.

A-p suliffimmi qarasaasiaq pillugu ilisimasaqarnera kommunaldirektørip apeq-qutigaa, tassami sunik tamanik aallartitsisoq tassaasimammat allakkiaq, pisortap sulisullu oqarnerat malillugu "skærmimi saqqumiinnartoq". Allakkiap taassuma imai nikassaarpalaartorujussuuartut pisortamit sulisunillu paasineqarsimapput.

A erseqqissaalluni oqarpoq allakkat taakku nammineq atuisutut atermi ataani toq-qorneqarsimasut, taakkulu nammineq atugassamisut allassimagini.

Kommunaldirektøri oqarpoq taanna pillugu assortuuttoqartoq, taamaattumillu allakkiaq taanna ingerlaqqinnermi uppernarsaatitut atorneqarsinnaanngitsaq.

Kommunaldirektøri oqarpoq suleqatigiinnermi annertoorujussuarnik ajornartorsiuteqartoqartoq, tamannalu 19. april 2004-mi ataatsimiinnermi saqqummersimasoq. A qinnuigineqarpoq pisunik nammineq paasinninnini pillugu saqqummiusseqqullugu. Kommunaldirektørip erseqqissaatigalugu oqaatigaa sulisut ataasiakkaat taamatuttaaq aggeqquneqarniartut, pisut pillugit itisiliisoqarnissaa siunertaralugu.

A erseqqissaalluni oqarpoq ataatsimiinneq misigissusilersorfiusimaqisoq, taamaattumillu ataatsimiinneq pillugu imaqarniliaq isummerfiguminaatsuusoq, ataatsimiinnerulli ingerlasimaneramik imarisaanillu takutitsisuusoq. A erseqqissaalluni oqarpoq taamatut pisoqarnera pingitsoorneqarsimasinnaagaluartoq, pisortap allakkat taakku pillugit nammineq kisimiitilluni oqaloqatigisimasuuppani.

Kommunaldirektøri oqarpoq suleqatigiinnermi aatsaat ajornartorsiortoqalinngitsaq, A-llu isumaginninnermi siunnersortit pisortaannut 15. januar 2004-mi saaffiginnissutaa misigissutsinut tunngassuteqarsimaqisoq.

A erseqqissaalluni oqarpoq allakkani ikioqqulluni suaartarnertut isigineqassasut, isumaqaramimi suliffimmik aqutseriaaseq erseqqarluttuusoq. A oqarpoq suliffimmi pisortaagallartutut imminut isiginissaminut tunngavissaqartutut misigisimalluni.

Ingerlatsiviup pisortaata erseqqissarlugu oqaatigaa 15. januarimi ataatsimiinnermi ilaatigut A-p peqataaffigisaani suliffimmi aqutsinermut tunngasut pillugit erseqqissumik paatsoorneqarsinnaanngitsumillu nalunaaruteqartoqarsimasoq.

A-p aamma Ingerlatsiviup pisortaata oqaatigaat tamanna ilumoortoq, ataatsimiinnerlu taanna A-p allagaasa 15. januar 2004-meersut kingunitsiannuatigut pisimasoq, tassami allakkat ...-mut aporaannermik takutitsisuummata. Aatsaat ataatsimiinnermi tassani aqutsinermut tunngasut qulaajarneqarsimapput.

Illersuisup kommunaldirektørillu suleqatigiinnermi ajornartorsiutinut uiggiullugu erseqqissarlugu oqaatigaat oqaatsinik atuinermi sunaluunniit apeqqutaatinnagu najuuttut eqqarsaatigineqartassasut, erseqqissarlugulu suliamut tunngasuni nutserisoqartassasoq, oqaatsit ataatsimiinnermi peqataasup ataatsip arlalilluunniit paasingissinnaasaat atorneqaraangata.

Ataatsimiinnerup ingerlanerani illua'tungeriinnit arlalinnit oqasiinnakkut saqqummiussinerit innersuussutigineqartarput, taamaattumillu kommunaldirektørip erseqqissaalluni oqaatigalugu taakku atuussinnaassuseqanngitsut, aatsaallu ilanngunneqarsinnaasut suliami illua'tungiusup suliami oqaaseqaataat saqqummiunneqarunik.

Naggasiutitut isumaqatigiissutigineqarpoq suliami illua'tungiusup isumaanik tussarniaaneq 6. maj 2004-mi nal. 15.00 sumiiffimmi tassani nangingneqassasoq, tassami ataasiakkaat oqaaseqaatigisaasa erseqqinnerusumik paasiniarnissaat kommunaldirektørip kissaatigimmagu. Kommunaldirektørip tamatumunnga peqatigitillugu

erseqqissarpaa A akissuteqarnissaminut allakkatigullu saqqummiussaminut isumernissamut periarfissaqartinneqassasoq.

A-p sulinini nangeqqippagu pisortaq sulisullu soraarniarlutik nalunaarsimamata suliunnaarsitsineq tamakkiisumik akissarsiaqartitsilluni suliame aalajangiisogarnissaata tungaanut atuutsiinnartariaqarlugu kommunaldirektøri isumaqarpoq.

Imaqarniliaq peqataasunit atsiorneqarpoq, nalunaarutigineqarlunilu imaqarniliaq Peqatigiiffimmut tusarniaatigineqareerpat A aatsaat atsiorniartoq." (Atorfeqarfimmi nutsigaavoq)

...-p, ..., K Kommunimut allagai 5. maj 2004-mi ullulerneqarsimasut. Taakkunanga makku erserput:

"A-mut tunngasunik ilisimatitsissutit:

1. januar - 31 marts 2004 ningiutut atorfeqarninni A-p pisortaqarfiit suliffeqarfiutaata ingerlariaasianik annertuumik sissuertariaqarsimavara siornatigut Ningiuusumiilli piunasaqaataasartut eqqortissinnaaneq ajormagit, (Siornatigut allagaqaataasarsimasut innersuunneqarput) allaat napparsimallunga suliartortariaqartarsimallunga A kisiat sultinnissa toqqissimassutiginnakkku, nalunninnakkku qanorluunniit suleriuseqarsinnaasoq killeqanngittumik, sulineq sulinngiffillu immikkoortissinaanngimmagit.

Piffissap taassuma iluani sullitama saniatigut innersuunneqartut tigusariaqartarsimavakka, inunnik isumaginnittoqarfimmiit ernumassutigimmassuk. A-p oqaloqatigissagaluarunigit illalaartarnermigut immikkoortiterisamerpigullu oqaloqateqartarnerfik iluaqutigiunngimmassuk.

Meeqqat gruppiat atornerlunneqarsimasut sumiginnagaasullu ornittarfiattut oqariartuuteqartarnera unitsinniarnikuugaluarlugu iluatinnikuunngilara nassuiaattaraluarlugu meeqqat qimataaneq aallaavigalugu aamma innersuunneqarsimasut tigummigatsigit, tusarumanani sullitami meeqqatik innersuukkusukkuluaraat qulaani taasattuut nassuiaattarsimavai meeqqat maaniittartunut oqimaappallaarnerarlugit meeraannut tulluutinninnagu, taamaalliluni meeqqat sullinneqartut nikarssarlugit inisittarlugit.

Siornatigut allakkatigut apuuttarsimasaat A-p tungaaniit aaqqqivigineqanngillat, kissaatiginarluni maannakkut iliuusegarfiginissaat, tassami akisussaasutut inissisimalluni paasitinniartuaraluarlugu killormuinnaq inissinneqartarluni nukinnik annertuumik tigusisarmat toqqissisimanaranilu sallu atorlugu imminut annanniartarnera inummut namminermt aserorsaataammat.

Malunnarmat ... uanga maannakkullu ... ningiutut inissisimanitinni piunasaqaataasunik piunaffigingaluaangatigu malikkusunngit inuttarsiulluni nakkartitseriartarnera akuersarneqarsinnaanngimmat."

K Kommunimi isumaginninnermik ingerlatsiviup allakkiaa 6. maj 2004-meersoq. Tassannga makku erserput:

"Sullitara ... sinnerlugu ingerlateqqittussaasoringakku ingerlateqqivunga:

Marlunngorneq 29.07.03 ... isertoraara, allangarsiarisimasanilu pakatsissutigisimasani eqqartorusullugit nassuiaalluni, allakkat aallartinnginnerini nassuiaavoq, marloriarluni A-mik oqaloqateqartarsimalluni, isumaqarsimagaluarlunilu aallaqqaammut sungiusaraani. Allangarseriamilu ersarissisillugu killisamik qaangiiffigi-

neqarsimalluni, aammalu malugalugu persaringaani. Paatsoorsimasinnaaninili ersarripaa, kisiannili toqqissisimanggissutigilersimagamigit eqqartorusullugu.

... nassuiaavoq, illoqarfimmi naapinnissaa akunnagisarsimallugu, takugaangamiullu tunoqqunniartarsimallugu, ilaatigut illoqarfimmi aperisarmani massakut qanoq inneranik, tassuunaa nassuiaavoq, assersuusiorlunilu nammineq sungiusimallugu maani Isumagiiniittoqarfimmi oqaloqateqartarnermini pisortanit ikiorsiissutlinit sullissisunik aammalu meeqqanik inuusuttuaqqamik sullissisunik illoqarfimmi naapinneqartilluni taama aperineqarneq ajorluni.

Ilanngullungulu nassuiaassutingaa nammineq misigissutsikkut artorsarluni inissisimanermini ippinnartissimallugu illakusulluni pissusilersortarnera.

- Allakkat assilineqarneri ilanngunneqarput.

Sullissisutut sullitama misigissutsikkut eqqorneqaatigisinnaasai nalilersornerat ataani takuneqarsinaavoq.

Allakkat nassiuqqarsimanerat inuinnarpalaartumik atsiqateqartoqarsimaneralu paatsungatitsilersinaapput.

Inuttut naleqassusia eqqorneqarsinaavoq, sullitamut sullitaanera (klient) atorlugu allakkaanni.

Apeqqutit ingerlaannaq akineqarsinaangitsut apeqqutigineqarnerisigut misigissutsimigut aalassatsinneqarsinnaavoq. Tassungalu aamma ilaavoq nalilersorneqarsimanera allakkatigut, allakkatigut ingerlanneqarsimasoq, ingerlaanarluni akisinnaangimmagu.

Imminut eqqartorsimanera, sulinngiffeqarnissaminillu nalunaarusiornera, pineqartunut paatsuungalersitsisinaavoq.

Sullissisutut isummerner A-mut.

Sullitaminut suliffeqarfiup ilisarnaataa, atorsimanggimmagu aammalu allakkap imarisai tamakkiisumik isigalugit sullissisutut sullitamut allangaqarneq pisortati-goortuusorinngilara.

Sullissisoq taamatut suleriaaseqarsimaguni/-qassaguni, tamaat isigalugu isumaqarpunga sullitagut amerlisinnaasut, uatsinnullu oqilisaassinissaa killeqassalluni aammalu pinngitsoorneqarsinaanani sullitai misigissutsikkut akornuserneqarsinaasasut, sualummik illakusuttamera isiginiassagaanni.

Soorunalumi nalilersueriaatsini allannortikkuniuk, ataatsimoortileruniulluuniit naliliisimanera ilumoortortaqarpoq, kisiannili allangannornerani taamatut isikkoqartuassappat, sullitamut paatsiveerunneq pilersinaavoq, apeqquterpassuit erngerlugit akisinnaangisat sarsuatilertussaagamikkit.

Tamaat isigalugu oqaatigilluaannarlugulu uprofisionelletut allangaqarsimavoq. Tamannalu ...-p misigissutsikkut eqqorneqaatigivaa sakkortuumik. "

Taamatut naatsumik paasissutissiilaarpunga.

- Allakkat Børn og Unge gruppemut ilisimatitsissutitut ulloq 31.07.03 saqqumiunneqarput.
- Ilanngunneqarpoq allangaasimasup ilaarneqarnera."

Suliffik pillugu K Kommunip allakkiaa 6. maj 2004-meersooq, isumagininnermi siunnersortit pisortaannit suliarineqarsimasoq. Tassanga makku erserput:

"Suliaq matumuuna ingerlateqqippara, suliffimmi sulisut ulluinnarni suliarinerannut arlaatigut aaqqiissuteqartoqarnissaa kissaatigalugu.

Taamatut kissateqarnermut tunngaviunerpaasoq tassaavoq akerliunianggikkaluarluta pissutsinik aalajangersimasunik akuersaarinnikkumanginnerput. Pissut-

simmi ilisimaaraagut, suliffimmilu suleriaaseq aaqqinniarlugu arlaleriarluta akuliut-sinneqartarsimalluta, tassami suleriaaseq isumaqatigiinnigissutaasarsimammat. Pissutsilli tamakku sulii aaqqinneqarsimangillat, aaqqikkuminaatsinneqarlutillu. Aaqqinniarlugit iliuuseqartoqarnissaa kissaatigaarput.

Ilanngullugu oqaatigissavara isumaqatigiinninnerit taakku tarnip pissusiinik ilisimasalimmik atorfinitsitsinerup kingornatigut aatsaat pilersimammata, sulisullu akornanni aaqqinniarneqarsimagaluarlutik. Aaqqiissutit taamaattut sivikitsuinnarmik aaqqiinerupput, suleriaatsip A-mit malinneqannginnera pissutigalugu, tamanalu sulisut akueriuminaatsippaat. Tamannaluuna pissutaalluni sulisut akornanni isumaqatigiinninneq pilersimasooq.

Isumaginninnermik ingerlatsiviup pisortaatut aammattaq oqaatigissavara sullitat arlaqarmata suliffimmi A-mut ornigukkumajunnaarsimasut, naak sullissisuminnit tassunga innersuunneqartaraluarlutik, nalunngisakkalu malillugit arlaqartut tassanga angerlarsimaffimminni unnukkut alaatsinaanneqartarnertik naammagittaalliutigtigisimavaat, taamaattumillu tassunga orniguteqqikkumajunnaarsimallutik.

Ingerlatsivimmi pisortaq massakkut soraartoq ataatsimeeqatigisarsimavarput, pissutsit aaqqinniarlugit, nalunngilaralu ingerlatsiviup pisortaata suliffik arlaleriarlugu immikkut ataatsimeeqatigisarsimagaa, sulisut sullitalu naammagittaalliutaat pissutigalugit.

Pissutsit taakku oqaluuserineqarnissaat massakkut kissaatigineqaqqippoq, taamaattumillu suliaq ingerlateqqippara, suliap qanoq iliuuseqarfigineqarnissaata suli-niutigineqarnissaa kissaatigalugu, isumaqaramami aaqqiiniutaasimasut amerlaval-laata nangaanartarsimasut." (Atorfeqarfimmi nutsigaavoq)

A-p ...-mut¹³ allagai ullulernerqarsimangitsut. Taakkunannga makku erseput:

"Asasara ...,

Maani suliffimmi ikiuunnissat pisariaqartilissagunarparput.

..-p ...-llu akornanni paniup-anaanap akornanni pissusiusooq sakkortoq arlaanaataluunniit arajutsisimasinnaaganngilaa? Aanaanamit qimanneqaqqilerneq decemberimi ...-mut ajornakusoortoq erseqqissimavoq. Pissuserinngisaminik piumasuseqarsimangilaq. Meeqqanut juullimut aaqqissuussinerit unitsinneqarsimapput, juullilerneranilu inuulluaqqussutit ingerlatani naammassinngitsuussimavai.

... juullip kingornatigut nikallungasimaqaaq, piffissalli ingerlanerani nukissanikiartuaarsimalluni.

Tamatumunngali peqatigitillugu "anaanap paniatut" inissisimanini atuutsinnialersimavaa, maani pisunik aqutsiumalernermitigut.

...-p ...-llu akunnerminni pissutsini ajornakusoortoq allanut oqaatigisimangisara tassaavoq ...-p maani aqutsineq pillugu pakatsisimaarnermini suliffik qimanniarlugu pilersaruteqarnera, ...-p sioqutaarsimangitsuuppatigut.

Tamanna suliffiup matuneqarneranik kinguneqarsimasinnaagaluartoq eqqarsarpunga.

Uanga pissaaneqarniunnernik ingerlatsinermit maani kommunimi isertuannigivissumik ingerlanneqartunut ajorluartumik pikkorippallaanngilanga. Ittoqut ... so-raarmat ...-p ...-mik saassussinera pillugu imaqarniliaq tusarpara.

13. Kinguliaa taaneqarsimangilaq, tassaassanganneqarlunili isumaginninnermi siunnersortit pisortaat

Oqalutseqarniarneq massakkorpiaq ajornartorsiutigaarput. Pitsaanngitsunik misilittagaqarnera aallaavigalugu oqaatigaara angummik oqalutseqarnissaq kissaatiginngikkiga, tassami angutit inersimasut marluk akornanni aporaanneq pingaartumik arnat inuusuttut eqqarsaatigalugit aserorterisuusartoq paasigakku.

...-p soraannginnermini angut inersimasoq taxartartuunini pissutigalugu piukunnartorujussuaq uannut oqalutsinngortissimavaa.

Sianermalli ...-p ajoraluartumik nassuiaassimavaa uanga arnamik oqalutseqarnissaq kissaatigigiga.

Ippassaq isaasalerlugu pitsaavallaarnanga oqarama taassuma allallu marluk maanga aggeqquneqarnissaat ...-p isumagisimavaa. Taakku ilaat tassaavoq arnaq 60-nik ukiulik, uanga ilisarismannigisara, immaqali atorsinnaasara?

Pissaaneqarniunnerit taamaattut uanga pikkorluffigaakka.

Takulerpara angutinnguakkuluk 45-nik ukiulik, ...-p atorfininnissaanik neriorsorimasaa - nalunngilaami arnamik piumanerusunga - ...-mit oqarfigineqartoq uanga atorsinnaanngikkiga, tamatumalu kingornatigut maani oqaloqatigineqarnissaminut aggeqquneqartoq, oqaloqatigineqarnerminilu tiguneqarsinnaannginnerminik oqarfigineqartoq?

Tamanna assersuutaannaavoq.

Illit maanngarnissannut pissutaasoq alla naluneqanngitsutut tassaavoq suliffiup qanittoq tikillugu pallitsaalisaanera. Assersuutigalugu suliffiup allagaatinik toqqorsivia alakkaqqugaluarpara." (Atorfeqarfimmi nutsigaavoq)

K Kommunimi suliffeqarfiup pisortaata ingerlatsiviup pisortaanut allakkaa 10. maj 2004-meersoq. Tassanga makku erseput:

"Piumaffigineqarnera aallaavigalugu A-mut tunngasumik paasissutissat matumuuna ingerlateqqippakka.

Naluneqanngitsutut uanga suliffimmi ningiutut aallartippunga 1. april 2004.

Sulilernerma kingorna suliffimmut iserniaqqaarsimavunga suliffik qanoq ingerlarnersoq suut aallunneqarnersut misissorlugit. Suliffiup siunertaa aallaavigalugu kikkut qanoq piginnaaneqarnersut sallitinniarsimavakka annertunerusumik suliffiup ineriartortinnissaa eqqarsaatigalugu. Taamatut aallarniininni sapinngisara tamaat sulisut peqataatikkusussimavakka, ningiutut akisussaaffiga paaralugu sulisut tamarfik akisussaaqataanisaa siunertama pingaarnertit ilagisimavaat.

Paasisara siulleq tassaasimavoq torersagassat sukatigassallu siulliullugit aallartitassaralugit illup atorneqarnera sulisullu qanoq inissisimanerannik aallaveqartunik annertuunik inissitassaartoq.

Tamakku aallaavigalugit sulisut ataatsimiisinneqartarnissaat aallarnerpara allaat oqallisissat tullerriaarneqarneri suliarisimavakka amerlanernik akuerineqartumik.

Kisiannili ingerlaannaq aaqqiagiinnginneq sunaaffa qangalili pisartoq malunnarsivoq tassa qulaani pineqartoq nammineq isummani atorlugu ingerlarnusuttoq ersarisumik takutissimmat torersumik inissikkusussimagaluarpara tullianik ataatsimiinissamat oqallisissanngooqqillugu tamatta eqqarsaqilaareerutta. (Personalemødereferat nassiuppara ilanngullugu). Pineqartoq annertuumik malersorneqarluni pingaartumik ...-mik oqariartuuteqarsimavoq, kisiannilu uanga naliliisarnera malillugu malersuisoqarani eqqartoqqitassaalluni naliginnaasumik suleqatigiit akornanni.

Kisianni suli taamaattoqanngitsoq nuanniittoq takkussimavoq taannalu pisoq naluneqanngitsutut suliuunaarsitaagallarpoq. Inissitassarlu annertoq kisitta ajoraluartumik aqqissinnaanikuusimannngilarput ulloq manna tikillugu.

A oqaloqatigineqarpoq ulloq 21.04.04, nal. 10.00 oqaloqatigineqareemat oqarasuaatikkut nalunaarfigineqarpugut fritstillerneqartoq pisattaminik aallersinnaasoq

computerit allallu attussanngikai, taamatut kalerrinneqaratta aallernisaa utaqquvarput, takkutinniinnarmallu ...-mut sianerpunga paasinierlugu qanga anisimanersoq, sunaaffa qangaammalli anereersimasoq.

... qummukaquvara suliffik kriseramt institutionit nalilerlugu sulisut marluinanngoratta, majuarsimalersoq A takkuppooq pisattaminik aallerluni.

Iserami kiinaa ajorpoq arriissarlunilu sunik annitassaminik ujaasilluni ...-lu marluulluta ilagivarput ilami uanga suuteqarnersoq nalugakku. Pisattani tigoreeraluarlugit init uteqattaarpai nipikittuliorlunilu ...-p uangalu kisitta tusaasatsinnik oqalulluni. Naggataatigut ersigilerparput pooriaannartut isikkoqarmat imaaliillaannarlu anisitassaanani pisassarsiorluni allaat meeqqat inaanni tigusassarsiorluni uffa massa arlaannarpulluuniit taqqamani susassaqqanngitsoq meeqqanuinnaq pisatsersornikuumat taakkunaniinnarlu atorpeqartarluni.

Animmat matuersaat taarsertippara iluaniik paarnaarsinnaalerlugu kisimiillunga maani sulillunga isertoortigerusunnginnakku ersigigakku pissusaa isikkualu ajormata.

Ulloq taanna ...-p suliakkerpaanga oqaloqatigisartagai tamaasa kalerrissagikka allakkatigut. Aallarteqqaajunermt kikkorpiat tamaasa nalugakkit saginik misissuiniarsimavunga ingallugalu tupattarlunga.

Assersuut: Uge 18-imut atatillugu ataatsimeeqattaarsimavugut A-lu marluulluta unnuk ataaseq uanga akisussaaffiginiarlugu innuttaasunik ataatsimiisitsillunga, ulorlu alla A-p tigummissagaa Hallimi aaqquissuussineq.

Taamaalluta ulloq 14. april 2004, maani ...-mi uge 18-imut pilersarusiortut ataatsimiigiarpuit inuit 20-t missaat, inuit uanga naluvakka aatsaat ilisariartuaalerlugit. Ataatsimiigiartunut ilaapput K-p illoqarfiani lokalradiomi ittuat ...

Taanna iserpoq allatuulli kikkorpassuit ingiaqatigalugit, iserluni kamini oqorsaatinilu piirai A-p oqaluullugu aallartippaa qujalluni qaffasinnerusumik atorfeqalersimammata kalaallit imminnut tatigineq ajormata taanna inuk nersorlugu. Uanga assut tupappunga inuillu tusaammata oqaaseqarnanga aqaguani uaguinnangorutta oqaloqatiginiarlugu.

Aqaguani taamaaliorpunga oqaasii tassunga kusanaagalugit annersitsinerarlugu kalaallit taama pisassaanginnerarlugit anneraluarlunilu nillinginnerarlugu uagut pissuserput allaanerummat ilinniartariaqarneralugu. Sulisut allat tusaapput A paasinninnerapoq aamma nipi saamasoq atorlugu oqaluukkakku, tassani pingaartumik ... tupaallappooq inissinneqarluni alanngimmanga sunaaffami pisussaq aggersoq.

Fritstillernerata kingorna torersaallunga paasileriallariga sunaaffa taanna inuk taamatut inuppassuit akornanni oqaluussimagaa Suliffimmi ...-tut oqaloqatigisarsimagamiuk! Puha, tassani nakkagajappunga tupannermt tavshedspligtini unioqqu-timmaqu ersarissumik assut annilaarlunga pissusaanut.

Eqqarsaat siulleq takkuppooq qanormita sionratigut ingerlasimava ila takusinnaavara tavshedspligt unioqutissinnaagaa taama ajornanngitsigisumik! Ulorianaq.

Pisattani aallugit isermat ulloq 21. april 04, nal. 16.30 ilisimatippara qimataqarsimassappat nassiukkumaarlugit iseqqissanngitsoq, kisianni faxeriarporpoq ulloq 26.04.04 ullaakkut peqatigiiffimmi ilaasortaagami piginnaatitaaffeqarnerarluni aasit anisitassaanani, isikkua pooriaannartut isikkoqarluni, ersigigatsigu ilinnut siarnerpugut, tassanilu anereersoq takkukkavit isumaqatigiippugut tullianik politiiunut siarnerinnaasugut. Kisianni takkuteqqinngilaq kisimiikkaangattalu matu paarnaqqasarpooq suli.

Sapinnngisarput tamaat suliffimmut isertinnaveersaarparput taamaammata takoqqinngilarput.

Kisianni allakkat allattarsimasai ippassaq aniatikkatsigit piumaffigineqarnerput malillugu takusinnaavara sulisoq, suleqat tatiginanngittuusoq soorlu allattarsimasai

malillugit tavshedspligt qassinik unioqquittarsimagaa aammalu sallunik imalinnik allagaqartarsimasoq uangali aallartingikkallarama.

Tamakku allagarpassuit maani toqortaapput, qanoriliornissaat naluakka.

Ilanngullugu oqaatiginngitsoornianngilara uanga ningiutut paasisinnaannginnaku qangalili naammagittaalluutigineqartarsimasoq takoreerlugu susoqarsimannginera, ilami sullitagut illersorniarlugit maaniikkatta.

Ersarippoq tavshedspligt isumassaqartinnigikkaa, taannaanaq aallaavigalugu uanga nangiarivara suleqatigissallugu."

Allakkiaq assammik allagaq 19. maj 2004-meersoq, atsiorneqanngitsoq kimukartuuneralu allassimanngitsoq. Allassimavoq "suliami illua'tungiusup isumaanik tusarniaaneq", oqaasertai "A"-mut tunngasuullutik. Tassannga makku erserput:

"Ataatsimiinnermi peqataasut nipangiussisussaataitanerat kommunaldirektørip aallarniilluni erseqqissarpaa.

Kalaallisut allakkiaq ullui eqqortuupput.

...-p allakkiaa 15. januar 2004-meersoq.

Qarasaasiap nammineq ullulersuisarnera pissutigalugu ullulersuineq ajornartorsiutaasoq oqaatigineqarpoq.

Tamatuma kingornatigut qallunaatumut nutsernera aamma uparuarneqarpoq.

Kommunaldiretøri oqarpoq suliami illua'tungiusup isumaanik tusarniaaqqinnisamat tunngavissaaruttoq, paatsuusoqarsimanera malunnarmat.

Suliffimmi sulisut 24.5.-04-mi ataatsimiinnerat" (Atorfeqarfimmi nutsigaavoq)

A-p suliami illua'tungiusutut isumaanik tusarniaaneq pillugu K Kommunnip allakkiaa 21. maj 2004-meersoq. Tassannga makku erserput:

"Suliami illua'tungiusup isumaanik tusarniaanerup nangingeqarnera 19. maj nal. 15.00 aallartippoq.

...-p allagai 5. maj 2004-meersut

...-p allagai 16. januar 2004-meersut

...-p allakkiaa 9. januar 2004-meersoq (ullua nalornissutigineqarpoq)

...-p allagai 15. januar 2004-meersut

...-p allakkia 10. maj 2004-meersoq.

Kommunaldirektøri tamatuma kingornatigut inerniliilluni oqarpoq paasissutissat tiguneqarsimasut kiisalu suliami illua'tungiusup isumaanik siusinnerusukkut tusarniaasimaneq suliamut atatillugu killisiueqqinnisamat tunngavissaqalersitsinngitsut, taamaattumillu suliami illua'tungiusup isumaanik tusarniaaneq matumuuna unitsineqartoq, A eqqarsaatigalugu annertunerusumik iliuuseqartoqaaqqissanngilaq.

Aalajangiineq taanna tunngavilersorlugu kommunaldirektøri oqarpoq suleqatigiinnermi ajornartorsiutit illua'tungeriit ajornartorsiutigigaat, taamaattumillu sulisut ataasiakkaat toqqaannartumik akuliuffiginagit pisortaasunit akuliuffigineqarnissaat pisariaqartoq.

A-p sulinini ataasinngornermi 24. maj nal. 9.00 aallarteqqissavaa, tassanilu kommunaldirektørip, innuttaasunik sullissiviup pisortaata, isumaginninnermik ingerlat-siviup pisortaata kiisalu suliffimmi sulisut tamarmik peqataaffigisaannik suliffimmi sulisut ataatsimiinnerat aallartissutigineqassalluni." (Atorfeqarfimmi nutsigaavoq)

A-p K Kommunimut allagai 16. juni 2004-meersut. Taakkunanga makku erseput:

"Allakkanut 4. juni 2004-meersunut akissut

Napparsimaninni kissarneerutilerpunga. Taamaalillunga piareersarnissannut sivi-sunerusumik piffissaqarsimagama tamatumani periarfissariligara suliami illua'tungiusup isumaanik inaarutaasumik tusarniaalluni ataatsimiinneq pillugu allakkatigut akissuteqarnermut matumuuna atorpara.

I pillugu.

Isumaqaarpunga naliliineq taanna kukkusuusoq paatsuuneruorluunniit. Asser-suutigalugu ilusilersorluagaasumik siunnersuutigaara ileqqoreqqusaliat nutaat allanneqassasut.

Siusinnerusukkulli periaasiusoq aallaavigalugu naatsorsuutigisimagaluarpara missingiut sulisut ataatsimiinneranni oqaluuserisassanngorlugu saqqummiunneqassasoo, tassani lu oqaasertai, annertussusia immikkoortullu pisariaqartut tamarmik ilanngunneqarsimanersut oqaloqatigiisutigisinnaagigut.

I. junimi ataatsimiinnitsinni oqaasertaliussat nalornissutigisama qanoq paasineqarnissaannik apeqquusiinera taamatuttooq suliffeqarfitsinni siunissami pitsaasumik suleqatigiinnerup qulakkeerneqarnissaanik uanga tunginnit soqutiginnertut isigineqartariaqarpoq.

Siunertarisimavara immikkoortut marluk taakku suliffimmi sulisut ataatsimiinnitsinni qulaajarneqassasut.

II pillugu.

Uannut pakatsinarpoq suliffimmi sulisut sisamanngormat ataatsimiinnitsinni ilaqutariinnik sullissinitsinni anguniakkatsinnik suliffimmi piviusunngortitsinitsinni periaaseq pillugu torerumik, eqqissisimasumik ataqqinnitumillu akerliliissuteqarnerma kingornatigut uanga kiserngorunnera. Isumaqaarpunga innuttaasunik pitsaannerpaamik kiffartuussisinnaassagutta uanga ...-tut pisinnaasama suliffeqarfitsinni iluaqutiginiarneqarnissaat pingaartuusoq.

Siunissami inerititaqarfiulluurtumik suleqatigiinnermut aqutissamik nassaarniarluta allatut ajornartumik oqaloqatigiittariaqarpugut. Tamanna tunngavigalugu paasineqarsinnaassagunarpoq pisortarisama suleqatimalu ataatsimiinnermit taama tassangaannartigisumik qimagunnerat uannut pakatsinartorujussuusoq.

Uanga tamatumunnga sukkulluunniit pissutissaqalersitsinngilanga.

III pillugu.

Immikkoortoq taanna ilaatigut qulaani paasisattungajak imatut paasivaara peqquneqarninnut naalakkumasimangitsutut isigineqartunga.

Piffissaq 1.01.04-mit 15.01.04-mut ingerlasooq kia uannut pisortaananik ajorluurtumik ilisimatinneqarfisimangisara eqqaassanngikkaanni tunaartarisassat uannut saqqummiunneqartut malissimavakka.

Suliffimmi aallaqqaataaniit annertunerusumik paasissutissanik tunaartarisassanillu amerlanerusumik ilisimatinneqarsimanginnera assut pakatsinarsimavoq, minnerunngitsumik suliffimmi aallartinninni, takusinnaasimavarali suleqatikka pisinnaasartik naapertorlugu qanoq iliuuseqartut, sapinngisannuaralu naapertorlugu taakku iliornerat assilillugu iliorniarsimallunga.

Suliffimma uannut piumasaaqateqarsinnaatitaananik ataqqinninngitsutut isigineqarsinnaasimanagera ajuusaarutigaa. Soorunalimi taamaassimangilanga.

Neriutigaara ataatsimiinnerit taakku pitsaasumik kingunerisaannik assersuutigalugu suliffimmi atorfeqartitaasut sulilernerminni sukumiisumik ilitsersorneqartalisasat - kiisalu kukkussuteqarsimagunik tamanna pillugu ingerlaavartumik uterfigineqartassasut.

IV pillugu.

Siusinnerusukkut sullitaasimasumik ataatsimiinnermi oqaloqateqarnera ...-p malugisimasaa matumani pineqartoq isumaqarpunga.

Inummilli K Illoqarfimmiumik oqaloqateqarnera pissutigalugu taassuma siusinnerusukkut uannit sullitaasimasinnaanera inerniliunneqarsinnaanngilaq.

V pillugu.

Immikkoortup sulinermut tunngasortaa pillugu:

Suliat pillugit kalaallisut oqaloqatigiinneq pillugu paasitinneqarnissannut kia akissusaasuunera maani ataatsimiinnerni allanngorartumik paasisarsimavarput.

Peqatigiiffiup inatsisilerituaa isumaqarpoq akisussaaffik taanna suliffeqarfiup pi-sortaaniittoq, tamannalu pissusissamisoorinarpoq.

Tamanna kukkusumik paasinninneruppat uppersarsarneqarsinnaappallu isumaga allanngortissinnaalluarpara.

VI pillugu.

1. Isumaqarpunga inuiaqatigiinnik pitsaanngitsumik isiginnittuunanga. Sullitarpassuit naapissimasakka nuannarilersimasakkalu aqutigalugit assersuutigalugu K-p illoqarfia ajunngitsorujussuarmik isigilersimavara.

2. Suleqatima meeqqanut suliniuteqarnerat qaffasissorujussuurtut nalilersimavara.

Perorsaatut ilinniarsimasut inersimasunik katsorsaanermik ingerlatsinissamut pinsinnaanerat eqqarsaatigalugu isumaga allanngortissimavara, assersuut una ilinnitigalugu, tassalu GU-mi ilinniartoq inuusuttoq isumaginninnermi siunnersortimik perorsaa sunillu marlunnik oqaloqateqarnermi kingornatigut tassanngaannaq immi-noriaraluartoq.

Taamatut ingerlatsinerit uattut atorfilittut qanimut suleqateqanngikkaanni ingerlanneqartariaqanngillat - uangalu naliliinera malillugu ataatsimut isigalugu qaqutigorsuaannaq pinsinnaasariaqarlutik.

...-llit tamatuma pissuseqataanik meeqqanik paarsinermut pikkorluttuugajupput.

VII pillugu.

Isumaqarpunga pimasat uterfigeqqissanngikkutsigit allatut ajornartumik ilin-niarfigisariaqarnerannik inuk oqarsimasoq ilumoorluinnartoq.

Tamanna ilaqutariinnik sullissininni uanga aamma erseqqissarajuttarpara. Ilor-raap tungaanut ingerlajumagaanni sanngiiffittut imaluunniit iliutsitut pitsaanngit-sutut saqqummertut isummerfigisariaqarput." (Atorfeqarfimmi nutsigaavoq)

K Kommunimut 9. september 2005-imi imatut allappunga:

"A pillugu K Kommunip suliami allagaataasa assilineri 12. juli 2005-imi Ombud-smandip tiguai.

Suliami allagaatit misissornissaannut periarfissaqarsimavunga.

K Kommunip A-mik soraarsitsinera tamatumunngalu atatillugu periusaasimasoq misissuiffiginarlutit Ombudsmandi aalajangerpoq.

A-mik suliunnaarallartitsinerit pillugit Eqqartuussissuserisup X-ip naammagittaalliuutaanut tunngatillugu naammagittaalliuutip ilaata sularinissaa itigartissutigaa. Taamaallilunga Eqqartuussissuserisumut X-imut ilutigitillugu allagaqarnikut A-p suliunnaarallartinneqarnera K Kommuni allagaasigut 21. april 2004-meersutigut A-mut nalunaarutigineqartoq pillugu naammagittaalliuutip sularinissaa itigartippara, takuuk Inatsisartut Ombudsmandiat pillugu Inatsisartut inatsisaanni § 6, imm. 2, tassami Inatsisartut Ombudsmandiat pillugu Inatsisartut inatsisaat malillugu pisimasoq pisoqalereersimammat.

A-p suliunnaarallartinneqarnera, K Kommunimit allakkatigut 4. juni 2004-meersutigut A-mut nalunaarutigineqartoq eqqarsaatigalugu suliassaq sularilissanerlugu isumminnginninni kiisalu sularissagukku misissuinissannut tunngavissaqartitsinerisooq pillugu paasissutissat amerlanerusut pissarsiareqqaartariaqarpakka.

Matuma kingorna K Kommuni A-mik soraarsitsinera kiisalu tamatumunnga atavillugu periusaasimasooq pillugu Eqqartuussissuserisup X-ip naammagittaalliuutaanut K Kommuni oqaaseqaammik saqqummiussinissaanik qinnuigaara.

Soraarsitsinissaq sioqqullugu A illua'tungiusutut naammattumik tusarniaaffigineqarsimasutut K Kommuni isumaqarfigineraa immikkut K Kommuni nassuiaateqaqqullugu qinnuigaara. Ilaatigut illua'tungiusumut tusarniaanermi suna siunertarinerqarnerisooq K Kommuni allagaani 4. juni 2004-meersuni allassimannginna innersuussutigaa. Aamma illua'tungiusumut tusarniaalluni allakkani sulisut ataatsimiinnerannit oqaatigineqartunit imaqarniliamik ilanngussisoqarsimaneranik allasimasooqanngilaq, soorluttaaq illua'tungiusumut tusarniaassutitut allakkani soraarsitsinermut tunngavilersuutitut pissutsit aalajangersimasooq oqaatigineqanngitsut. Taamaalliluni pisimasut sorpiaat pineqarnerisut illua'tungiusumut paasineqarsinnaanngorlugit illua'tungiusumut tusarniaassutitut allakkiami erseqqissumik oqaatigineqarsimangillat.

Aamma suliaq naammattumik paasissutissiissutigineqartutut kommunip isumaqarfigineraa nassuiaatigeqqullugu K Kommuni qinnuigaara. Tamatumunnga ilanngullugu K Kommuni qinnuigaara makku nassuiaateqarfigeqqullugit:

- A-p soraarsinneqarnissaanut aalajangerneq sioqqullugu K Kommuni misissuinerit qanoq ittut ingerlassimanerai.
- Suleqatigiinnermi ajornartorsiutitut taaneqartut sullivimmi suliassat naammassineqarnissaannut annertuumik nuanninngitsumik sunnuteqarsimanersut allaat tamanna soraarsitsinermut tunngavigineqarsinnaalluni, suleqatigiinnermi ajornartorsiuteqarneq A-lu imminnut attuumassuteqarnerisut, kiisalu ajornartorsiutit pilernerannut A pingaarnertut pisuussuteqarnerisooq kommunimit misissorneqarsimanersut.
- K Kommuni isumaa malillugu suleqatigiinnermi ajornartorsiutit iluarsineqarnissaat anguniarlugu soraarsitsinissamut alloriarnerit annertuut pinngitsoortinniarlugit naammattumik iliuuseqartoqarsimanersooq ilisimatitsissutigeqqullugu.

K Kommuni A-mik suliunnaarallartitsinera allakkatigut 4. juni 2004-meersutigut nalunaarutigineqartoq eqqarsaatigalugu K Kommuni qinnuigaara suliunnaarallartitsineq tamanna A-mut qanga nalunaarutigineqarnerisooq ilisimatitsissutigeqqullugu. Allakkisartumit aatsisoqarnissaanik allasimasooqarnera matumani innersuussutigaa, A-lli allakkatigut oqaaseqaataani allassimavoq nalunaarut 8. juni 2004-mi ualikkut aatsaat tiguneqartoq.

Aamma K Kommuni qinnuigaara A-mik suliunnaarallartitsinermut atavillugu akissarsianik ikililerisoqarsimanersooq, imaluunniit suliunnaarallartitsinermut atavillugu A-mut allatut kinguneqartitsisoqarsimanersooq ilisimatitsissutigeqqullugu.

K Kommuni akissutissaa illua'tungiusumut naammagittaalliuteqartumut tusar-
naassutitut saqqummiunneqarnissaa naatsorsuutigineqarpoq.

Allakkama assilinerat ilanngullugu Eqqartuussissuserisut X-imut ilanngullugit
nassiuppara."

Eqqartuussissuserisumut X-imut ulloq taanna imatut allappunga:

"Eqqartuussissuserisup X-ip allagaa 30. august 2005-imeersut 2. september
2005-imi tiguakka.

Suliap suliarineqarnerani piffissaq maannamut atorneqartoq aallaqqaasiullugu
ajuusaarutigaa.

Aamma ilisimatitsissutigissavara suliaq suliamik suliarinnittumut nutaamut tun-
niukkaku.

Eqqartuussissuserisup X allakkatigut 3. juni 2005-imeersutigut uannut naamma-
gittaalliuteqarpoq. Allakkat taakku 6. juni 2005-imi tiguakka.

Eqqartuussissuserisup X-ip allagaani 3. juni 2005-imeersuni allassimavoq Eqqar-
tuussissuserisup X marlunnik naammagittaalliutissaqartoq. Siullertut A-mik su-
liunnaarallartitseqattaarnermut atatillugu K Kommuni periaaserisimasaa Eqqar-
tuussissuserisup X-ip naammagittaalliutigaa. Aappaattut A-p soraarsitaaneranut
atatillugu K Kommuni periaaserisimasaa Eqqartuussissuserisup X-ip naammagit-
taalliutigaa.

Ilanngussani eqqartuussissuserisup X-ip uannut nassiusaani allassimavoq A-mik
suliunnaarallartitsineq marloriarluni pisimasooq. Suliunnaarallartitsineq siulleg K
Kommunimit allakkatigut 21. april 2004-meersutigut A-mut nalunaarutigineqarpoq.
Suliunnaarallartitsinerup aappaa K Kommunimit allakkatigut 4. juni 2004-meersuti-
gut A-mut nalunaarutigineqarpoq. Suliunnaarallartitsinerli pillugu kommunip alla-
gaasa assilineranni A-p atsiernerata nalaani assammik allassimasooqarpoq "8.06.-04-
mi ualikkut tiguneqarpoq".

Inatsisartut Ombudsmandiat pillugu Inatsisartut inatsisaanni nr. 7-imi, 13. juni
1994-imeersumi § 6-imi, imm. 2-mi aalajangersarneqarpoq naammagittaalliutigi-
sassaq pisimanerani ukioq ataaseq qaangiutsinnagu saqqummiunneqassasoq.

Saqqummiussinissamut piffissarititaasoq naassaaq aalajangiineq pillugu nalunaa-
rutip suliami illua'tungiusumit ullormi tiguneqarnerani ukiup ataatsip qaangiunne-
rani.

Suliunnaarallartitsineq 21. april 2004-meersooq naammagittaalliutit tignerani
ukioq ataaseq sinnerlugu qaangiutereersoq pisimammat Inatsisartut Ombudsman-
diat pillugu Inatsisartut inatsisaanni § 6, imm. 2 tunngavigalugu taanna suliarisin-
naanngilara. Suliunnaarallartitsineq 4. juni 2004-meersooq eqqarsaatigalugu K Kom-
munimut paasissutissanik amerlanerusunik piniareeruma naammagittaalliutit sulia-
rilissanerlugu aamma taamaaliornissannut naammattumik tunngavissaqarnerluna
naliliiffigissavara.

Taamaattorli eqqartuussissuserisup X-ip naammagittaalliutaata A-mik soraarsit-
sinermini K Kommuni periaaserisimasaanut tunngasortaa suliarilerniarlugu aalaja-
ngerpunga.

Tamatumunnga peqatigitillugu K Kommuni qinnuigaara naammagittaalliutit pil-
lugu oqaaseqaammik saqqummiusseqqullugu. Allakkanut ukununga peqatigitillu-
git K Kommunimit allakkama assilinerat ilanngullugu nassiuppara.

A aamma K Kommuni allakkat uku assilinerannik nassinneqarnermikkut qulaani
taaneqartunik ilisimatinneqarput."

K Kommuniq suliaq pillugu akissuteqarnissaa allakkatigut 24. november 2005-imeersutigut nukingisaarutigaa.

K Kommuniq allagai 29. november 2005-imeersut 12. december 2005-imi tiguakka. Taakkunanga makku erserput:

"Atorfeqartitaasup sulisitsisullu akornanni akerleriissutaasinnaasut uppersarsineqarnissaannut qulaajaanissaq illua'tungiusup isumaanik tusarniaanermi siullertut pingaarnerutillugulu anguniarneqartarpoq.

Suliami pineqartumi A inaarutaasumik tusarniaaffigineqarnissaminut aggeqquneqarpoq, tassami allakkiami 4. juni 2004-meersumi pissutsit oqaatigineqartut tunngavigalugit akissarsiaqartitsilluni suliunnaarsitsisoqarsimammat. Tusarniaanissamut 10. juni nalunaaqutaq 9.00 pisussamut aggeqqusisoqarpoq.

A napparsimanini pissutigalugu aggersinnaanani nalunaarmat tusarniaanissaq 17. juni nalunaaqutaq 9.00-imut kinguartinneqarpoq.

Siusinnerusukkut tusarniaanermi imaqarniliat (4. maj 2004) kiisalu 2004-mi majip 24-ani aamma junip aallaqqaataani isumaqatigiissitsiniarlualarnermit imaqarniliat A-p pigivai.

A-p sulinermini pissusilersortarneranut atatillugu pissutsit misissorneqarlutillu qulaajarneqarput – ilaatigut taaneqartukkut illua'tungiusup isumaanik tusarniaanikkut aamma isumaqatigiissitsiniarnikkut kiisalu sullitanut atatillugu pisimasup A-mit uppersarsarneqartup misissuiffigeqqinneratigut. Pisimasoq oqaatigineqartuq tassavoq A-p sullitamik kinguaassiuutitigut atoqateqarnermi akiliuteqarusussimanera.

Inaarutaasumik 17. juni 2004-mi illua'tungiusup isumaanik tusarniaanermi isumaqatigiissitsiniarnermi imaqarniliaq kiisalu allakkiaq 4. juni 2004-meersoq nasinneqartuq aallaavigineqarput. Aammattaq A-p akissutaa 16. juni 2004-mik ullulneqartuq aallaavigineqarpoq. Illua'tungiusup isumaanik inaarutaasumik tusarniaanerup soraarsitsinermik nassataqarsinnaanera ataatsimiinneq aallartimmat erseqqissaatigineqarpoq.

Qanoq pisoqarsimaneranik nassuiaat qulaani taaneqartuq kiisalu sulisunik ataatsimoortunik tamarmiusunik isumaqatigiissitsiniarnermit erserpoq suleqatigiinnermik ajornartorsiutit A-p suleqatiminut isumaanik aamma sulisitsisumi qaninnerpaap suliakkiineranut ataqinninnginnermik pissuteqartut.

Suleqatigiinnermi ajornartorsiutit 2003-mi aallartittumik piffissami sivisuumi iluarsiiiffiginiarneqarsimagaluarpur, tassami suliffimmi pisortaasimasoq sulisunik ataatsimiitsitsinermigut A-p sulisullu allat akornanni suleqatigiinnerminni ajornartorsiutaannik arlaleriarluni iluarseeartarsimagaluarmat. Tamannalu ingerlateqqinneqarpoq 2004-mi pisortamik nutaamik atorfinitsitsisoqarnerata kingorna.

2. juni 2004-mi isumaqatigiissitsiniarnerup inaarnerani akissarsiaqarluni soraarsinneqarnerani A nalunaarfigineqarpoq. Taamatuttaaq inaarutaasumik illua'tungiusup isumaanik tusarniaasoqarnissaanut aggersaasoqarumaarneraniq nalunaarfigineqarluni. Allakkat 4. juni aatsisartumit A-mut tunniunneqarput, aallaqqaammulli allakkat tigusimanerannik uppersarsaajumanani. A-p uppersarsaalluni atsiugaa aat-saat 8. juni tiguineqarpoq.

Naggataatigut nalunaarutigineqassaaq A-p akissarsiaqarluni soraarsinneqarneranut atatillugu akissarsianit ilanngaasoqarsimanngitsoq, akissarsiaqarlunilu soraarsitsinermut atatillugu allatigut pineqaatissiisoqanngitsoq. Taamaattumik A suliffimminut kiisalu oqarasuaatinut qarasaasiakkut allakkanut il.il. mattunneqanngilaq, taamaalluni A peqatigiiffimminut allanulluunniit imminut attuumassuteqarsinnaasunik attaviginnissinnaavoq." (Atorfeqarfimmi nutsigaavoq)

K Kommuniq 19. december 2005-imi imatut allappunga:

"K Kommuniip allagai 29. november 2005-imeersut Ombudsmandip 12. december 2005-imi tiguai.

K Kommuniip allagai imatut paasivakka sulisut 2004-mi 24. majimi aamma 1. juni ataatsimiinnerini imaqarniliat kommuniip suliami illua'tungiusup isumaanik tusarniaanermut akissutitut allakkamini innersuussutigisai ilanngullugit nassiunneqarsimannigitsut, tamannali suliami illua'tungiusup isumaanik tusarniaanermut pingaarteqanngitsaq, tassami imaqarniliat taakku A-p pigimmagit.

K Kommuniip allagai imatut aamma paasivakka suliami illua'tungiusup isumaanik tusarniaanermut suliami illua'tungiusup isumaanik tusarniaalluni allakkani takuneqarsinnaannginnera suliami illua'tungiusup isumaanik tusarniaanermut pingaarteqanngitsaq, tassami 17. juni 2004-mi ataatsimiinnermi A-p suliami illua'tungiusut isumaanik inaarutaasumik tusarniaaviumi aallaqqaasiinnermi oqaatigineqarsimammatt suliami illua'tungiusup isumaanik tusarniaaneq soraarsitsinermik nassataqarsinnaasoq.

K Kommuniip allagai imatut aamma paasivakka suliami illua'tungiusup isumaanik tusarniaalluni allakkani pisut ingerlasimanerannik allaaserinninnerup, kiisalu isumaqatigiissitsiniarnerit ingerlanneqarsimasut takutikkaat suleqatigiinnermi ajornartorsiutit A-mik pissuteqartut.

Kiisalu K Kommuniip allagai imatut paasivakka ajornartorsiutit kommuniip sulisut ataatsimiinnerini aaqqinniarsimagai.

K Kommuniip allagai ataatsimut imatut paasivakka K Kommuniip paasinninnera unaasoq kommuniip A suliami illua'tungiusutut isumaanik sukumiisumik tusarniaavigisimagaa, taamatuttaarlu K Kommuniip paasinninnera unaasoq A-p soraarsinneqannginnerani suliaq naammattumik paasissutissartalorsorneqarsimasoq, suleqatigiinnermilu ajornartorsiutit aaqqinniartugit naammattunik iliuuseqarniarloqarsimasoq.

Kommunimit allamik tusagaqanngikkuma K Kommuniip allagaanik paasinninneq qulaani taaneqartoq tunngaviutinniarpara.

Kommuniip akissutaa naammagittaalliortumut suliami illua'tungiusumut tusarniaatitut saqqummiunneqarsinnaavoq."

Eqqartuussissuserisumut X-imut ulloq taanna imatut allappunga:

"K Kommuniip akissutaa, assilinera ilanngullugu nassiunneqartoq, Ombudsmandip tiguai.

K Kommuniip allagai Ombudsmandip imatut paasivai K Kommuniip paasinninnera unaasoq A-p soraarsinneqannginnerani kommuni A-mut suliami illua'tungiusumut taassuma isumaanik sukumiisumik tusarniaasimasoq, kiisalu suliaq kommuniip naammattumik misissorsimagaa. K Kommuni qinnuigaara kommuniip allagai eqqortumik paasismanerikka paasissutissiissutigeqqullugu, tak. K Kommunimut allakkama allakkanut ukununga peqatigitillugit nassiunneqartut assilinerat ilanngullugu nassiunneqartoq.

Eqqartuussissuserisooq X qinnuigineqarpoq K Kommuniip akissutaa pillugu oqaaseqaatissaqaruni oqaaseqaatini uannut nalunaarutigeqqullugit.

Eqqartuussissuserisup X-ip akissutaa Ombudsmandip suliamik inaarsaalluni suliarinninnginnerani K Kommunimut oqaaseqaateqarfigisassanngorlugu saqqummiunneqarsinnaavoq.

Eqqartuussissuserisup X-ip akissutaa tigugukku A-p suliunnaarsinneqarnera 4. juni 2004-meersoq pillugu naammagittaalliut suliamik suliarinninnissamut naammattumik pissutissaqalersitsinersoq Ombudsmandip aammattaaq isummerfiginiarpaa."

Eqqartuussissuserisup X-ip allagai 17. januar 2006-imeersut 23. januar 2006-imi tiguakka. Taakkunanga makku erseput:

"K Kommunip allagai 29. november 2005-imeersut Inatsisartut Ombudsmandi-annut saqqummiussimallugit uppernarsaaninni, matumuuna allakkani oqaatigineqartut oqaaseqaateqarnissannut pissutissaqalersitsimmata nassuiaateqarfigissavakka:

Ataani atsiortumit K Kommunimut 13. december 2004-mi naammagittaalliummut allakkani ilanngunneqartuni oqaaserineqartut naammagittaalliorup ataatsimut isigalugit najoqqutarisinnaammagit, allamik aamma uparuaanissamut pissutissaqalerpoq, tassalu soraarsitsinermut allakkani tunngavilersuutitut atorineqartut, paasineqarsinnaanerit naapertorlugu, K Kommunip ima oqarsimanera tassalu soraarsitsinermit pingaarnertut tunngavisoq tassaasoq "suleqatigiinniarnikkut ajornartorsiu-teqarneq" sunnguamilluunniit tamanna naapertuutinnngilluinnarmat.

Kommunip tusarniaanermit periaaserineqartartup amigartorujussuarmik malinneqarsimaneranut aaqqiissuteqarniarluni K Kommunip A-mut oqaasiinnartigut neriorsuisimanera ilumuunnginnerarneqarpoq.

K Kommunip 29. november 2005-imi allagaani qupperneq 1-imi immikkoortoq 5-imi titarnertaami kingullermi allassimavoq, "Pisimasumi pineqarpoq A-p sullitaminut akiliuteqarluni atoqateqarumasimanera", tamannalu naammagittaalliorumit ikioriarfeqanngitsutut eqqunngitsutullu isigineqarpoq, pingaartumillu suliami pissusiviusunik piaarluni sangutitsiniarnertut isigineqarluni, naammagittaalliorumit isiginerlutsitsiniarnertut siunertalimmik allaat, ilungersunartumik unnerluussinikkut, soraarsitsiniarnermik suliamut tunngavilersuinermit ilaatinneqanngitsumik." (Atorfeqarfimmi nutsigaavoq)

Tamatuma kingornatigut imaattunik oqaaseqaateqarpunga:

"Eqqartuussissuserisup X-ip suliuunnaarsitsineq 4. juni 2004-meersaq pillugu naammagittaalliuutaa ilaatigullu Eqqartuussissuserisup X-ip soraarsitsineq pillugu naammagittaalliuutaa tulliuuttuni suliarakka.

1. Suliuunnaarsitsineq allakkatigut 4. juni 2004-meersutigut nalunaarutigineqartoq.

Eqqartuussissuserisup X uannut allakkani 3. juni 2005-imeersuni ilaatigut K Kommunip A-mik suliuunnaarsitsinera K Kommunip A-mut allagaasigut 4. juni 2004-meersutigut nalunaarutigineqartoq naammagittaalliuutigaa.

Eqqartuussissuserisup X-ip naammagittaalliuutaa 6. juni 2005-imi tiguara.

Tamatuma kingornatigut apeqqaalerpoq K Kommunip 4. juni 2004-mi suliuunnaarsitsisimaneranik misissusineq aallartissinnaaneriga, taamaappallu misissuinerup aallartinnissaanut naammattumik pissutissaqarlunga isumaqarnersunga.

A K Kommunip allagaani 4. juni 2004-meersuni allassimavoq allakkat taakku 8. juni 2004-mi ualikkut tiguineqarsimasut.

K Kommunip uannut allakkamini 29. november 2005-imeersuni tamanna pillugu oqaatigaa:

"2. juni 2004-mi isumaqatigiissitsiniarnerup inaarnerani akissarsiaqarluni suliunnaarsinneqarneranik A nalunaarfingeqarpoq. Taamatuttaaq illua'tungiusup isumaanik inaarutaasumik tusarniaasoqarnissaanut aggeqqusisoqarumaarneranik nalunaarfingeqarluni. Allakkat aatsisartumit A-mut 4. junimi tunniunneqarput, aallaqqaammullit allakkat tigusimanerannik uppernarsaajumanani. A-p uppernarsaal-luni atsiugaa aatsaat 8. juni tiguneqarpoq." (Atorfeqarfimmi nutsigaavoq)

Eqqartuussissuserisup X-ip K Kommunimut allagaani 13. december 2004-meersuni oqaatigineqartut Eqqartuussissuserisup X-ip tunngaviginiarsimavaa. Eqqartuussissuserisup X-ip allakkani taakkunani A-p suliunnaarsinneqarnerata K Kommunimit A-mut allakkatigut 4. juni 2004-meersutitigut nalunaarutigineqarnera immikkoortillugu isummerfigisimangilaa.

Nalinginnaasumik naatsorsuutigineqartarpoq naammagittaalliornissamut piffissaliussat ullormit aalajangiineq pillugu nalunaarutip suliami illua'tungiusumit tiguneqarfianit aallartittumik naatsorsorneqartartut. Ombudsmandimut naammagittaalliuutit eqqarsaatigalugit naammagittaalliuut pisup pineranit kingusinnerpaamik ullormi ukiup ataatsip naaffiani Ombudsmandip allaffiani tiguneqareersimasussaavoq.

Aalajangiineq pineqartumut apuukkaangat tassunga nalunaarutigineqartutut nalinginnaasumik naatsorsuutigineqartarpoq. Aalajangiineq pineqartumit ilisimaneqalersimassasoq piunasaqaatigineqarsinnaanngilaa.

Suliap paasissutissartalersorneqarnera malillugu tunngaviutittariaqarpara A-p suliunnaarsinneqarnissaanik aalajangiinini K Kommunip aatsisartukkoortillugu 4. juni 2004-mi nassiussimagaa. Aalajangiineq aatsisartukkoortillugu nassiunneqarsimammat aammattaaq tunngaviutittariaqarpara aalajangiineq A-mut 4. juni 2004-mi apuussimasoq. Qulaani oqaatigineqartutut tamatumunnga atatillugu suliami illua'tungiusup aalajangiinermik qangarpiaq ilisimasaqalersimanera aalajangiisuunngilaa.

Inatsisartut Ombudsmandiat pillugu Inatsisartut inatsisaanni § 6, imm. 2-kkut aalajangersarneqarpoq naammagittaalliuutigisaaq pisimaneranit ukioq ataaseq qaangiutsinnagu saqqummiunneqarsimassasoq.

K Kommunip A-mik suliunnaarsitsineranik Eqqartuussissuserisup X-ip naammagittaalliuutaa 6. juni 2005-imi tigugakku, aalajangiinerullu A-mut 4. juni 2004-mi nalunaarutigineqarsimanissaa naatsorsuutigisariaqarmat naammagittaalliuutip tassunga tunngasortaa uanga eqqarsaatigalunga pisoqalisoorsimavoq, taamaattumillu naammagittaalliuutip tassunga tunngasortaa uanga suliarisinnaanngilaa.

2. A-p soraarsinneqarnera.

A soraarsitsinnginnermi suliami illua'tungiusutut isumaanik naamat-tumik tusarniaavigineqarsimanersoq, ilaatigullu A-p soraarsinneqarnera-nut tunngavilersuutaasoq tulluuttuni misissorpakka.

2.a Suliame illua'tungiusup isumaanik tusarniaaneq.

Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 19 suliame illua'tungiusup isumaanik tusarniaasarneq pillugu malittarisassamik imaattumik imaarpoq:

”§ 19. Suliassami (illua'tungiulluni) peqataasoq paasissutissanik aalajangersimasunik suliassami pisimasuinnut tunngasunik oqartussaasut pigisaqarnerannik ilisimasaqarsorinangippat aalajangiisoqassanngilaq peqataasoq taanna paasissutissanik tamakkuninnga oqartussaasunit ilisimatinneqartinnagu oqaaseqaateqarnissaanullu periarfissinneqartinnagu. Aalajangigarli taanna aatsaat atortuussaaq paasissutissat peqataasumut tassunga iluaqutaasussaassanngippata suliallu aalajangiiffiginissaanut annertuumik pingaaruteqarpata. Oqartussaasut oqaaseqaateqarnissamut taaneqartumut piffissamik killiliisinnaapput.

Imm. 2. Imm. 1-imi aalajangersagaq atortuussanngilaq

1) paasissutissat pissuserisaat suliassallu suussusia naapertorlugit tigumiariikat tunngavigalugit suliame aalajangiinissaq nangaanartutut isumaqarfiginangippat,

2) kinguartitsineq kinguneqassappat suliassap aalajangiiffiginissaanut inatsisitigut killiliussap qaangerneqarneranik,

3) peqataasup taassuma suliassap aalajangiiffigineqarnissaata kinguartinneqarnissaanik soqutiginninnera pisortat inuinnaalluunniit soqutigisaat taamatut kinguartitsinikkut ajoquserneqartussat pissutiginerullugit minnerutittariaqartutut isumaqarfiginarpat.

4) kapitali 4-mi maleruagassiat malillugit peqataasoq taanna paasissutissanik suliassamut tunngasunik tamakkuninnga ilisimatinneqarnissamut pisussaangippat,

5) paasissutissanik peqataasumut saqqummiussineq annertuumik ajornartorsiu-tissartaqassaaq, matumani aalajangernermi inuppasuit peqataasutut inissisimasut ilaatinneqartussaanerat pissutigalugu, imaluunniit

6) inatsisitigut immikkut ittunik aalajangersagaqarpat peqataasup aalajangiineq pitinnagu aalajangiinissamut eqqarsaatigineqartumut tunngaviusunik ilisimatinneqarnissaanut pisussaalersitsisunik.

Imm. 3. Naalakkersuisut maleruagassaliorsinnaapput suliassaarfii erseqqinnerusumik taaneqartut, imm. 2, nr. 2-mi imaluunniit 5-imi aalajangersakkat nalinginnaasumik atortuuffigisassaat, imm. 1 -imi aalajangersakkami pineqartunut ilaatinneqartussaanninnerannik.”

Aammattaaq soraarsitsinerit pillugit suliani aalajangersimasumik periaaseq inatsisikkut aalajangersagaanngitsoq malillugu suliame illua'tungiusup isumaanik tusarniaanissamut annertusisamik pisussaaffeqarnermik tunngavik atuuppoq. Suliame illua'tungiusup isumaanik tusarniaanissamut annertusisamik pisussaaffeqarnerup taassuma nassataraa oqartussaasup - suliassat suliarineqartarnerat pillugu inatsimmi § 19-imeq eqqortitsinermi saniatigut - inatsiseqartitsinikkut tunngaviit uppersaatillu oqartussaasup paasinninnera malillugu soraarsitsisoqarnissaanut ikorfartuutaasut sulisumut nalunaarutigissagai. Aammattaaq sulisoq oqartussaasup imminek soraarsitsiniarnermut tunngavilersuutai pillugit oqaaseqaateqarnissaminut periarfissinneqassaaq. Nassuiaat taanna pisut qanoq issu-

siat apeqqutaatillugu allakkatigoortuusariaqarpoq. Hans Gammeltoft-Hansen allallu atuakkiaanni "Forvaltningsret"-imi, aappasaanik naqier-titami qupperneq 531 tulluulu innersuussutigaaakka.

§ 19, imm. 1-imi malittarisassaq pingaarneq tassaavoq ingerlatsinermi oqartussaasut suliami illua'tungiusut isumaannik tusarniaanissaminut pi-sussaaffeqartut, suliami illua'tungiusoq suliami pissusiviusut pillugit paa-sissutissanik oqartussaasup pigisaqarneranik ilisimasaqarnissaa naatsor-suutigineqarsinnaanngippat, paasissutissat taakku suliami illua'tungiusu-mut akornusiisuuppata, suliallu aalajangiivigineqarnissaanut annertuumik pingaaruteqarpata. Tassani suliami illua'tungiusup isumaanik tusarniaa-nissamut inatsisikkut aalajangersagaanngitsumik annertusisamik pi-sussaaffeqarnerup saniatigut aamma ilaavoq suliami illua'tungiusoq upper-narsaatigut naliliinerit oqartussaasullu paasissutissanik pigineqartunik i-natsiseqartitsinikkut naliliinera pillugit oqaaseqaateqarnissaminut periar-fissaqassasoq.

Paasissutissat suliamut ilaanerannik suliami illua'tungiusup ilisimasa-qannginnissaanik naatsorsuutiginninnermik § 19 malillugu siullertut piu-masaqaat aamma eqqortinreqarsimassaaq, paasissutissat suliami illua'-tungiusup ilisimagaluarpagilluunniit, ataqatigiinneqarnermili pineqartumi atorneqarniarnerat ilisimanngippagu.

Paasissutissat suliami illua'tungiusumut saqqummiunneqartussat saq-qummiunneqassapput paasissutissat imarisaat, suussusii sumillu pissarsia-rineqarsimaneri takuneqarsinnaalersillugit. Allaaserinninneq taanna pi-sutsinik pingaaruteqartunik ilanngussinngitsoorfiussanngilaq, eqqoqqis-saartuussalluni, marloqiusamik paasineqarsinnaasuussanani imaluunniit eqqunngitsuussanani.

Suliami illua'tungiusup isumaanik § 19, imm. 1 tunngavigalugu tusar-niaanerup siunertaa tassaavoq suliami tunngavippiaasut oqartussaasup aa-lajangiinnerminut ikorfartuutigisai pillugit suliami illua'tungiusup oqaase-qaateqarnissaanut, naqqiissuteqarnissaanut ilassuteqarnissaanullu pe-riarfissiinissaq, kiisalu inatsiseqartitsinikkut naliliinerit aamma oqar-tussaasup upernarsaatinik naliliinera pillugit oqaaseqaateqarnissamut pe-riarfissiinissaq.

Suliap qanoq aalajangiiffigineqartariaqarneranik oqaaseqaateqarnis-saminut tamatumunngalu tunngavilersuinissaminut suliami illua'tungiusup paasinninnerminik saqqummiussisimanagera suliami illua'tungiusup isum-maminik tusarniaavigineqarsinnaatitaanerata naammassineqarnissaanut naammattuaannartanngilaq.

§ 19 tusarniaanermi periaatsip immi qanoq iluseqarnissaa pillugu pi-masaqaatinik imaqaanngilaq. Taamaalluni suliami illua'tungiusup isu-maanik tusarniaaneq allakkatigut oqaasiinnartigulluunniit ingerlanneqar-sinnaavoq. Taamatuttaaq tusarniaaneq ataatsimiinnermi ingerlanneqar-sinnaavoq. Ilusiliinermi suliami illua'tungiusup isumaanik tusarniaasarne-rup siunertaa ataqineqaannassaaq, tassa imaappoq suliami illua'tungiu-

soq suliap tunngavigisarpiai pillugit oqaaseqaateqarnissaminut, naqqiisuteqarnissaminut ilassuteqarnissaminullu periarfissaqartinneqassaaq, kiisalu suliani soraarsitsinermut tunngasuni suliami illua'tungiusup isumaanik tusarniaanissamut annertusisamik pisussaaffeqarnej eqqarsaatigalugu inatsiseqartiitsinikkut naliliinerit aamma oqartussaasup uppernar-saatinik naliliinera pillugit oqaaseqaateqarnissaminut periarfissinneqas-salluni. Taamaalilluni ingerlatsiviup qanoq aalajangiilersaarnera inger-latsiviup nalunaarutigissavaa.

Suliami illua'tungiusup isumaanik tusarniaaneq oqartussaasup suliami aalajangiinissaminut piariinnnginnerani pigajuttartussaavoq. Pisut amerlanersaanni suliami illua'tungiusup isumaanik tusarniaanerup siunertaa anguneqarsinnaasussaavoq, saqqummiussineq allakkatigut pippat, suliamilu illua'tungiusoq akinissaminut piffissalernerqarpat. Piffissaliunneqar-tup sivisussusia paasissutissat qanoq paasiuminaatsiginerat annertutigine-rallu tunngavigalugit aalajangersarneqassaaq, aalajangiinerup qanoq eq-quisuutiginera suliamilu illua'tungiusup suliami sinniisoqarnissamik pisa-riaqartitsinera apeqqutaatillugit. Piffissaliinerup tusarniaavigineqartoq suliaq soraarsitsissamaarnerlu pillugit isummernissaanut pinngitsoorani periarfississavaa.

Taamaattumik uanga paasinneqqaarnera unaavoq suliap soraarsitsinermut tunngasut amerlanersaanni suliami illua'tungiusup isumaanik allakka-tigut tusarniaaneq pisariaqartussaasooq, tassami suliami illua'tungiusoq kommuniq aalajangiinermi tunngavigisaanik isummerfiginninnissaminut kiisalu tamatuma avataaneersumut oqaloqatiginnissutiginnissaminut piffis-saqarnissaminik pisariaqartitsisinnaammat.

Paasinninnera aamma unaavoq suliassat suliarineqartarnerat pillugu inatsimmi § 21 kommuniq suliami illua'tungiusumut ilisimatitsissutigisari-aqaraa, tassanimi aalajangersarneqarmat suliap aalajangiivigineqarnis-saa kinguartinneqassasooq suliami illua'tungiusup suliamik suliarinninne-rup nalaani qanoq ilisukkulluunniit piunasaqaatigisinnaagaa, suliami il-lua'tungiusup suliaq pillugu oqaaseqaateqareernissaata tungaanut, § 21, imm. 2-mi pineqartunut ilaatinneqanngitsutut taaneqartut ilaat ataaser-luunniit atorineqanngippat.

Aamma oqaatigaara qinnuteqartumut ingerlaavartumik attaveqartar-neq suliassat suliarineqartarnerat pillugu inatsisip tunngavia malillugu su-liami illua'tungiusup isumaanik tusarniaanertut isigineqarsinnaanngim-mat.

2b. Suliami matumani suliami illua'tungiusup isumaanik tusarniaaneq.

A suliffimmi atorfimminit K Kommuniq allagaasigut 4. juni 2004-meer-sutigut suliunnaarsinneqarpoq. A tamatumunnga peqatigitillugu "suliami illua'tungiusup isumaanik inaarutaasumik tusarniaanermut" aggeqqune-qarpoq.

Allakkanit taakkunanga erserpoq suliunnaarsitsinermut kiisalu suliami illua'tungiusup isumaanik inaarutaasumik tusarniaanermut makku tunngavilersuutaasimasut (K Kommuni allagai 4. juni 2004-meersut qulaani issuarneqartut takukkit):

- Suliffimmi ajornartorsiutit aaqinniarneqarneranni peqataanissamik kissaateqannginneq,
- Tunaartarisassanik qullersarisanit aalajangersarneqartunik malinninissamik kissaateqannginneq,
- Suliffiup suliati suliarineqarnerannut atatillugu piumasaqaateqarsinnaatitaanerani akuersissutiginnikkumannnginneq,
- Nipangiussisussaataitanermik unioqqutitsineq,
- A-p pissusilersornerata suliffiup uppernassuseqarneranik annikillisaasuunera.
- Suleqatigiinnermi ajornartorsiutit.
- Siusinnerusukkut suleqatigisimasanik pitsaanngitsumik saqqummiussisarneq.

Suliami illua'tungiusup isumaanik tusarniaanerup sumik siunertaqarnera allakkani taakkunani takuneqarsinnaanngilaq. K Kommuni 17. juni 2004-mi ataatsimiinneq suliami illua'tungiusup isumaanik inaarutaasumik tusarniaaviosuq pillugu allakkiaanit erserpoq:

"Kommunaldirektøri nassuiaalluni oqarpoq ataatsimiinneq soraarsitsinermik naggaserneqarsinnaasoq, ataatsimiinnerup qanoq inernilerneqarnera apeqqutaatillugu."

K Kommuni allakkatigut 9. september 2005-imeersutigut qinnuigaara manna pillugu nassuiaateqaqqullugu, tassalu K Kommuni isumaqarnerasoq A suliami illa'tungiusutut isumaanik sukumiisumik tusarniaavigineqarsimasoq. Nangillunga oqaatigaara suliami illua'tungiusup isumaanik tusarniaaneq pillugu allakkani pissutsinik pisut suut pineqarnerannik suliami illua'tungiusumut suussusersineqarsinnaasunik erseqqissumik taasaqartoqarsimanngitsoq.

K Kommuni 29. november 2005-imi allagai 12. december 2005-imi ti-guakka. Allakkat taakku qulaani issuarneqarput. Taakkunani K Kommuni oqaatigaa:

"Atorfeqartitaasup sulisitsisullu akornanni akerleriisutaasinnaasut uppernarsineqarnissaannik qulaajaanissaq illua'tungiusup isumaanik tusarniaanermi siullertut pingaarnertullu anguniarneqartarpoq.

Suliami pineqartumi A inaarutaasumik tusarniaavigineqarnissaminut aggeqquneqarpoq, tassami allakkiami 4. juni 2004-meersumi pissutsit oqaatigineqartut tungavigalugit akissarsiaqartitsilluni suliunnaarsitsisoqarsimammat.

Illua'tungiusup isumaanik inaarutaasumik tusarniaanerup soraarsitsinermik nassataqarsinnaanera ataatsimiinneq [suliami illua'tungiusup isumaanik inaarutaasumik tusarniaaneq] aallartimmat erseqqissaatigineqarpoq."

Aallaqqaasiutitut oqaatigaara suliami illua'tungiusup isumaanik tusarniaanermi atorfeqartitaasup sulisitsisullu akornanni isumaqatigiinngissutaasinnaasut qulaajarneqarnissaasa siunertarineqarnerannik K Kommunip oqarnera isumaqatiginngikkiga.

Nalinginnaasumik naatsorsuutigineqarpoq suliami illua'tungiusup isumaanik tusarniaanerup manna siunertarigaa, tassalu suliami illua'tungiusoq uppersaatitigut naliliinerit oqartussaasullu paasissutissanik pigineqartunik inatsiseqartitsinikkut naliliinera pillugit oqaaseqaateqarnissaminut periarfissinneqassasoq. Suliami illua'tungiusup ilaatigut suut pillugit oqaaseqaateqarnissaminik ilaatigullu sumut ataneqartillugu oqaaseqaateqarnissaminik ilisimasaqarnera tamatumani pingaaruteqartumik tunngaviuvoq. Taamaattumik mianersoqqussut imaluunniit soraarsitsineq pineqarnerasoq ilisimassallugu suliami illua'tungiusup oqaaseqaateqarnissaanut pingaartuuvoq.

Taamaattumillu suliami pineqartumi suliami illua'tungiusup isumaanik tusarniaanerup siunertaanik K Kommunip paasinninnera isumaqatigisinnaanngilara.

Uanga paasinninnera unaavoq suliami illua'tungiusup pissuseq (ataaseq arlallillunniit) pineqartoq pillugu oqaaseqaateqaqquneqarnera suliami illua'tungiusup isumaanik tusarniaaneq pillugu piumasaqaatinik naammassinninniarnermi naammangitsoq, oqaaseqaatip sumut atorneqarnissaa aatsaat kingusinnerusukkut pineqartumut oqaatigineqarpat.

Suliami matumani A immikkoortut ataasiakkaat pillugit oqaaseqaatimi piareersarnissaanut ullut 14-it sinnerlugit periarfissaqarsimavoq, suliamili illua'tungiusup isumaanik tusarniaanerup qanoq inernilerneqarsinnaaneranik ulloq tusarniaavigineqarnissani ullormik ataatsimik sioqqullugu aatsaat ilisimatinneqarsimalluni.

Tamanna isorisarialerujussuartut isigaara.

Aammattaaq uanga paasinninnera unaavoq suliami illua'tungiusup isumaanik tusarniaanerup inatsisinik eqqortitsisuunera tamatuma nalorninartorujussuannortissinnaagaa.

Tassani aamma ilaavoq suliami illua'tungiusup isumaanik tusarniaanerup imarisamigut uanga paasinninnera malillugu matumingga erseqqissumik oqaatiginninginnera, tassalu immikkoortut pisimasulluunniit sorpiaat innersuusutigineqarnersut. Tamanna suliami illua'tungiusup isumaanik tusarniaanerup inatsisinik eqqortitsisuuneranik aamma nalorninarsisitsivoq.

Kiisalu suliami pissusiviusut K Kommunip qanoq naliliiffigisimanerai suliami illua'tungiusup isumaanik tusarniaanermi allakkanit ersinngilaq. Taamaalilluni K Kommunip paasinninnera malillugu pisut taagorneqartut

tamarmik suleqatigiinnermi ajornartorsiutitut isigineqarnersut, atorfiup ataqqineqartariaqarneranut naapertuuttumik pissuserissaarnissap unioq-qutinneqarnera, pikkorlussuseq allalluunniit pineqarnersut takuneqarsinnaanngilaq. Oqartussaasup suliame pissusiviusunik qanoq naliliinera ilisimassallugu suliame illua'tungiusup tusarniaavigineqartup pissutsinik ataa-siakkaanik naliliiviginnissinnaaneranut annertuumik pingaaruteqarpoq. Tamanna K Kommunip suliame illua'tungiusup isumaanik tusarniaasimanagerata inatsisinik eqqortitsisuuneranik nalorninartunngortitseqataavoq.

3. A-p soraarsinneqarnera.

K Kommunip allagai 28. juni 2004-meersut (qulaani issuarneqartut) A-p suliffimmi atorfimminit soraarsinneqarneranik imaqartut imatut paasivakka A-p soraarsinneqarnera ilaatigut nipangiussisussaataanerup unioq-qutinneqarneranik, ilaatigut suleqatigiinnermi ajornartorsiutinik, kiisalu sullitamut atoqatigiinnermut tunngasunik oqaaseqarsimanermik tunngavilersorneqartoq.

3.a. Nipangiussisussaataaneramik unioqquitsineq.

K Kommunip allagaani 28. juni 2004-meersuni oqaatigineqarpoq A-p soraarsinneqarneranut pissutaasut ilaat tassaasoq:

"Nipangiussisussaataaneq erseqqissarneqarsimasoq illit pillutit siusinnerusukut oqaloqatigiinnermi ilinnut maleqquneqartoq suliffiup avataani ikinnerpaamik ataasarlutit unioqquitsimagakku".

Eqqartuussisuserisoq X allakkamini 13. december 2004-meersuni tamanna pillugu imaattunik oqaaseqaateqarpoq:

"Tamanna pillugu oqaaseqaatit: Atorfeqartitaasoq pissutsit imminut tunngasut pillugit nipangiussisussaataanngilaq, taamaaliornissaminullu sulisitsisuminit naalakkerneqarsinnaanani. Taamaalilluni imminut tunngasunik oqaaseqaateqarneq nipangiussisussaataaneramik unioqquitsinermut takussutissaanngilaq, taamaattumillu tamanna soraarsitsinermut tunngavilersuutigineqarsinnaanngilaq."

Tamanna pillugu makku oqaatigaakka:

Nipangiussisussaataaneq pillugu malittarisassat pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi, tulluuttuni suliassat suliarineqartarnerat pillugu inatsimmik taaneqartartussami, § 27-kkut aalajangersarneqarsimapput. Tassani makku aalajangersarneqarput:

"§ 27. Pisortat ingerlatsiviini suliffilik allanut tusarliussisussaataanngilaq, takpinerluttuliorneq pillugu inatsisini § 29, suna ilisimasaq inatsisitigut imaluunniit aalajangersakkakut atortuusukkut allakkut tasaaneragaappat allanut oqaatigeqqunngisaq, imaluunniit aamma pisariaqarpat isertuutissallugu pisortat inuinaal-

luunniit soqutigisaat pingaaruteqartut pissutigalugit, aamma pingaartumik makku pissutigalugit

- 1) naalagaaffiup isumannaatsuunissaa illersorneqarnissaaluunniit
- 2) naalagaaffiup nunani allani naalakkersuinikkut imaluunniit aningaasarsiornikkut soqutigisai, tamakkununnga ilanngullugit naalagaaffinnut allanut pissaanilinnut imaluunniit naalagaaffiit assigiinngitsut soqutigisaannut tunngasut,
- 3) inatsisinik unioqqutitsinernik pinaveersaartitsineq, paasiniaaneq eqqartuussunullu suliaassanngortitsiniarneq kiisalu pinerlunnermut tunngasumik eqqartuussutit naammassineqarnissaat aamma pinerluttunik imaluunniit ileqqussanik unioqqutitsisinik suliaassanngortitsiniarnerni pasilligaasut, ilisimannittut imaluunniit allat illersorneqarnissaat,
- 4) akileraartarnermut akitsuuteqartitsisarnermullu inatsisit naapertorlugit pisortatigut misissuineq, killilersuineq imaluunniit pilersaarusiortarneq imaluunniit iliuuserissamaakkatut eqqarsaatigineqartut,
- 5) pisortat aningaasanut tunngasutigut soqutigisaat, tamakkununnga ilanngulugulu pisortat niuernermit ingerlatsinerat,
- 6) inuit ataasiakkaat imaluunniit ingerlatsiviit namminersortut imaluunniit peqatigiiffiit imminnut tunngasut, tamakkununnga ilanngullugit aningaasarsiornermut tunngasut, pillugit paasissutissanik illersuiumallutik soqutigisaat, imaluunniit
- 7) inuit ataasiakkaat imaluunniit ingerlatsiviit imaluunniit peqatigiiffiit teknikikkut atortorisat imaluunniit periaatsit pillugit imaluunniit ingerlatsinermut imaluunniit niuernermut tunngasut pillugit paasissutissanik illersuiumallutik aningaasatigut soqutigisaat.

Imm. 2. Pisortat ingerlatsiviini allanut tusarliuteqqusaanngissinnaavoq taamaallaat sumut ilisimasamut tunngasoq, pisariaqarpat isertuutissallugu pisortat inuinaalluunniit soqutigisaat imm. 1 -imi taaneqartutut pingaaruteqartut pissutigalugit.

Imm. 3. Ingerlatsinermut oqartussaasut aalajangiisinnaapput kialuunniit pisortat ingerlatsiviini suliffeqanngitsup paasissutissat allanut oqaatigeqqusaanngitsut oqartussaasut pisussaaffiginagu inummut tassunga tusartissimasaat pillugit allanut tusarliisussaataannginnissaanik.

Imm. 4. § 1, imm. 2, naapertorlugulu allanut tusarliussisussaanninneq pillugu maleruagassaliortoqarpat, imaluunniit imm. 3 naapertorlugulu allanut tusarliusseqqusinninneq (kimulluunniit) pisussaaffigitinneqassappat, maleruagassanik imaluunniit peqqussutinik taamaattunik unioqqutitsinermi pinerluttuliorneq pillugu inatsimmi § 29 taamaalluni atortuusaaq."

§ 27 isiginiagassat suut pisut ataasiakkaarlugit naliliinerup kingornatigut paasissutissap isertuussassaananeramik taamalu nipangiussisussaataitanermi pineqartunut ilaaneramik nassataqarsinnaasut taagorneqarnerannik imaqarpoq. Taagorneqartulli tamakkiisuunngillat.

§ 27, imm. 2-mi aalajangersarneqarpoq pisortat ingerlatsiviini paasissutissamik taamaallaat nipangiussisussaataitassanngortitsisoqarsinnaasooq naalakkiinikkut, pisortat inuinaalluunniit soqutigisaat pingaaruteqartut eqqarsaatigalugit paasissutissap isertuunneqarnissaa pisariaqartuuppat.

Paasissutissat paasitinneqarnissamik qinnuteqarnermi paasissutissiisutigineqarsinnaasut eqqarsaatigalugit nipangiussisussaataitaasoqannginera nalinginnaasumik naatsorsuutigineqartarpoq.

Suliaasat sularineqartarnerat pillugu inatsimmi § 9, imm. 1-ikkut aalajangersarneqarpoq:

"§ 9. Suliami ingerlatsinermut oqartussaasunit aalajangiiffigineqartumi aalajangiiffigineqarumaartumiluunniit peqataasup allagaatinik suliasmamut tunngasunik ilisimatinneqarnissani piumasarisinnaavaa. Qinnuteqaammi allassimassaaq suliasap, allakkat tassunga tunngasortai qinnuteqartup paasiumallugit qinnutigisaasa, suunera."

K Kommunip allagaani 4. juni 2004-meersuni, suliami illua'tungiusup isumaanik tusarniaanermut aggeqquissutaasuni, qulaani quppernermi isuarneqarsimasuni, K Kommunip oqaatigaa:

"Nipangiussisussaatitaaneq erseqqissarneqarsimasoq illit pillutit siusinnerusukut oqaloqatigiinnerni ilinnut maleqquneqartoq suliffiup avataani ikinnerpaamik ataasiarlutit unioqutissimagakku".

A-p atorfinitsinneqarnerani allakkanit erserpoq A pissutsit atorfimminut atatillugu ilisimalikkani eqqarsaatigalugit nipangiussisussaatitaasooq, tamanna pissutsit qanoq ittuussusiat tunngavigalugu piumasaaqaataappat imaluunniit taamaalioqquneqaruni.

Tamatuma saniatigut K Kommunip allakkiaanit 4. maj 2004-meersumit, qulaani issuarneqartumit erserpoq "peqataasut tamarmik sakkortusisamik nipangiussisussaatitaanerat aallaqqaasiutitut erseqqissarneqarpoq". Tamatuma pissuseqataanik allakkiamit 19. maj 2004-meersumit, qulaani issuarneqartumit erserpoq "Ataatsimiinnermi peqataasut nipangiussisussaatitaanerat kommunaldirektørip aallarniilluni erseqqissarpaa".

Ataatsimiinnermili pisimasut eqqarsaatigalugit qanoq annertutigisumik nipangiussisussanngortitsisoqarsinnaanersoq apeqqutaavoq. Tamanna tulluuttuni ingerlaannaq uterfigissavara.

K Kommunip suliffimmi sulisut ataatsimiinnerat pillugu allakkiaanit 2. juni 2004-meersumi makku oqaatigineqarput:

"Pisortap aamma oqaluttuaraa innuttaasup saaffigisimagaani, A-p pissusilersornera pillugu, tassa ilaquttamik ilaannik ilisereerlutik angerlartillugu A-p nuannaarluni suaarsimagaa soraarsitaanngitsuinnaarluni. Direktørip tungaanit erseqqissarneqarpoq nipangiussisussaatitaaneq pisussaaffiusoq atorunnaarneq ajortoq." (Atorfeqarfimmi nutsigaavoq)

Tamannali nipangiussisussaatitaanermik erseqqissumik peqqusissutaanngilaq, nalinginnaasumilli nipangiussisussaatitaanermut innersuussinerulluni.

Pissutsit sorphiaat A-p nipangiussimasussaanerai erseqqinnerusumik innersuussutigineqanngilaq.

§ 27, imm. 2 tunngavigalugu erseqqissumik nipangiussisussaanermik peqqusissuteqarneq taamaallaat pisinnaasooq paasissutissat nipangiussisussaatitaanermi pineqartunut ilaasut eqqarsaatigalugit, aatsaallu taamaaliortoqarsinnaalluni pisortat inuinnaalluunniit aalajangersimasut so-

qutigisaasa isumagineqarnissaat eqqarsaatigalugu tamanna pisariaqartuuppat.

Uanga paasinninnera unaavoq K Kommunip mappiutaanit allagaatinik imalimmit manna ersinngitsoq, tassalu A-p atorfinitsinneqarnini tunngavigalugu nalinginnaasumik nipangiussisussaataani unioqutissimagaa.

Nipangiussisussaataaneq suliassat suliarineqartarnerat pillugu inatsimmi § 27, imm. 2 tunngavigalugu naalakkiutigineqarsinnaasooq eqqarsaatigalugu uanga paasinninnera unaavoq paasissutissat ataatsimiinnerni tulleriinneri malillugit 4. maj 2004-mi aamma 19. maj 2004-mi pisuni saqqummertut paasissutissat taakku eqqarsaatigalugit nipangiussisussaataaneq naalakkiutigineqarsinnaanngitsoq.

Taamaattumik isumaqarpunga A taassuma nipangiussisussaataanerminik unioqutitsisimanera innersuussutigalugu soraarsinneqarsinnaasimannngitsoq.

3.b. Suleqatigiinnermi ajornartorsiutit.

Suleqatigiinnermi ajornartorsiutit soraarsitsisoqarnissaanik aalajangernermut pisariaqartumik tunngaviusinnaanerat aalajangersimavoq. Taamaattorli inatsiseqartitsinikkut innarlitsaalineqarnissaq eqqarsaatigalugu manna piumasagaataavoq, tassalu suleqatigiinnermi ajornartorsiutit erseqqinnerusumik naliliiffiginagit soraarsitsinnermut tunngavittut atornerqarnissaat piumasagaatigineqarsinnaassanngitsoq.

Siullertut piumasagaataavoq suleqatigiinnermi ajornartorsiutit atorfinitsitsiviusumi pineqartumi suliassat suliarineqarnerannut pitsaanngitsorujussuarmik sunnuteqarsimassasut. Aammattaaq suleqatigiinnermi ajornartorsiutit aamma inuup soraarsinniarneqartup akornanni erseqqissumik ataneqassaaq, taamatuttaarlu ajornartorsiutit pilernerannut pingaarnertut pissutaasooq soraarsinniarneqartumit allaasumut tutsinneqarsinnaasusaanngillat. Ingerlatsineq pillugu inatsiseqartitsinnermi pissutsinut naapertuuttumik tunngaveqartussaanerup aamma nassataraa suleqatigiinnermi ajornartorsiutit soraarsitsinnermit sakkukinnerusumik iliuuseqarnikkut aaqqinniarlugit oqartussaasup soraarsitsisup tungaanit iliuuseqartoqarsimassasooq.

Tamatuma saniatigut suleqatigiinnermi ajornartorsiutinik uppernarsaasersuinikkut tunngaviit soraarsitsinnermut tunngavilersuutaasinnaasut immikkut qularnaatsuussuseqassapput.

Pisut qanoq ittuunerat apeqqutaatillugu pisimasorpiat qanga sumilu pisimanerannik paasissutissartalerneqarsinnaasut suleqatigiinnermilu ajornartorsiutit sorpiat pineqarnerannik takutitsisut taaneqarnissaat pisariaqarsinnaavoq.

Tamatuma saniatigut ingerlatsineq pillugu inatsiseqartitsinnermi pisortat paasissutissanik pisariaqartunik tunngavissarsiniarnissaannik tunngaveqarnerup ingerlatsinnermi oqartussaasut ataasiakkaat aalajangiisoqan-

nginnerani suliap naammattumik paasissutissartalersorneqarnissaanut akisussaaffeqarnerat nassataraa.

Qinnuteqaataannqitsumik soraarsitsisoqarnissaanik aalajangiinerit nertuutaasumik aalajangiinertut nalinginnaasumik isigineqartarput. Taamaattumillu misissuinerup qanoq annertussuseqarnissaanik paasissutissallu suliambut attuumassuteqartut eqqortuunissaannik piumasaqaatit sak-kortungaatsiartuupput. Tak. Hans Gammeltoft-Hansenip allallu atuak-kiaat, "Forvaltningsret", aappasaanik naqiterititaq, 2002, qupperneq 226.

Pissusiviusup pingaaruteqartup attassisinnaassuseqarnera nalornissuti-gineqarpat nalorninerup taassuma qulaajarniarneqarnissaa suliap suku-miisumik paasissutissartalersorneqarneranut ilaavoq, taamaaliornikkut uppersaasiunneqartut nalinginnaasumik naliliivigineqarnerisigut paa-sissutissap pineqartup soraarsitsinermut tunngaviutinneqarsinnaanera aa-lajangerneqarsinnaaqqullugu. Tak. Hans Gammeltoft-Hansenip allallu atuak-kiaat, "Forvaltningsret", aappasaanik naqiterititaq, 2002, qupperneq 226.

Tamatuma kingornatigut suleqatigiinnermi ajornartorsiutit tunngaviga-lugit soraarsitsinermut tunngavissaqarneranik apeqqut isiginiagassat assi-ginningsut arlallit naliliivigineqarnerannik tunngaveqarpoq. Isiginiagas-sat taakku oqimaalutarnissaannut Ombudsmandi oqartussaasunit pitsaa-nerusumik aallaavissaqanngilaq.

3.c. Suliampi matumani suleqatigiinnermi ajornartorsiutit.

K Kommuniip mappiutaa allagaatinik A-mut tunngasunik imalik misisso-reerlugu isumaqarpunga manna tunngaviutissinnaallugu, tassalu A-p sule-qatigineqarnera suliffimmi naammagineqarsimannqitsaq.

Suliamit erserpoq sulisut 19. april 2004-mi immikkut ittumik ataatsimiit-sinneqarsimasut, pingaartumillu A-p allagai ullulernerneqarsimannqitsut (qu-laani issuarneqartut) oqaluuserineqarsimasut, sulisut 24. maj 2004-mi im-mikkut ittumik ataatsimiitsinneqarsimasut (imaqarniliaq qulaani issuarne-qarpoq), tassanilu suliffimmi suleqatigiinneq oqaluuserineqarsimavoq, su-lisut 2. juni 2004-mi ataatsimiitsinneqarsimasut (imaqarniliaq qulaani is-suarneqarpoq), tassanilu suleqatigiinnermi ajornartorsiutit aaqqinneqar-nissaat oqaluuserineqarsimasoq. Ataatsimiinneq kingulliullugu taaneqar-toq pillugu imaqarniliampit erserpoq:

"Pisortaq aaqqiissutissatut siunnersuummik saqqummiussivoq, tamannali A-p nalornissutigaa, malikkumanerlugillu erseqqivissumik uppersarsinnaanagu. Mi-siliiumallunili.

...

Ataatsimiinneq unitsinneqarpoq, direktørimi isumaqarmat nikeriarsinnaannqit-sugut, tassami aalajangerneqartut A-p iluamik isummerfigisinnaannqimmagit." (Atorfeqarfimmi nutsigaavoq)

A tamatuma kingornatigut allakkatigut 4. juni 2004-meersutigut suliunnaarsinneqarpoq.

Tamakkua saniatigut ... suliffimmi atorfeqartitaasoq K Kommunimut allassimavoq, allakkat taakku qulaani issuarneqarput, taannalu suliffimmi suleqatigiinnermi ajornartorsiutit pillugit K Kommunimut 16. januar 2004-mi allassimavoq (qulaani takukkit), ...-p A pillugu K Kommunimut allagai 5. maj 2004-mi ullulerneqarsimasut (qulaani issuarneqartut) aamma A-p sullitaasa ilaat pillugu K Kommunip allakkiaa 6. maj 2004-meersoq, allakkiaq taanna qulaani issuarneqarpoq, isumaginninnermi siunnersortit pisortaata suliffik pillugu allakkiaa, qulaani issuarneqarsimasoq, ...-p K Kommunimi innuttaasunik sullissiviup pisortaanut allakkiaa A-p pissusilersorneranik allaaserinninnerusoq, qulaani issuarneqartoq.

A-p suliunnaarsinneqarneranut atatillugu A suliami illua'tungiusutut isummaninik 4. maj 2004-mi tusarniaavigineqarpoq. Allakkiaq 19. maj 2004-meersoq A-p suliami illua'tungiusutut isumaanik tusarniaaneq pillugu imaqarniliamik imaqartoq ilaavoq.

Allakkiami tassani oqaatigineqarpoq:

"Kommunaldirektøri oqarpoq suliami illua'tungiusup isumaanik tusarniaaqqinnissamut tunngavissaaruttoq, paatsuisoqarsimanera malunnarmat." (Atorfeqarfimmi nutsigaavoq)

Suliami illua'tungiusup isumaanik tusarniaaneq A-p suliami illua'tungiusutut isumaanik 19. maj 2004-mi tusarniaanermik nangitsinerusoq pillugu K Kommunip allakkiaanit 21. maj 2004-meersunit erserpoq:

"Kommunaldirektøri tamatuma kingornatigut inerniliilluni oqarpoq paasissutisat tiguneqarsimasut kiisalu suliami illua'tungiusup isumaanik siusinnerusukkut tusarniaasimaneq suliamut atatillugu killisiueqqinnissamut tunngavissaqalersitsingitsut, taamaattumillu suliami illua'tungiusup isumaanik tusarniaaneq matumuuna unitsinneqartoq, A-lu eqqarsaatigalugu annertunerusumik iliuuseqartoqaq-qissanngilaaq.

Aalajangiineq taanna tunngavilersorlugu kommunaldirektøri oqarpoq suleqatigiinnermi ajornartorsiutit illua'tungeriit ajornartorsiutigigaat, taamaattumillu sulisut ataasiakkaat toqqaannartumik akuliuffiginagit pisortaa-sunit akuliuffigineqar-nissaat pisariaqartoq." (Atorfeqarfimmi nutsigaavoq)

Taamaalilluni K Kommunip 21. maj 2004-mi inerniliilluni oqaatigaa suleqatigiinnermi ajornartorsiutit illua'tungeriit ajornartorsiutigigaat, taamaattumillu inuit ataasiakkaat toqqaannartumik akuliuffiginagit pisortaa-sunit akuliuffigineqar-nissaat pisariaqartoq.

Tamatuma kingornatigut suliffimmi sulisut 24. maj 2004-mi ataatsimittinneqarput, tassanilu suliffimmi suleqatigiinneq oqaluserineqarluni. Taamatuttaaq sulisut suliffimmi suleqatigiinnermi ajornartorsiutit pillugit 2. juni 2004-mi ataatsimiitsinneqarput.

Isumaqarpunga 21. maj 2004-mi ataatsimiinnerup A isumaqalersissima-sinnaagaa suleqatigiinnermi ajornartorsiuteqartoqartoq, taakkuli illua'tungeriilluni ajornartorsiutaasut.

Isumaqarpungattaq tulleriinneri malillugit 24. maj 2004-mi aamma 2. maj 2004-mi ataatsimiittisinerit imaqarniliorneqarsimasut sinnerinit allaassuteqartut, 21. maj 2004-mimi inerniliisoqarmat suleqatigiinnermi ajornartorsiutit illua'tungeriit ajornartorsiutigigaat.

Tamatuma kingornatigut isumaqarpunga suleqatigiinnermi ajornartorsiutit annertunerusutigut A-mik pissuteqarnerat naammattumik uppernar-sarneqarsimangitsoq.

3.d. Pissutsinut naapertuuttumik tunngaveqarneq.

Pissutsinut naapertuuttumik nalinginnaasumik tunngaveqarnerup manna nassataraa, tassalu ingerlatsivik pisut pisariaqalersitaannit sakkortunerusumik aalajangiissanngitsoq.

Qulaani immikkoortup 3-p ataani oqaatigaara suleqatigiinnermi ajornartorsiutit soraarsitsinnermit sakkukinnerusumik aaqqiiviginiarneqarnissaat oqartussaasup soraarsitsisup tungaanit anguniarneqarsimassasoq.

K Kommunip uannut allakkamini 29. november 2005-imeersuni oqaatigaa:

"Suleqatigiinnermi ajornartorsiutit 2003-mi aallartittumik piffissami sivisuumi iluarsiiiffiginiarneqarsimagaluarpur, tassami ...-mi pisortaasimasoq sulisunik ataatsimiittisinnermigut A-p sulisullu allat akornanni suleqatigiinnerminni ajornartorsiutaannik arlaleriarluni iluarseeriararsimagaluarmat. Tamannalu ingerlateqqinneqarpoq 2004-mi pisortamik nutaamik atorfinitsitsisoqarnerata kingorna."

K Kommunimut 19. december 2005-imi allappunga kommunip allagai imatut paasigikka suleqatigiinnermi ajornartorsiutit K Kommunip sulisunik ataatsimiittisarnikkut aaqqinniarsimagaluarai.

Suleqatigiinnermi ajornartorsiutit aaqqiniarneqarsimagaluarneranik apequtitp ataatsimiinnertigut pisunik oqaluserinniffiusutigut aaqqiis-sutaasinnaasunillu oqalliffiusutigut aaqqiiniarnerup saniatigut manna nalinginnaasumik nassataraa, tassalu soraarsitsinnermit sakkukinnerusumik iliuuseqarnikkut aaqqiiniartoqassasoq, assersuutigalugu inuup pineqartup suliassaqarfimmur allamut nuutsinneqarneratigut. Tamanna suliami matumani periarfissaviusimanersoq ilisimanngilara. Taamaattorli oqaatigisinnaavara aaqqiissutissap taassuma misilinneqarsimanagera kommunip map-piutaani suliami allagaatinik imalimmi takuneqarsinnaanngitsoq.

Uanga ataatsimut paasinninnera unaavoq suleqatigiinnermi ajornartorsiutit A-mit allaasumut tutsinniarneqarsinnaannginnerat suliami erseqqivissumik takuneqarsinnaanngitsoq.

Aammattaq uanga paasinninnera unaavoq suleqatigiinnermi ajornartorsiutit qinnuteqaataanngitsumik soraarsitsinnermut taarsiullugu periarfissanik allanik misissuisoqarsimanngitsoq.

3.e. Suliffiup avataani pissusilersorneq kiisalu atoqatigiinnermut tunngasunik eqqartuineq.

Suliami illua'tungiusup isumaanik inaarutaasunik tusarniaaneq pillugu imaqarniliamit, qulaani issuarneqartumit, ersepoq A imaattunik paasisstissisimasoq:

"Nangilluni [A] oqarpoq taamatut peqquneqarnermi kingornatigut eqqaavissiorunnaarsimalluni.

...

Allakkat naggataatungaanni sullitamik oqaloqateqarnermi oqalutsip oqarnera malillugu A-p atoqatigiinnermi qanoq akeqartitsinermik aperisimanera pillugu A nassuiaalluni oqarpoq niviarsiaaraq kinguaassiuutitigut atonerlunneqarsimasuusooq. A isumaqarpoq taamatut oqarnermi quiasaarneq niviarsiaqqap paasisimaga, illarsimasorlu." (Atofeqarfimmi nutsigaavoq)

Eqqartuussissuserisoq X allakkani 13. december 2004-meersuni (qulaani issuarneqartuni) Eqqartuussissuserisup X-ip allagaanut 17. januar 2006-imi innersuussutitaqartuni oqaatigineqarpoq:

"Tamanna [eqqaavissioartarneq] pillugu oqaaseqaatit: ... Kingullertut taaneqartoq eqqarsaatigalugu atorfeqartitaasup sulinnigiffimmini suliffiup avataani sulerinera sulisitsisup susassarinnigilaa, taamaattumillu tunngavilersuutip ilaa taanna soraarsitsineq eqqarsaatigalugu tamatumunnga attuumassuteqarnani." (Atofeqarfimmi nutsigaavoq)

kiisalu:

"Tamanna pillugu oqaaseqaatit: A tamanna pillugu nassuiaateqarsimavoq, tasanilu oqaatigisimallugu quiasaarneq sullitamit pineqartumit aamma taamatut paasineqartoq pineqartoq. Pissusilersornerup takutinneqartup akuerineqarsinnaanginnera sulisitsisup tungaanit aalajangiusimaneqartariaqaraluartoq pissutsinut naapertuuttumik tunngaveqarneq malillugu tamatuma kingunerisaanik soraarsitsisoqarsinnaasussaannigilaa." (Atofeqarfimmi nutsigaavoq)

Oqaatigaara atorfeqartitaasup piffissap suliffiusup avataani sulerinera sulisitsisup susassarinnigikkaa Eqqartuussissuserisup X-ip oqarnera isumaqatigigiga. Peqatigitilluguli uanga paasinninnera unaavoq pisoqarsinnaammatt atorfeqartitaasup piffissap suliffiusup avataani pissusilersorne-rata soraarsitsinermi tunngavinnut ilaatinneqarfisigisinnaasaannik.

Atoqatigiinnermut tunngasut A-p sullitamut saqqummiussimasai eqqarsaatigalugit oqaatigaara:

K Kommuni isumaqatigaara oqarmat tamanna soraarsitsinermi tunngavinnut ilaatinneqarsinnaasoq, manna aallaavigalugu, tassalu suliami illua'tungiusoq soraarsitsinermut tunngavilersuut taanna pillugu naammattumik tusarniaavigineqarsimappat. Tamatumali kisimiilluni soraarsit-

sinnermut tunngavilersuutitut attassisinnaanerata naliliivigineqarnissaa uanga pisinnaatitaanerma avataaniippoq.

K Kommuni qinnuigaara qulaani taaneqartut kommunip qanoq iliuuseqarnissaanut pissutissaqalersitsinersut paasissutissiissutigeqqullugu.

Eqqartuussissuserisoq X allakkatigut allatigut allakkat uku assilineranik ilaqartinneqartutigut qulaani taaneqartunik ilisimatinneqarpoq.

K Kommuni qinnutigisannut akissuteqarnissaa utaaqimaarlugu suliamut atatillugu annertunerusumik iliuuseqaqqissanngilanga.”

K Kommuni allakkatigut 7. august 2006-imeersutigut imatut akivoq:

"Inatsisartut Ombudsmandiata allagaanut 10. april 2006-imeersunut atatillugu K Kommuni imaattunik akissuteqassaaq:

Suliami illua'tungiusup isumaanik tusarniaasarnermi periaatsit K Kommunip misissorsimavai. Suliaq qulaani taaneqartoq periaatsinik allannqortitsinissamut pissutissaqalersitsisimavoq, siunissami suliami taamatut pisoqartarnissaa pinngitsoortiniarlugit." (Atorfeqarfimmi nutsigaavoq)

Kommunimut 29. august 2006-imi imatut allappunga:

"K Kommunip allagai 7. august 2006-imeersut tiguakka, tassani K Kommunip Ombudsmandip oqaaseqaataanut 10. april 2006-imeersumut akissutitut oqaatigaa suliap pineqartup illua'tungiusut isumaanik tusarniaanermi periaatsinik allannguuteqartitsinissamut kommuni pissutissaqalersikkaa, siunissami suliani taama ittumik pisoqaqqeqqunagu.

K Kommuni qinnuigineqarpoq Ombudsmandip oqaaseqaataatigut pissutissaqalersitsisutut kommunip sulisuinik qinnuteqaataannqitsumik soraarsitsinnermut atatilugu illua'tungiusut isumaannik tusarniaasarneq pillugu kommunip periaasiani qanoq allannguuteqartitsisoqarnersoq erseqqinnerusumik nassuiaateqaqqullugu."

K Kommunip akissutaanik tigusaqannginnama suliaq kommunimut allakkatigut 27. oktober 2006-imeersutigut aamma 30. november 2006-imeersutigut eqqaasitsissutigaa, tamatumunngalu peqatigitillugu kommuni qinnuigalugu oqaaseqaatikka kommunip qanoq iliuuseqarnissaanut pissutissaqalersitsisimanersut paasissutissiissutigeqqullugu.

Kommunip akissutaanik ukiup nalunaarusiuunneqartup naanerani suli tigusaqanngilanga.